



উত্তরবঙ্গের আত্মার আত্মীয়

COB

উত্তরবঙ্গ সংবাদ



সেনসেঞ্জ : ৮৪,৪০৪.৪৬
(-৫৯২.৬৭)

নিফটি : ২৫,৮৭৭.৮৫
(-১৭৬.০৫)

উদ্ধার পণবন্দি ১৭ শিশু
বৃহস্পতিবার পুলিশের রক্ষাশাস অভিযানে মুম্বইয়ের পাওয়াইয়ের স্টুডিও থেকে মুক্তি পেল ১৭ জন পণবন্দি শিশু। শিশুদের সঙ্গে পণবন্দি হন দুই প্রাপ্তবয়স্ক।

বন্ধ সান্দাকফুর ট্রেকিং রুট

উত্তরে দুর্যোগের আশঙ্কা। অনির্দিষ্টকালের জন্য বন্ধ সান্দাকফুর সহ সংলগ্ন এলাকায় যাবতীয় ট্রেক রুট। অ্যাডভেঞ্চার টুরিজমের পাশাপাশি বন্ধ পাহাড়ের সমস্ত পার্ক।



রিক্কদের নয়া কোচ অভিষেক নায়ার

১৩ কার্তিক ১৪৩২ শুক্রবার ৫.০০ টাকা 31 October 2025 Friday 12 Pages Rs. 5.00 ইন্টারনেট সংস্করণ www.uttarbangesambad.in Vol No. 46 Issue No. 161

উত্তরের খোঁজ

তৈরি থাকুন, বন্যা বইবে নাটক আর সংলাপের

রূপায়ণ ভট্টাচার্য



ভোট আসছে মানে আপনারা সবাই তৈরি হয়ে যান মনে মনে! এই বাংলায় শিশির ভাঙছে, কৃষকদের দে, অহীন্দ্র চৌধুরী, উৎপল দত্ত, শঙ্কু মিত্র, সরথুবালা দেবী, তৃপ্তি মিত্রদের অতি ক্ষুদ্র কিছু সংস্করণ দেখার জন্য। অতি ক্ষুদ্র, তবে এরা প্রত্যেকেই নিজের মনে করেন অতি চালাক। সংলাপের বন্যা বইবে, সংলাপের বন্যা। নাটক হবে, নাটক। নেতা হয়ে উঠবেন নাট্যাভিনেতা। আজকে স্বরক্ষণ বদলে যা বলা হবে, কাল বলা হবে তার সম্পূর্ণ উলটো। ভোটে টিকিট পাওয়ার জন্য বিদ্রোহীসুলভ কথাবার্তা শুরু করবেন অনেকে, মিডিয়াকে কাজে লাগিয়ে।

তারপর একদিন? তারপর একদিন নিঃশব্দে দেখবেন থাকের কই থাকে মিশে গেল সব অঙ্ক মিলে যাওয়ায়। নিজস্ব লাভ হলেই এঁদের যাবতীয় বিদ্রোহ শেষ।



এসব শুরুও হয়ে গিয়েছে বাংলার বিভিন্ন প্রান্তে। মুর্শিদাবাদের ছমায়ুন কবীরকে দিয়ে শুরু না করলে তার মানইজ্জত থাকে না। পশ্চিমবঙ্গে এই মুহূর্তে তাঁর মতো বৈপ্লবিক কথাবার্তা কোনও নেতা বলছেন না। গত কদিন ধরে নিজের পাটির বিরুদ্ধে এত কথা বলে গেলেন, যেন মনে হবে, তৃণমূল কংগ্রেসের থেকে খারাপ কোনও পার্টি হতে পারে না। এবং বহু দল ঘোরা ছমায়ুনের থেকে সত্যতার পরাকাষ্ঠা হতেই পারে না কেউ। তবে আপনি জানেন না, কখন ছমায়ুনবাবু আবার কোনদিকে ডিগবাজি খাবেন।

উত্তরবঙ্গে এই মুহূর্তে ছমায়ুনের সঙ্গে পাল্লা দেওয়ার মতো নেতা আছেন দুজন। নগেন্দ্র রায় এবং বংশীবদন বর্মণ। এঁদের কথা শুনলে একদিন মনে হবে, এঁরা বিজেপির দিকে। পরের দিনই মনে হবে তৃণমূলের দিকে। আসলে দুজনে বঝোতে চান, যে দল বেশি গুরুত্ব দেবে, আমি তোমারই দলে।

দুজনে বহুদিন ধরেই রাজবংশী সম্প্রদায়ের লোকদের বোকা বানিয়ে চলেছেন নিজ নিজের আশের গুহায়ে।

এরপর দশের পাঠায়

উত্তরবঙ্গ সংবাদ

রাহুল মজুমদার

দার্জিলিং, ৩০ অক্টোবর : শীতের জামা গায়ে খোঁয়া ওঠা কাপ ঠোঁটে ঠেকিয়ে দার্জিলিং চায়ে চুমুক দিতেই জুড়িয়ে যায় প্রাণ। রোদ বলমলে আকাশ। কোনায় কিছুটা মেঘ। বুকের অবশ্য ঘুম ভাঙেনি। সাদা চাদর মুড়িয়ে তিনি তখন ঘুমিয়ে আকাশের গায়ে হেলান দিয়ে। কেভেটাসের ছাদে বসে

কাঞ্চনজঙ্ঘায় যখন চোখ আটকে, তখন ওয়েটার নিয়ে আসেন ইংলিশ ব্রেকফাস্ট প্যাটার। চিকেন সসেজটি কাটাচামচে তুলে মুখে পুরতেই... আহা! প্লেনারিজের চকোলেট বা ড্রাইফ্রুট মাফিনের ভক্ত ছড়িয়ে দেশ থেকে বিদেশে। ট্রেনে আসতে আসতে ফোনে দক্ষিণ ভারতের এক বন্ধুকে এসবই বলছিলেন সন্তলেকের অমলিতা মজুমদার। বছরদশেক পর ফের তিনি বেড়াতে এসেছেন শৈলশহরে।

কিন্তু চিরদিন কি কাহারো সমান যায়? নামের খ্যাতির জোরে কি বেশিদিন ভিড় আটকে রাখা সম্ভব হয়? পর্যটন মরশুমের লগ্না লাইন



দার্জিলিংয়ের একটি ক্যাফেটেরিয়ায় ভিড়।

চোখে পড়ছে শুধুমাত্র 'আশা'কে জায়গা থেকে কাঞ্চনজঙ্ঘার দেখা মিলে না এখন। অমলিতা সব দেখে, ক্যাফেটেরিয়ার অধিকাংশ বসার

দার্জিলিংয়ের বিখ্যাত সেই ক্যাফেটেরিয়া ও ক্যাফে কাম বেকারির একচ্ছত্র আধিপত্যতে ভাগ বসিয়েছে ফুরিন। ভিড় টানতে জোর টক্কর দিচ্ছে ব্রিটিশ আমলে কলকাতায় তৈরি ওই ব্র্যান্ডের নতুন আউটলেট। সকাল সাড়ে ৭টা থেকে রাত সাড়ে দশটা পর্যন্ত পরিষেবা দেওয়া হচ্ছে, জানালেন ওই ক্যাফের এক কর্মী। জনপ্রিয়তা বাড়ছে নেহরু রোডে থাকা ছোট ছোট স্থানীয় ক্যাফেগুলিরও।

ভিড় হ্রাস ও বৃদ্ধির অঙ্কে অন্যতম ফ্যাক্টর হয়ে দাঁড়িয়েছে খাবারের মান। বহু লোকের অভিযোগ, আগের তুলনায় অনেকটাই পড়েছে স্বাদ। কফি থেকে সসেজ, মাফিন থেকে

অন্যান্য স্ন্যাক্স-সবচেয়েই বিখ্যাত দুই খাবারের জায়গা যেন ক্রমশ পিছিয়ে পড়ছে। সেখানে প্রায় একই বা কিছুক্ষণে কম দামে ভালো মানের খাবার পরিবেশন করে খাদ্যশ্রেমীদের মন জিতছে অনাররা।

অক্টোবরের এক সন্ধ্যায় কথা হচ্ছিল মহারাজের এক দম্পতির সঙ্গে। বরাবরের মতো ওই দুই জায়গায় প্রাতরাশ সেরেছেন। খাবার নিয়ে তাঁরা মোটেই সম্ভুষ্ট নন। একটি টেক সংস্থার কর্মী সজ্জয় আগরওয়ালও বললেন, 'দুই জায়গায় আগেও খেয়েছি। ইংলিশ প্ল্যাটারে থাকা চিকেন সসেজের

এরপর দশের পাঠায়

আরও এক আত্মহত্যা় সরব তৃণমূল

তালিকায় কারচুপির তত্ত্ব



নিউজ ব্যুরো

৩০ অক্টোবর : আরও এক আত্মহত্যা় জড়িয়ে গেল এসআইআর। এই নিয়ে পরপর তিনদিন। তার মধ্যে দুজনের মৃত্যু হয়েছে গলায় ফাঁস দিয়ে। দিনহাটার বিষপানে অসুস্থ খাইরুল শেখ আশঙ্কাজনক অবস্থায় হাসপাতালে চিকিৎসাধীন। আত্মহত্যার সর্বশেষ ঘটনাটি ঘটেছে বৃহস্পতিবার বীরভূমের ইলামবাজারে। দ্বিতীয় মজুমদার (৯৫) নামে একজনের বুলন্ড দেহ উদ্ধার হয় তাঁর বাড়িতে।

এই আবহে এসআইআরের ভিত্তিও ২০০২-এর ভোটার তালিকাতেই কারচুপির অভিযোগ তুলেছে তৃণমূল। বৃহস্পতিবার তৃণমূল দপ্তরে সাংবাদিক বৈঠকে একের পর এক উদাহরণ তুলে ধরে ভোটার তালিকায় 'চুপি চুপি কারচুপি'-র অভিযোগ তোলেন রাজ্যের অর্থ প্রতিমন্ত্রী প্রদীপা ভট্টাচার্য

কোথায় অসংগতি

■ কোচবিহারের ৩০৩ নম্বর বুথে ২০০২-এ ভোটার তালিকায় ছিলেন ৭১৭ জন। এখন আছেন মাত্র ১৪০ জন

■ মাথাভাঙ্গার ১৬০ নম্বর বুথে ২০০২ সালের তালিকায় ভোটার ছিলেন ৮৪৬ জন। ৪১৭ থেকে ৮৪৬ পর্যন্ত নামগুলি উধাও হয়ে গিয়েছে

■ আলিপুরদুয়ারের মাঝেরডাবরিতে তালিকা থেকে এক বিএলও-র বাবা-মা ও ভাইয়ের নামই বাদ চলে গিয়েছে

ও তৃণমূল মুখপাত্র কুণাল ঘোষ। ২০০২ সালে ভোটার তালিকায় নাম থাকা সত্ত্বেও কমিশনের

ওয়েবসাইটে আপলোড করা নতুন তালিকায় বিপুল সংখ্যকের নাম মুছে গিয়েছে তাদের অভিযোগ। অনিয়মের ওই অভিযোগগুলির মধ্যে বেশকিছু উত্তরবঙ্গের। যেমন নথি দেখিয়ে কুণাল দাবি করেন, কোচবিহার জেলার নাটবাড়ি কেন্দ্রের ২ নম্বর বুথ যা কোচবিহার উত্তর কেন্দ্রের খাপাইডাঙ্গা গ্রামের ৩০৩ নম্বর বুথের অন্তর্ভুক্ত, সেই বুথে ২০০২ সালের ভোটার তালিকায় নাম ছিল ৭১৭ জনের। নতুন ভোটার তালিকায় নাম রয়েছে মাত্র ১৪০ জনের।

তৃণমূল মুখপাত্র বলেন, মাথাভাঙ্গা কেন্দ্রের পচাগড় গ্রামের ১৬০ নম্বর বুথে (মাথাভাঙ্গা কলেজ, রুম নম্বর ২) ২০০২ সালের তালিকায় ভোটার ছিলেন ৮৪৬ জন। এখন ২/২৪৪ নম্বর বুথে ৪১৬ জনের নাম রয়েছে। ৪১৭ থেকে ৮৪৬ পর্যন্ত নামগুলি তালিকা থেকে উধাও হয়ে গিয়েছে।

এরপর দশের পাঠায়

জেমিমার ব্যাটে রূপকথা

অস্ট্রেলিয়া-৩০৮ ভারত-৩৪১/৫ (৪৮.৩ ওভারে) (ভারত ৫ উইকেট জয়ী)

নভি মুম্বই, ৩০ অক্টোবর : আইসিসি-র টানায়েট জিততে হলে অস্ট্রেলিয়াকে 'বাইপাস' করে খেতাব জয়ের স্বাদ পাওয়া যায় না। ইংল্যান্ডে ২০১৭ সালে মহিলাদের ওডিআই বিশ্বকাপের সেমিফাইনালে হারমনপ্রীত কাউরের মহাকাব্যিক অপরাজিত ১৭১ রানের ইনিংসে ক্যাণ্ডাক বধ করেছিল মিতালি রাজের টিম ইন্ডিয়া। পরে ফাইনালে ইংল্যান্ডের কাছে ৮ রানে হার এখনও ভারতীয় ক্রিকেট সমাজের

কাছে টাটকা ক্ষত। অনেকটা ২০০২ সালের ১৯ নভেম্বরের 'কালো' রাতটার মতোই। ৮ বছর পর আরও একটা মহিলাদের ওডিআই বিশ্বকাপ। আরও একটা সেমিফাইনাল। সামনে সেই অস্ট্রেলিয়া। যারা মহিলাদের ৫০ ওভারের বিশ্বকাপে সাতবারের চ্যাম্পিয়ন। ২০০২ সাল থেকে বিশ্বকাপের আসরে অপরাজিত। ২০১৭ সালে ২০ জুলাইয়ের এক দুপুরে হারমনপ্রীত কাউর-ক্রাসিক দেখেছিল ক্রিকেট বিশ্ব। বৃহস্পতিবার নভি মুম্বইয়ের ডিওয়াই পাতিল স্টেডিয়ামে

এরপর দশের পাঠায়

কুলিকে পরিযায়ীর সংখ্যা ছাড়াল ১ লক্ষ

‘...তারপর চলে যায় কোথায় আকাশে? তাদের ডানার দ্বাণ চারিদিকে ভাসে।’ জীবনানন্দ তাঁর কবিতার পাখিদের বর্ণনা করেছিলেন এভাবেই। উত্তরের আকাশেও পাখিদের অবাধ বিচরণ। পরিযায়ীদেরও। সেই পাখিদের নিয়েই বিশেষ সিরিজ। আজ প্রথম পর্ব।



দীপঙ্কর মিত্র

রায়গঞ্জ, ৩০ অক্টোবর : বহুদিন ধরেই অধীর একটা অপেক্ষা ছিল। অবশেষে পরিবেশশ্রেমীদের সেই অপেক্ষার অবসান। রায়গঞ্জের কুলিক পক্ষীনিবাসে এবছর পরিযায়ী পাখির সংখ্যা এক লক্ষ ছাড়িয়ে গেল। গত পাঁচ বছরের মধ্যে এবারের পরিযায়ী পাখির সংখ্যা উল্লেখযোগ্যভাবে বেড়েছে। রায়গঞ্জ বন দপ্তরের উদ্যোগে গত ১৪ এবং ১৫ সেপ্টেম্বর এখানে পাখি গণনা হয়। স্কুল,

কলেজের পড়ুয়ারা ছাড়াও বনকর্মীরা ও বিভিন্ন স্বচ্ছসেবী সংস্থার সদস্যরা তাতে शामिल হন। এবারের গণনায় কুলিকে মোট ১ লাখ ৫৮টি পাখির খোঁজ মিলেছে। এর মধ্যে ওপেনবিল স্টার্কের সংখ্যা ৬৯ হাজার ৫৫৮, ইগরেট ১৫ হাজার ৪৮৬, কমেসেট ৯ হাজার ৯৫১, নাইট হেরন ৩ হাজার ৫৫৭ এবং গ্রুসি আইবিস ১ হাজার ৫০৬।

চারিদিকে কংক্রিটের জঙ্গল বাড়ছে। পাহাড়ের নানা এলাকাতোও হোমস্টের বাড়বাড়ন্ত। ফলে সেই সমস্ত জায়গা এখন পাখিদের সেভাবে পছন্দ নয়। সেই পরিস্থিতিতে রায়গঞ্জের এই পাখিরায়ের কী কারণে পরিযায়ীদের আনাগোনা বাড়ছে? বন আধিকারিক ভূপেন বিশ্বকমা



বললেন, 'পরিযায়ী পাখিদের জন্য এখানে বসবাসের উপযুক্ত প্রাকৃতিক পরিবেশ রয়েছে।

বাঁধার মতো উপযুক্ত গাছ ও পর্যাপ্ত খাবার থাকায় এখানে তাদের আনাগোনা বেড়ে চলেছে।' উত্তর দিনাজপুর জেলার রায়গঞ্জের কুলিক পক্ষীনিবাস এশিয়া মহাদেশের দ্বিতীয় বৃহত্তম পক্ষীনিবাস হিসেবে পরিচিত। প্রতি বছরের মে মাসের শেষের দিকে এখানে পরিযায়ী পাখিদের আগমন হয়। প্রজননের পর ছয়-সাত মাস এখানে থেকে ছোটদের লালনপালন চলে। এরপর নভেম্বর-ডিসেম্বরে তারা ভিনদেশে পাড়ি দেয়।

কুলিকে পরিযায়ী পাখিদের আগমন যে এবারই বেড়েছে এমনটা নয়। বন দপ্তরের একটি হিসেবে দেখা যাচ্ছে, ২০২০ সাল থেকে এখানে পরিযায়ীদের সংখ্যা বাড়ছে। সেই বছর এখানে ৯৯,৬৩১টি পরিযায়ী পাখি এসেছিল। পরের বছর ৯৮,৭৩৯টি পাখি আসে। ২০২২ সালে ৯৯,৩৯৬টি, ২০২৩ সালে ৯৮,১৪১টি এবং ২০২৪ সালে ৯৬,৭১৯টি পরিযায়ীর এখানে আগমন হয়েছিল। আর এই বছরের হিসেব তাতা আগেই বলা হয়েছে। কুলিকে পরিযায়ী পাখিগুলি যেভাবে এক-একটি গাছ দখল করে থাকে তাতে সেগুলিকে খালি চোখে আলাদাভাবে ঠাণ্ডা

এরপর দশের পাঠায়

সাবেক ছিটে শঙ্কা এসআইআর নিয়ে

শিবশংকর সূত্রধর

কোচবিহার, ৩০ অক্টোবর : সাবেক ছিটমহলের বাসিন্দাদের এসআইআর কোন নথির ভিত্তিতে হবে, তা নিয়ে সেখানকার গ্রামবাসীরা তো বটেই, প্রশাসনও ধোঁয়াশায় রয়েছে। নিয়ম অনুযায়ী এসআইআরের ক্ষেত্রে ২০০২ সালের ভোটার তালিকায় নাম থাকতে হবে। তবে ছিটমহল বিনিয়ম হয়েছে ২০১৫ সালের ৩১ জুলাই মধ্যরাত্রে। স্বাভাবিকভাবেই সেখানকার বাসিন্দাদের তার আগের কোনও সরকারি নথি নেই। তাই এসআইআর নিয়ে গ্রামবাসীদের আতঙ্ক রয়েছে। কীভাবে সেখানে এসআইআর প্রক্রিয়া সম্পন্ন হবে, তা মহকুমা তথা জেলা প্রশাসনও স্পষ্টভাবে জানাতে পারেনি।

স্পষ্ট করে বলতে পারছে না প্রশাসনও

বৃহস্পতিবার জেলা শাসকের দপ্তরে এসআইআর নিয়ে সর্বদলীয় বৈঠক হয়। সেখানে রাজনৈতিক নেতারা জেলা শাসকের কাছে দাবি জানান, সাবেক ছিটবাসীদের যাতে এসআইআরের ক্ষেত্রে কোনও সমস্যা না হয় তা গুরুত্ব দিয়ে দেখার। বৈঠক শেষে খবর, কী প্রক্রিয়ার মাধ্যমে এসআইআর হবে তা নিয়ে জেলা শাসকও স্পষ্ট জবাব দিতে পারেননি। তিনি বিষয়টি উর্ধ্বতন কর্তৃপক্ষকে জানিয়ে প্রয়োজনীয় পদক্ষেপ জনবেন বলে আশ্বাস দিয়েছেন। এবিষয়ে একাধিকবার ফোন করা হলেও জেলা শাসক রাজু মিশ্র ফোন না ধরায় তাঁর বক্তব্য মেলেনি। কোন প্রক্রিয়ার মাধ্যমে সাবেক ছিটবাসীদের এসআইআর হবে, এ প্রশ্নের জবাবে দিনহাটার ভারপ্রাপ্ত মহকুমা শাসক বিজয় গিরির জবাব, 'এটা আমার জানা নেই'।

এসআইআর যোগ্য হতেই সাবেক ছিটগুলির বাসিন্দাদের চোখেমুখে উদ্বেগের ছাপ স্পষ্ট হচ্ছে।

এরপর দশের পাঠায়

এডিশন স্পেশাল



তেলে-জলে মেশে না, কটাক্ষ নমোর

সাতের পাঠায়

‘মেয়েরাই বেশি মদ খায়’

পাঁচের পাঠায়



উত্তরবঙ্গের কিছু নিবাচিত খবরের ভিডিও দেখতে কিউআর কোড স্ক্যান করুন

স্কুলের ভাঙা দেওয়ালের ইট নিলেন পড়শিরা



ভাঙা দেওয়ালের ইট নিয়ে যাচ্ছেন গ্রামবাসী। গোসানিমারি-২ গ্রাম পঞ্চায়েতে।

অমৃতা দে

দিনহাটা, ৩০ অক্টোবর : রাজ্যজুড়ে শিক্ষা ব্যবস্থার বেহাল দশা নিয়ে যখন নানা মহলে প্রশ্ন উঠছে, রাজ্য সরকার বা শিক্ষা দপ্তরের বিরুদ্ধে অভিযোগ তুলছেন সাধারণ মানুষ, তখন সাধারণ মানুষের দায়বদ্ধতা নিয়েও উঠছে প্রশ্ন। যাদের সন্তানদের জন্য বিদ্যালয় তৈরিই বিদ্যালয়ের ভেঙে পড়া দেওয়ালের ইট খুলে নিয়ে যাচ্ছেন। ঘটনায় ক্ষোভ ছড়িয়েছে দিনহাটার গোসানিমারি-২ গ্রাম পঞ্চায়েতের কামতাপুর এলাকায়।

বৃহস্পতিবার দুপুর নাগাদ কামতা নিম্ন বুনিয়াদি বিদ্যালয়ের একটি পরিত্যক্ত ঘরের দেওয়াল ভেঙে ফেলার অভিযোগ ওঠে। ঘটনার কিছুক্ষণের মধ্যেই এলাকার কিছু বাসিন্দা তান ও ঠেলায় ভেঙে পড়া দেওয়ালের ইট নিজের বাড়িতে নিয়ে চলে যান বলে অভিযোগ উঠেছে। তবে ঘটনাকে কেন্দ্র করে দু'ভাগে বিভক্ত গ্রামবাসীরা। একদল অভিযোগ করছেন, বিদ্যালয়ের আশপাশের কিছু বাসিন্দা হচ্ছে করেই ট্রাক্টর দিয়ে দেওয়ালটি ভেঙে ফেলছেন, যাতে বিদ্যালয়ের জমি দখল করা যায়। অন্য একদল বলছেন, দেওয়ালটি ছিল পুরোনো ও জীর্ণ, তাই হঠাৎই ভেঙে পড়েছে।

স্থানীয় বাসিন্দা দীপককুমার রায় অভিযোগ করেন, 'ট্রাক্টর দিয়ে মনেবুঝে দেওয়ালটি ফেলা হয়েছে। পরে ইটগুলো বাড়িতে নিয়ে যাওয়া হয়।' আর এক গ্রামবাসী বিষ্ণু রায় বলেন, 'বিদ্যালয়ের মাঠে বহুবার ধান শুকানো, ঘরে ধানের বস্তা রাখা, এমনকি মাঠে ট্রাক্টর ও গোরুর গাড়ি রাখার মতো ঘটনাও ঘটেছে। এখন দেওয়াল ভেঙে ইট নিয়ে যাওয়া শিক্ষা ব্যবস্থার প্রতি চরম অবমাননা'।

বিদ্যালয়ের সূত্রে জানা গিয়েছে, বহুদিন আগে এই বিদ্যালয়ের গ্রাম শিক্ষা কমিটি ভেঙে গিয়েছে। বিদ্যালয়ের পুরো দায়িত্ব এখন প্রধান শিক্ষক বিকাশ দাসের ওপর। স্কুল চলাকালীন কীভাবে বিদ্যালয়ের দেওয়াল ভাঙা এবং সেই দেওয়ালের ইট খুলে নিয়ে যাওয়া যায় তা নিয়ে উঠছে প্রশ্ন।

বিদ্যালয়ের প্রধান শিক্ষক বিকাশ দাস অবশ্য জানান, 'ঘটনাটি প্রায় দুপুর দুটো নাগাদ ঘটে। আমি তখন ছাত্রদের বাড়িতে ভিজিতে গিয়েছিলাম। ফোনে খবর পেয়ে এসে দেখি, ইটগুলো আর নেই। দেওয়ালটি প্রায় ৪০ বছর পুরোনো ও পরিত্যক্ত অবস্থায় ছিল।

এরপর দশের পাঠায়

ব্যর্থ কেনিয়া, সফল উত্তর

১১টি গভারকে তিন সপ্তাহের মধ্যে নিরাপদে উদ্ধার করে আনা ভারতবর্ষের বন্যপ্রাণ ইতিহাসে বিরল ঘটনা। ২০১৮ সালে ১৪টি সংকটাপন্ন কালো গভারকে স্থানান্তরিত করা হয়েছিল কেনিয়ায়। বাঁচানো যায়নি আটটিকে। গভার উদ্ধারের পর চিকিৎসা শেষে জঙ্গলে ছাড়ার প্রক্রিয়া অত্যন্ত জটিল। যা পারেনি কেনিয়া, পেরেছে উত্তরবঙ্গ।



দুর্যোগের পর গভার উদ্ধারে বনকর্মীরা। -ফাইল চিত্র

নিউজ ব্যুরো

৩০ অক্টোবর : পূর্ব আফ্রিকার একটি দেশ কেনিয়া। রাজধানী নাইরোবি। ৫ লক্ষ ৮০ হাজার বর্গকিলোমিটার আয়তনের ওই দেশটিতে জনসংখ্যা খুব বেশি নয়। অর্থনৈতিক দিক থেকেও খুব একটা শক্তিশালী নয়। কিন্তু সারাবিশ্বের পটটকদের কাছে অন্যতম আকর্ষণের জায়গা কেনিয়া। মাসাই মারা সহ জাতীয় উদ্যান ও সংরক্ষিত বনভূমির সংখ্যা ৫০টিরও বেশি। আকাশপথে শিলিগুড়ি থেকে নাইরোবির দূরত্ব প্রায় সাড়ে ছয় হাজার কিলোমিটার। তবে কেনিয়া ও উত্তরবঙ্গের মধ্যে একটি বিষয়ে বেশ মিল রয়েছে। বন্যপ্রাণের বেচিছা। উত্তরের বনাঞ্চলে থাকা নানা প্রজাতির প্রাণী, পাখির টানে প্রতিবছর দেশ-বিদেশের লাক্খো পর্যটক পাড়ি দেন এখানে।

অক্টোবরের শুরুতে পূজোর রেশ যখন কাটিয়ে উঠতে পারেননি বঙ্গবাসী, তখন প্রকৃতির রোষে পড়ে সাহিত্যিক দেবেন্দ্র রায়ের ভাষায় ‘ভগবানের আঙিনা’। ৫ তারিখ সকাল থেকে সমাজমাধ্যমে ছড়িয়ে পড়তে শুরু করে শিউরে ওঠার মতো সমস্ত ছবি, ভিডিও। জঙ্গল থেকে বেরিয়ে আসার সময় নদীর তেড়ে ভেসে যাচ্ছে গভার, কোথাও আবার বাড়ি পাশে কাদায় আটকে পড়েছে বন্যপ্রাণ। পথ হারিয়ে, দল থেকে বিচ্ছিন্ন হয়ে ঘুরে বেড়াচ্ছিল ওরা।

শুরু হয় উদ্ধার অভিযান। বন আধিকারিক-কর্মীদের কাঁধে কাঁধে মেলান পশু চিকিৎসক, স্থানীয় প্রশাসনের পদাধিকারী, দমকলকর্মীরা। কাজে লাগানো হয় বন দপ্তরের প্রশিক্ষিত হাতিদের। জলদাপাড়া থেকে মোট ১২টি গভার বেরিয়ে এসেছিল। এরমধ্যে ১১টিকেই তিন সপ্তাহের মধ্যে

ফেরানো সম্ভব হয়। কোচবিহার ও আলিপুরদুয়ারের বিভিন্ন এলাকা থেকে উদ্ধার করা হয় বন্যপ্রাণীদের। গভারদের বিশেষ পদ্ধতিতে বাগে এনে বিশেষ ট্রাক বা হাতির সাহায্যে নিরাপদে ফিরিয়ে আনা হয় জলদাপাড়ায়।

১১টি গভারকে নিরাপদে উদ্ধার করে আনা ভারতবর্ষের বন্যপ্রাণ ইতিহাসে বিরল ঘটনা বলেই দাবি করলেন জলদাপাড়ার বিভাগীয় বনাধিকারিক পারভিন কাশোয়ান। তাঁর কথায়, ‘পুলিশ, প্রাণী চিকিৎসক, মাহুত, পাতাওয়ালা ছাড়াও দমকল বিভাগের পাশাপাশি সাধারণ মানুষের সম্পূর্ণ সহযোগিতা পেয়েছি আমরা।’

কীভাবে অভিযান? পারভিন জানালেন, বনকর্মীদের নিয়ে একাধিক দল গঠন করা হয়েছিল। ১১টি কুনকি হাতিকে উদ্ধারকাজে নামানো হয়। হাতিদের অস্থায়ী পিলখানা বানানো হয়েছিল, যাতে রোজ তাদের বেশি দূর থেকে যাতায়াত করতে না হয়। বনকর্মীরাও রাত কাটিয়েছেন অস্থায়ী ক্যাম্পে।

একই হাতিকে প্রতিদিন কাজে লাগানো হয়নি। বিশ্রাম দিয়ে ঘুরিয়ে ফিরিয়ে অভিযানে নামানো হত। বনকর্মী, ঘুমপাড়ানি গুলির টিমের সদস্য, রেঞ্জ অফিসাররাও রোটেশনে কাজ করতেন। বড় চ্যালেঞ্জ ছিল, পাতলাখাওয়া থেকে গভারটিকে উদ্ধার করা। ১০ অক্টোবর প্রায় ৭ ঘট্টা সময় লেগেছিল সেটাকে ট্রাকে তুলতে। এরপর গভারটিকে আনা হয়।

জলদাপাড়ায়। পশু চিকিৎসকদের তত্ত্বাবধানে সুস্থ হয়ে ওঠে সে। এবার ফেরা যাক কেনিয়ায়। বছর সাতেক আগের কথা। কেনিয়া ওয়াইল্ডলাইফ সার্ভিস সহ একাধিক সংস্থার উদ্যোগে ২০১৮ সালের জুন থেকে একটি প্রকল্প শুরু হয়। উদ্দেশ্য ছিল, ১৪টি সংকটাপন্ন কালো গভারকে (ব্ল্যাক রাইনো বা ডিসেসস বাইকোরনিস) স্থানান্তরিত করা। নাইরোবি

ও লেক নাকারু ন্যাশনাল পার্ক থেকে সেগুলোকে দক্ষিণ কেনিয়ার মাভো ইস্টের একটি নতুন নিয়ন্ত্রিত অভয়ারণ্যে নেওয়ার পরিকল্পনা করে কর্তৃপক্ষ। কিন্তু শেষপর্যন্ত আটটিকেই আর বাঁচানো যায়নি। প্রাথমিক তদন্তে উঠে আসে নতুন ঠিকানায় লবণাক্ত জলের সঙ্গে মালিয়ে নিতে পারেনি তারা। এরপরই প্রকল্পটি বন্ধ করে দেওয়া হয়। কেনিয়ার পরিবেশশ্রেমী পাওলো কাহাছু গভারের মৃত্যুকে ‘বিপর্যয়’ বলে আখ্যায়িত করেছিলেন। গভার উদ্ধারের পর বিশেষ পদ্ধতিতে তাকে নিজেদের করে স্থানান্তর এবং তারপর তাদের স্বাভাবিক অবস্থায় ফিরিয়ে আনা। চিকিৎসা শেষে জঙ্গলে ছাড়ার প্রক্রিয়া অত্যন্ত জটিল। রয়েছে লোকালয়ে ঢুকে ফসল, মানুষের ক্ষতি করার আশঙ্কা। পূর্ব আফ্রিকার দেশটি এই কাজে ব্যর্থ হলেও, উত্তরবঙ্গ তাতে সফল। পারভিন বলছিলেন, ‘তিন সপ্তাহ ধরে চেষ্টা চালিয়ে গিয়েছি, হতাশ হননি কেউ। একটাই লক্ষ্য ছিল, যেন একটিও গভারের প্রাণ না যায়।’

ফের ভারী বৃষ্টির শঙ্কায় নজরে বুনোরা

শুভদীপ শর্মা

ময়নাগুড়ি, ৩০ অক্টোবর : ঘূর্ণিঝড় মস্থার জেরে পাহাড়ে ভারী বৃষ্টির আশঙ্কায় সতর্ক বন দপ্তর। বন্যপ্রাণীদের ওপর চলছে বিশেষ নজরদারি। সরিয়ে আনা হয়েছে কুনকি হাতিদের। পরিস্থিতি মোকাবিলায় একাধিক টিম করে ময়নাদানে নেমেছে বন দপ্তর।

গত ৫ অক্টোবর ভুটানে ভারী বৃষ্টির জেরে ফুলেক্ষেপে উঠেছিল জলঢাকা নদী। তার জেরে প্রাণিত হয়েছিল গরুমারা জঙ্গলের বিস্তীর্ণ এলাকা। জল এতটাই বেড়েছিল যে জঙ্গল থেকে ভেসে গিয়েছিল একের পর এক বন্যপ্রাণী। একটি গভারের দেহ মিলেছিল ময়নাগুড়ি চূড়াভাঙার গ্রাম পঞ্চায়েতে। আরেকটির দেহ দিনকয়েক পরে উদ্ধার হয় বাংলাদেশের কুড়িগ্রামে। এছাড়াও বহু হরিণ, বাইসন ও ছোট বন্যপ্রাণীর মৃত্যু হয়েছিল।

সেই প্লাবনের সপ্তাহ তিনেকের মধ্যেই ফের ভারী বৃষ্টির পূর্বাভাস ভুটান ও উত্তরবঙ্গজুড়ে। আর এই বৃষ্টিতে যাতে বুনোদের প্রাণহানি এড়ানো সম্ভব হয়, সেজন্য জোরদার প্রস্তুতি নিয়েছে বন দপ্তর।

গরুমারা জঙ্গলের মধ্য দিয়ে জলঢাকা, মূর্তির মতো বড় নদী বয়ে গিয়েছে। গরুমারার গরাতি জিরো বাঁধ সহ বেশ কিছু নীচু জায়গায় বেশ কয়েকটি কুনকি হাতি রাখা হয় নজরদারির জন্য। নদীর জল বাড়লে যাতে তাদের ক্ষতি না হয় এবং জঙ্গলে নজরদারিও চলাবে যায় সে জন্য তার আশপাশেই উঁচু জায়গায় রাখা হয়েছে কুনকিদের। বন দপ্তর সত্রে খবর, জলঢাকা নদীর চরে বহু নীচু জায়গায় গভার সহ প্রচুর বন্যপ্রাণীরা থাকে। তারা কী পরিস্থিতিতে রয়েছে, সে বিষয়ে



বিশেষ নজর

■ জঙ্গলের মধ্যে থাকা নদীর চরে বুনোদের ওপর বিশেষ নজর রাখা হয়েছে

■ কুনকিদের নিয়ে বেশ কয়েকটি টিম গড়ে বনকর্মীরা নজরদারি চালাবেন জঙ্গলের ভিতর নদীর চর এলাকায়

■ বিশেষ নজরদারি শুরু হয়েছে গরুমারা জঙ্গলের রামশাইয়ে জলঢাকা নদীর চরে

বন্যপ্রাণীদের ওপর বিশেষ নজর রাখা হয়েছে। কুনকিদের নিয়ে বেশ কয়েকটি ছোট ছোট টিম গড়ে বনকর্মীরা নজরদারি চালাবেন জঙ্গলের ভিতর নদীর চর এলাকায়। বিশেষ নজরদারি শুরু হয়েছে গরুমারা জঙ্গলের রামশাইয়ে জলঢাকা নদীর চরে।

নাম নেই প্রাক্তন জনপ্রতিনিধিদেরই

আলিপুরদুয়ার, ৩০ অক্টোবর : এসআইআরের কথা ঘোষণা হতেই রাজ্যজুড়ে হইচই পড়ে গিয়েছে। সবাই নিবাচন কমিশনের ওয়েবসাইটে ২০০২ সালের ভোটার তালিকা খুলে নিজের নিজের নাম, বা বাবা-মায়ের নাম খুঁজতে ব্যস্ত। জেলা সদর আলিপুরদুয়ার সংলগ্ন মাঝেরডাবরি গ্রাম পঞ্চায়েতের একটি বুথে এই নাম খুঁজতে গিয়েই বেশ কিছু গরমিল ধরা পড়েছে। ২০০২ সালের আগে ও পরে সেই এলাকার পঞ্চায়েত সদস্য ছিলেন যাঁরা, এমন দুজন ওয়েবসাইটে নিজের নাম খুঁজে পাচ্ছেন না। এমনকি পরিজনদের নাম খুঁজে পাচ্ছেন না সেখানকার বিএলও-ও।

২০০২ সালের তালিকা দিয়ে প্রাথমিক সমীক্ষা করতে বলা হয়েছিল। সমীক্ষা করার সময় দেখি আমার বুথের পুরোনো ভোটারের প্রায় কারও নাম নেই। একমাত্র কয়েকজন, যারা আগে ২৭৫ পার্টে থাকতেন, তাঁদের নাম আছে। আমি বিষয়টি রকে জানিয়েছি।’

এখন যা কালচিনি বিধানসভার ২৭৪ ও ২৭৫ নম্বর বুথ, ২০০২ সালে তা আলিপুরদুয়ার বিধানসভার একটিই বুথ ছিল। ২২৬ নম্বর বুথ। সেসময় মাঝেরডাবরি চা বাগানের অফিসেই ভোটগ্রহণ কেন্দ্র ছিল। পরবর্তীতে ২২৬ নম্বর বুথ ভেঙে ২২৬ ও ২২৭ নম্বর বুথ হয়। আরও পরে বুথ নম্বর পরিবর্তন হতে হতে বর্তমানে ওই এলাকাটি কালচিনি বিধানসভার অন্তর্গত ২৭৪ ও ২৭৫ নম্বর বুথে রূপান্তরিত হয়েছে। বর্তমানে এই দুটি বুথের ভোটগ্রহণ কেন্দ্র মাঝেরডাবরি টিঞ্জি এসপি প্রাথমিক বিদ্যালয়। এই ২৭৪ নম্বর বুথেরই বেশিরভাগ পুরোনো ভোটারের নাম ২০০২ সালের ভোটার তালিকায় নেই! তাহলে নিবাচন কমিশন কেন তালিকা প্রকাশ

পরিবারীয় দেহ ফিরল

মাথাভাঙ্গা, ৩০ অক্টোবর : দিল্লিতে কাজ করতে গিয়ে মমাস্তিকভাবে মৃত্যু হয় মাথাভাঙ্গা ১ নম্বর ব্লকের শিবপুর গ্রামের বাসিন্দা পরিবারী শ্রমিক জাহাঙ্গির আলির (৩৫)। বুধবার তরুণের কফিনবন্দি দেহ বাড়িতে পৌঁছাতেই শোকের ছায়া নেমে আসে এলাকায়। আর্থিক অনটনের কারণে স্ত্রী ও সন্তানকে নিয়ে কয়েক মাস আগে দিল্লিতে পাড়ি দেন জাহাঙ্গির। সেখানে এক বহুতলে নির্মাণকর্মীর কাজ করতেন তিনি। প্রতিদিনের মতো গত রবিবার কাজ করতে গিয়ে অসাবধানতার কারণে আটতাল বাড়ির ওপর থেকে পা পিছলে পড়ে গিয়ে গুরুতর আহত হন। তাকে দ্রুত হাসপাতালে নিয়ে গেলে চিকিৎসকরা মৃত ঘোষণা করেন।

সাহায্য

কোচবিহার, ৩০ অক্টোবর : কোচবিহার-২ বিডিও অফিসে বৃহস্পতিবার ৪৪ জন বিশেষভাবে সক্ষম ছেলেমেয়ের হাতে মুরগির ছানা তুলে দিয়েছে প্রাণীসম্পদ বিকাশ দপ্তর। প্রত্যেককে ১০টি ছানা দেওয়া হয়েছে। দপ্তরকে ধন্যবাদ জানিয়েছেন সকলে।

রাস্তায় দাঁড়িয়ে গাড়ি, ভোগান্তি

শতাব্দী সাহা

চ্যারোবান্দা, ৩০ অক্টোবর : চ্যারোবান্দা এলাকায় এশিয়ান হাইওয়ের ওপর যাত্রীবাহী বাস, ছোট গাড়ি দাঁড়িয়ে থাকায় বাড়ছে দুর্ঘটনা। এদিকে এলাকায় তীব্র যানজটও তৈরি হচ্ছে। দিনের পর দিন এমন সমস্যায় জেরবার হতে হতে এলাকাবাসী রীতিমতো বিরক্ত। কোচবিহার জেলার অন্যতম গুরুত্বপূর্ণ আন্তর্জাতিক স্থলবন্দর চ্যারোবান্দা। ওই বন্দর দিয়ে ভারত, বাংলাদেশ, ভুটান এই ত্রিদেশীয় বৈদেশিক বাণিজ্য চলে। এর ফলে প্যাবাহী ট্রাক চলাচলে চ্যারোবান্দা সবসময় ব্যস্ত থাকে। আবার রক সদর মেখলিগঞ্জে যেতে হলে কিংবা মেখলিগঞ্জ হয়ে রকের অন্যান্য অংশ কিংবা পার্শ্ববর্তী জেলাগুলিতে যেতে হলেও চ্যারোবান্দা অতিক্রম করতে হয়। এমন গুরুত্বপূর্ণ এলাকায় যানজট ও দুর্ঘটনা বাড়তে থাকায় সাধারণ মানুষকে সমস্যার মুখে পড়তে হচ্ছে।



এভাবেই চ্যারোবান্দার রাস্তায় গাড়ি দাঁড়িয়ে থাকে গাড়ি।

হলেও ভিতরে কোনও বাস বা গাড়ি প্রবেশ করতে পারে না। এনিয়ে মেখলিগঞ্জ রক বাস ও মিনিবাস ওনার অ্যাসোসিয়েশনের সম্পাদক উত্তম চক্রবর্তীর মন্তব্য, ‘নতুন বাস টার্মিনাসটি বেহাল অবস্থায় পড়ে রয়েছে। তৈরির পর থেকেই ওখানে বাস ঢুকতে পারে না। টার্মিনাসে ঢোকানো রাস্তায় একটি কালভার্ট খারাপ। বারবার তা ঠিক করার দাবি জানিয়েও কোনও লাভ হয়নি। এছাড়া শৌচালয় থেকে পানীয় জল-কোনও পরিষেবাই ঠিক নেই।’

এর জেরে রাস্তার ওপরই ছোট বা বড় গাড়ি, বাস দাঁড়িয়ে থাকে। সাধারণ মানুষকে প্রাণ হাতে করে গাড়িতে উঠতে হয়। পথচারীদেরও বিপদের আশঙ্কা থাকে। অন্যদিকে রাস্তার বিপরীত দিকে ছোট গাড়িগুলি নিজেদের অস্থায়ী স্ট্যান্ড তৈরি করে ফেলেছে। এনিয়ে স্থানীয় এক ব্যবসায়ী জীবন কানু বলেন, ‘বাস টার্মিনাস থাকা সত্ত্বেও দোকানের ও বাড়ির সামনে ছোট গাড়ি দাঁড়িয়ে থাকে। বারবার মানা করলেও তারা শোনে

না।’ এপ্রসঙ্গে কোচবিহার জেলা পরিষদের সভাপতি সুমিতা বর্মন জানান, সমস্ত বিষয়টি খোঁজ নিয়ে দেখে সমস্যার সমাধানে পদক্ষেপ করা হবে। এদিকে ওই এলাকার কাছেই রয়েছে চ্যারোবান্দা ব্লক প্রাথমিক স্বাস্থ্যকেন্দ্র ও চ্যারোবান্দা উচ্চবিদ্যালয়। এক স্কুল পড়ুয়ার অভিভাবক রিনা কানু বললেন, ‘মাঝে মাঝে রাস্তায় ট্রাকের লাইনে পড়ে যায়। তার ওপর বাস ও ছোট গাড়িগুলির ভিড়। দুর্ঘটনার আশঙ্কায় ছেলের স্কুলে যাওয়া ও বাড়ি ফেরা নিয়ে দুশ্চিন্তায় থাকি।’ জামালাহদের বাসিন্দা কমল রায় জানান, মাঝারাস্তায় গাড়ি থেকে নেমে অপারদিকে গাড়ি ধরতে গেলে প্রায়ই দুর্ঘটনা ঘটে। তবে রাস্তায় গাড়ি রাখা নিয়ে ছোট গাড়ির চালক কৃষ্ণ বর্মন বলেন, ‘আমরা কমবেশি সবাই বাস টার্মিনাসে ঢুকি। তবে মাঝেমাঝে কেউ কেউ তাড়াহুড়োয় রাস্তায় গাড়ি রাখে।’ এনিয়ে মেখলিগঞ্জের বিডিও, চ্যারোবান্দা গ্রাম পঞ্চায়েতের প্রধান সকলকেই দাবিপত্র দেওয়া হলেও কাজ হেননি বলে জানিয়েছেন নাগরিক মঞ্চের সম্পাদক রবন দাস। এরপর তাঁরা কোচবিহার জেলা পরিষদের দ্বারস্থ হওয়ার হুমিয়ারি দিয়েছেন।

আর্থিক প্রভাবনায় টাকা হারিয়েছেন?

আমি অনলাইন প্রতারকের কাছে টাকা হারিয়েছি!

প্রতারণামূলক ক্রিমে বিনিয়োগের টাকা ডুবে গেছে?

একটা কোম্পানি আমাকে হাই রিটার্নের প্রতিশ্রুতি দিয়েছিল, এখন সেটাকে আর খুঁজে পাওয়া যাচ্ছে না!

আপনার অভিযোগ জানান সচেত পোর্টালে

আপনার অভিযোগ জানান <https://sachet.rbi.org.in>-এ

কিছুদিন তদন্তের জন্য, <https://rbikehtaha.rbi.org.in/sachet>-এ যান

প্রতিক্রিয়ার জন্য, rbikehtaha@rbi.org.in-এ লিখুন

জনস্বার্থে প্রচার করছে

ভারতীয় রিজার্ভ ব্যাঙ্ক

RESERVE BANK OF INDIA

www.rbi.org.in

টকবো

খবর

ধন্যায় বধু

দিনহাটা, ৩০ অক্টোবর : বিয়ের দাবিতে এক তরুণের বাড়ির সামনে ধনায় বসলেন এক বধু। বৃহস্পতিবার ঘটনাটি ঘটেছে গোসানিমারি-১ গ্রাম পঞ্চায়েতের চাউলেরকুচি এলাকায়। বৃহস্পতিবার সকাল ১১টা থেকে সন্ধ্যা ৬টা পর্যন্ত ওই বধু প্রেমিকের বাড়ির সামনে ধনায় বসেছিলেন। সুযোগ বুঝে তরুণ ও তাঁর পরিবারের লোকেরা বাড়িতে তাল্লা তুলিয়ে গা-ঢাকা দিয়েছেন। বিষয়টি নিয়ে চর্চা শুরু হয়েছে এলাকায়। উপপ্রধান ওই মহিলার নিরাপত্তার কথা মাথায় রেখে তাঁকে নিজের বাড়িতে আশ্রয় দেন। স্থানীয় জেলা পরিষদ সদস্য শ্রাবণী ঝা ঘটনাস্থলে পৌঁছে ওই বধুর সঙ্গে কথা বলেছেন।

পাঠকের লেন্সে

5897258697

picforubs@gmail.com

অপরূপ।। আলিপুরদুয়ারের লেপচাখাঙে ছবিটি তুলেছেন অনুপম চৌধুরী।

হুঁশিয়ারি কালজানির ৩০৩ বুথের বাসিন্দাদের

‘আমাদের মরা ছাড়া উপায় নেই’

গৌরহরি দাস

খাইরুলকে দেখতে এমজেএনে উদয়ন গুহ। বৃহস্পতিবার। - জয়দেব দাস

কোচবিহার, ৩০ অক্টোবর : এসআইআরের আতঙ্কে বুধবার বুড়িহাট-২ পঞ্চায়েতের জিৎপুর প্রথম খণ্ডের বাসিন্দা খাইরুল শেখ বিষ খেয়ে আত্মহত্যার চেষ্টা করেছিলেন। আশঙ্কাজনক অবস্থায় তিনি কোচবিহার এমজেএনে মেডিকেল কলেজ ও হাসপাতালে ভর্তি। এবার ভোটার তালিকায় নাম না থাকায় আত্মহত্যার হুঁশিয়ারি দিলেন কোচবিহারে তৃণমূলের জেলা কার্যালয়ে এসে সাংবাদিকদের এই কথা জানান তাঁরা।

বিদ্যেশ্বরের কথায়, ‘১৯৭৭ সাল থেকে আমি ভোট দিয়ে আসছি। ২০২১ এবং ২০২৪ সালেও ভোট দিয়েছি। অথচ এখন ২০০২ সালের যে তালিকা অনলাইনে প্রকাশিত হয়েছে সেখানে আমার নাম নেই। শুধু আমি নই, আমাদের বুথের অধিকাংশেরই নাম নেই। এতে আতঙ্কে গ্রামে রামা-খাওয়া প্রায় বন্ধ। বাড়িতে উনুন জ্বলছে না। আমরা তাহলে কোথায় যাব? এখন আমাদের ফাঁস দিয়ে কিংবা বিষ খেয়ে মরা ছাড়া কোনও উপায় নেই।’ তাঁর কথায় সায় জানালেন বুথের অন্য বাসিন্দা কমলা রায় সহ অনেকে।

অন্যদিকে, খাপাইডাঙ্গার ৩০৩ বুথের পর মাথাভাঙ্গার পচাগড়ের ২-২৪৪ বুথের ২০০২ সালের ভোটার তালিকার সঙ্গে এখনকার তালিকার সংখ্যা মিলছে না। বিষয়টি

১৯৭৭ সাল থেকে আমি ভোট দিয়ে আসছি। অথচ এখন প্রকাশিত অনলাইন তালিকায় আমার নাম নেই। শুধু আমি নই, আমাদের বুথের অধিকাংশেরই নাম নেই। এতে আতঙ্কে গ্রামে রামা-খাওয়া প্রায় বন্ধ। এখন আমাদের ফাঁস দিয়ে কিংবা বিষ খেয়ে মরা ছাড়া কোনও উপায় নেই।

বিদ্যেশ্বর রায়
ক্ষুদ্র বাসিন্দা

নিয়ে এদিন দলের জেলা কার্যালয়ে সাংবাদিক বৈঠক করে তৃণমূল। বৈঠকে তৃণমূলের জেলা চেয়ারম্যান গিরীন্দ্রনাথ বর্মন বলেন, ‘২০০২ সালে বুথটিতে ভোটার সংখ্যা ছিল ৮৪৬। কিন্তু এখন যে তালিকা প্রকাশ করা হয়েছে তাতে দেখা যাচ্ছে এর

মধ্যে ৪১৬ জনের নাম রয়েছে। অর্থাৎ ৪২৫ জনের নাম নেই। এসব কেন হচ্ছে?’

তিনি আরও বলেন, ‘এগুলো তো পুরুর চুরি। ইতিমধ্যে আমরা দুটো বুথে এ ধরনের উদাহরণ পেলাম। এর থেকে পরিস্কার বিজ্ঞাপি যে বলেছে তিন লক্ষ ভোট বাদ যাবে, নির্বাচন কমিশনের সঙ্গে যোগসাজশ করে তারা হিসাব কষেই বলেছে। তৃণমূল এই চক্রান্তের বিরুদ্ধে আন্দোলন গড়ে তুলবে। এক্ষেত্রে বিএলও-রা ২০০২ সালের পূর্ণ ভোটার তালিকা নিয়ে না গেলে তাদের ঘিরে আমরা বিক্ষোভ দেখাব।’

যাঁদের নাম ভোটার তালিকা থেকে বাদ গিয়েছে, কেন তাঁদের নাম বাদ গেল তা নির্বাচন কমিশনের তদন্ত করা দেখা উচিত বলে মনে করেন পচাগড় পঞ্চায়েতের উপপ্রধান কল্যাণী রায়। তাঁর কথায়, ‘অবিলম্বে তাদের নাম ভোটার তালিকায় তুলতে হবে। না হলে আমরা বড়সড়ো আন্দোলনে নামব।’

ক্যাম্প আছে, নেই পুলিশ

নিরাপত্তা নিয়ে প্রশ্ন দিনহাটা মহকুমা হাসপাতালে

প্রসেনজিৎ সাহা

দিনহাটা, ৩০ অক্টোবর : আরজি করে মহিলা চিকিৎসককে ধর্ষণ ও খুনের ঘটনা থেকে শিক্ষা নিয়ে নিরাপত্তা ব্যবস্থাকে আটোঁসটো করতে রাজ্যের বিভিন্ন হাসপাতালে পুলিশ ক্যাম্প চালু করার সিদ্ধান্ত নেয় সরকার। দিনহাটা মহকুমা হাসপাতালের যাত্রী প্রতীক্ষালয়ে খোলা হয় সেরকমই একটি পুলিশ ক্যাম্প। কিন্তু অভিযোগ, ক্যাম্প থাকলেও সেখানে পুলিশকর্মীরা নিয়মিত থাকছেন না। কখনো-কখনো সর্বস্বত্বকো একজন সিভিক ভলিউন্টারকে পাহারায় দেখা যাচ্ছে। যে নিরাপত্তার স্বার্থে ক্যাম্প খোলা

হল, সেখানে যদি পুলিশই না থাকে, তাহলে সুরক্ষা নিয়ে প্রশ্নটা থেকেই যাচ্ছে বলে হাসপাতাল কর্তৃপক্ষের কোভা। দিনহাটা মহকুমা হাসপাতাল সুপার রণজিৎ মণ্ডল জানিয়েছেন, ক্যাম্পে পুলিশ না থাকার বিষয়টি নিয়ে ইতিমধ্যেই আইসি ও এসডিপিও’র দৃষ্টি আকর্ষণ করা হয়েছে। সঙ্গে তিনি বলেন, ‘আগে প্রতিদিন সর্বক্ষণের জন্য ক্যাম্পে পুলিশ থাকত। এখন আর থাকে না। আইসি ও এসডিপিও বিষয়টি খতিয়ে দেখে ব্যবস্থা গ্রহণের আশ্বাস দিয়েছেন। কিন্তু এখন ক্যাম্পে পুলিশ না থাকায় হাসপাতালকর্মীরা যথেষ্ট উদ্ভিগ্ন।’

দিনহাটা মহকুমা পুলিশ আধিকারিক ধীমান মিত্র যদিও এই

আগে প্রতিদিন সর্বক্ষণের জন্য ক্যাম্পে পুলিশ থাকত। এখন আর থাকে না। আইসি ও এসডিপিও বিষয়টি খতিয়ে দেখে ব্যবস্থা গ্রহণের আশ্বাস দিয়েছেন। কিন্তু এখন ক্যাম্পে পুলিশ না থাকায় হাসপাতালকর্মীরা যথেষ্ট উদ্ভিগ্ন।

রণজিৎ মণ্ডল, সুপার

অসুবিধার কারণ ব্যাখ্যা করতে গিয়ে জানিয়েছেন, আগে হাসপাতালের

পুলিশ সেলে রোগী থাকলে সেখানে ক্যাম্পের পুলিশকর্মীকে পাঠিয়ে দেওয়া হত। সাম্প্রতিক পর্বচক্ষণের পর ওই সিদ্ধান্তে বদল আনা হয়েছে। তাঁর কথায়, ‘কিছুদিন আগে ক্যাম্পে জানিয়ে দেওয়া হয়েছে, ক্যাম্প ও সেলের জন্য আলাদা আলাদা পুলিশ মোতায়েন করা হবে। ফলে আর সমস্যা হবে না বলেই আশা করছি।’

এক চিকিৎসক আবার বলছেন, ‘ইদানীং দেখছি, ক্যাম্পে একেবারেই নিয়মিত পুলিশ বসছে না। ফলে চিন্তা বাড়ছে।’ এক রোগীর আত্মীয় মনসুর আলির কথায়, ‘হাসপাতালে পুলিশ থাকলে সর্বকালের সুবিধা। যে কোনও অপ্রীতিকর ঘটনা ঘটলে দ্রুত পদক্ষেপ করা যায়।’

ইলশেগুন্ডি বৃষ্টিতে হৈমন্তী চায়ে আশা

শুভজিৎ দত্ত

নাগরাকাটা, ৩০ অক্টোবর : বুধবার রাত থেকে বৃহস্পতিবার সারাদিন একনাগাড়ে ইলশেগুন্ডি বৃষ্টিতে হৈমন্তী চায়ের আশায় ডায়ার্সের চা বলয়। বাগানের নিজস্ব ভাষায় যা ‘অটাম ফ্রাশ’। বিশেষজ্ঞরা বলছেন, এই বৃষ্টির সুফল মিলবে নভেম্বরে। সেসময়ই অপূর্ব স্বাদ-গন্ধের অন্য ধরনের সিটিসি চা পাওয়ার মাহেদ্রক্ষণ। যেটা আবার ঠিক এই সময়ে এই ধরনের প্রাকৃতিক বৃষ্টিপাত ছাড়া এককথায় অসম্ভব। চা গবেষণা সংস্থার (টিআরএ) উত্তরবঙ্গ আঞ্চলিক গবেষণা ও উন্নয়নকেন্দ্রের চিফ অ্যাডভাইজারি অফিসার ডঃ শ্যাম ভার্গিস বলেন, ‘নভেম্বরের উৎপাদনের জন্য এই বৃষ্টি একগুণায় আশীর্বাদ। শীত শীত ভাব। ভোজের দিকে রুপায় শিশিরের দেখা মিলছে। চা শিল্প মহল জানাচ্ছে,

ডায়ার্সের সব বাগানেই কমবেশি বৃষ্টি হচ্ছে। শুক্রবারও তা হওয়ার পূর্বাভাস রয়েছে। ধীরলয়ের বৃষ্টিতে শুধু যে গাছই ভিজছে তা নয়। মাটিতেও আন্তে আন্তে করে জল প্রবেশ করছে। যা নতুন কুঁড়ি আসার পথকে প্রশস্ত করে তুলেছে। মেটেলির ইলডং চা বাগানের সুপারিটেভিভ ম্যানেজার রজত দেব বলেন, ‘এরপর শুধু প্রয়োজন রোদ। বলমলে আবহাওয়া। তাহলেই কেন্দ্রা ফতে। আশা করছি পূর্বাভাস অনুযায়ী রবিবার থেকে তা বাগানগুলি পেয়েও যাবে।’

কুঁড়ি চা বাগানের বর্ষায়ান ম্যানেজার রাজেশ কুন্টার কথায়, ‘প্রকৃত অটাম ফ্রাশ বলতে যা বোঝায় সেটা যে পাব, তা নিয়ে সশ্যয় নেই। এমন মুহূর্তের জন্যেই তো চা বাগানগুলি অধীর আগ্রহে অপেক্ষা করে থাকে।’

মালবাজারের বেতগুন্ডি চা বাগানের ম্যানেজার মুগাঙ্ক ভট্টাচার্য

কাজ শেষে বাড়ির পথে। বৃহস্পতিবার গ্রাসমোড় চা বাগানে।

বলছেন, ‘সব মিলিয়ে যদি এক থেকে দেড় ইঞ্চির মতো বৃষ্টি হয়ে যায় তবে রেড স্পাইডার সহ আরও নানা ধরনের রোগপোকার উপদ্রবও কমে যাবে বলে অভিজ্ঞতা থেকে বলতে পারি। সব মিলিয়ে মধ্য

কার্তিকের এই বৃষ্টিপাতকে স্বাগত না জানিয়ে উপায় নেই।’ উত্তরবঙ্গের চা বাগান বিশেষজ্ঞ রামঅবতার শর্মা মনে করছেন, ‘সুখম বৃষ্টি হেমন্তের চায়ের উৎপাদন ও গুণগত মান দুই-ই বাড়াতে সাহায্য করবে।’

হয়জনের বিরুদ্ধে থানায় নালিশ, ধৃত ১ পরকীয়া সন্দেহে পিটিয়ে খুন

মেখলিগঞ্জ, ৩০ অক্টোবর : পরকীয়া সন্দেহে এক ব্যক্তিকে হাত-পা বেঁধে পিটিয়ে খুনের অভিযোগ। বুধবার রাতে ঘটনাটি ঘটে মেখলিগঞ্জ রকের ৪০ নিজতরফ গ্রাম পঞ্চায়েতের তিস্তার চরে। মৃতের নাম রমেশ সরকার (৪০)। তিনি ওই এলাকারই বাসিন্দা। পুলিশ ঘটনাস্থলে গিয়ে দেহ উদ্ধার করে ময়নাতদন্তের জন্য মাথাভাঙ্গা মর্গে পাঠায়। মৃতের পরিবারের तरফে বৃহস্পতিবার মোট হয়জনের নামে থানায় অভিযোগ দায়ের করা হয়। ইতিমধ্যেই মূল অভিযুক্ত তুষ্ট চৌধুরীকে পুলিশ গ্রেপ্তার করেছে। তবে বাকিরা পলাতক।

মেখলিগঞ্জের মহকুমা পুলিশ আধিকারিক আশিস সি সূজা জানান, বুথকে মেখলিগঞ্জ মহকুমা আদালতে তোলা হলে বিচারক পাঁচদিনের পুলিশি হেপাজতের নির্দেশ দিয়েছেন। বাকি অভিযুক্তদের খোঁজে তল্লাশি চলাচ্ছে।

অনেকদিন ধরে স্থানীয় এক বধুর সঙ্গে রমেশের পরকীয়া সম্পর্ক ছিল। রমেশ ও ওই বধু দুজনেই বিবাহিত। ধৃত তুষ্ট সম্পর্ক বধুর স্বামী। তিনিই রমেশকে পিটিয়ে খুন করেছেন বলে অভিযোগ। জানা যাচ্ছে, তুষ্টের অনুপস্থিতির সুযোগে বুধবার রাতে

রমেশ তাঁদের বাড়িতে যান। সেসময় তুষ্ট আচমকা বাড়িতে ফিরে নিজের তাকে আটকে রেখে তুষ্ট ও স্থানীয় কয়েকজন তরুণ বেথড়ক মারধর করেন। গুরুতর জখম অবস্থায় ঘটনাস্থলেই রমেশের মৃত্যু হয়। রমেশের পরিবার তুষ্ট সহ মোট হয়জনের বিরুদ্ধে থানায় অভিযোগ দায়ের করেছেন। ঘটনাকে কেন্দ্র করে এলাকায় হইচই শুরু হয়েছে। নিজতরফ গ্রাম পঞ্চায়েতের প্রধান গীতা অধিকারী বলেন, ‘দুঃখজনক ঘটনা। আমরা চাই না, এই ঘটনাকে ঘিরে এলাকা উত্তপ্ত হোক। সবাইকে শান্ত থাকার অনুরোধ জানানো হয়েছে।’

স্থানীয়রা জানিয়েছেন, মৃত রমেশের স্ত্রীর এক ব্যক্তির সঙ্গে বিবাহবিহীন সম্পর্ক ছিল। তিনি একবার রমেশকে ছেড়ে পালিয়েও যান। তাঁদের দাম্পত্য সম্পর্ক মধুর ছিল না। রমেশের ওই বধুর সঙ্গে পরকীয়া চলছিল। রমেশের বিরুদ্ধে একাধিক মহিলাস সঙ্গে জোরপূর্বক সহবাসের অভিযোগ রয়েছে। যদিও রমেশের মা কমলা সরকার বলেছেন, ‘আমার ছেলেকে চক্রান্ত করে খুন করা হয়েছে। অভিযুক্ত সর্বকলের দৃষ্টান্তমূলক শাস্তি চাই।’ পুলিশের বক্তব্য, মূল দিক খতিয়ে দেখেই তদন্ত করা হচ্ছে।

স্ত্রী ও রমেশকে অপস্টিকর অবস্থায় দেখতে পান। রায়ের বশে তিনি রমেশকে হাত-পা বেঁধে গোয়ালে টানতে টানতে নিয়ে যান। সেখানে

ছাগল চোর সন্দেহে গণপ্রহার

শীতলকুচি, ৩০ অক্টোবর : বুধবার শীতলকুচি রকের নব শোভাগঞ্জ গ্রামে ছাগল চুরির ঘটনায় জড়িত থাকার সন্দেহে এক ব্যক্তিকে আটক করেন গ্রামের বাসিন্দারা। দেওয়া হয় গণপিটুনি। ওই ব্যক্তির নাম লাদেন মিয়া। গণপ্রহারের পর লাদেনকে শীতলকুচি থানার পুলিশের হাতে তুলে দেওয়া হয়। এই প্রসঙ্গে শীতলকুচি থানার ওসি আস্থানি হোড়ো বলেন, ‘বুধবার ছাগল চোর সন্দেহে স্থানীয়রা এক ব্যক্তিকে আটক করেছিলেন। পুলিশ তাঁকে গ্রেপ্তার করে।’ ধৃতকে বৃহস্পতিবার মাথাভাঙ্গা মহকুমা আদালতে পেশ করা হলে বিচারক তাঁর জামিনের আবেদন মঞ্জুর করেন।

গত এক মাসে শীতলকুচি রকের বিভিন্ন জায়গা থেকে প্রায় ১০টি ছাগল চুরির ঘটনা ঘটেছে বলে অভিযোগ। দুহুতীরা মূলত খাসি চুরি করছে বলে স্থানীয়রা জানিয়েছেন। গত সপ্তাহে শীতলকুচি রকের ফকরহাট থেকে দুই তরুণ বাইকে করে ছাগল নিয়ে পালানিছিল। পালানোর সময় স্থানীয়রা ওই দলজিকে আটক করেন। তাদের নিয়ে সালিশি সভা বসে। সালিশির পর তাদের ছেড়ে দেওয়া হয় বলে স্থানীয়রা জানিয়েছেন। এই প্রসঙ্গে শীতলকুচি থানার ওসি আস্থানি বলেন, ‘রকের বিভিন্ন এলাকা থেকে ছাগল চুরি হচ্ছে বলে শুনেছি। কিন্তু এই নিয়ে স্থানীয়রা কেউ নির্দিষ্টভাবে অভিযোগ করেননি। এলাকায় সন্দেহভাজন কাউকে দেখলে বাসিন্দাদের পুলিশকে দেখাতে বলা হয়েছে।’

স্থানীয় বাসিন্দা রবীন্দ্রনাথ বর্মন বলেন, ‘এর আগেও আমাদের গ্রামে ছাগল চুরি হয়েছে। চলতি মাসে গ্রামের আরও এক বাসিন্দার বাড়ি থেকে খাসি চুরি যায়। দুহুতীরা মোটর সাইকেল বা ছোট চার চাকার গাড়ি নিয়ে এসে রাস্তায় দাঁড়িয়ে থাকে। সুযোগ বুঝে খাসি চুরি করে চম্পট দিচ্ছে।’ আরেক স্থানীয় বিসম্বর বর্মন বলেন, ‘প্রথমে আমরা বেবেছিলাম শিয়াল এসে ছাগল নিয়ে যাচ্ছে। দিন কয়েক আগে পাশের গ্রামে ছাগল চোর ধরা পড়ায় আসল ঘটনা বুঝতে পারি। আমরা পুলিশের টহলদারি বৃদ্ধির দাবি জানাচ্ছি।’

উজ্জসিত বর্তমানে চা শিল্পের নিয়ন্ত্রক হয়ে ওঠা ক্ষুদ্র চা চাষিরাও তাঁদের সংগঠন জলপাইগুড়ি জেলা ক্ষুদ্র চা চাষি সমিতির সম্পাদক বিজয়গোপাল চক্রবর্তী বলছেন, ‘কালীপুজার পর থেকে অটাম ফ্রাশ পাওয়ার কথা। তবে সেটা নানা বিষয়ের ওপর নির্ভরশীল। তার অন্যতম হল ঝিরঝির বৃষ্টি। সেটা বুধবার রাত থেকে শুরু হয়েছে। এর থেকে খুশির বিষয় আর কী-ই বা হতে পারে।’

চা বিজ্ঞানীরা জানিয়েছেন, শীত জাকিয়ে পড়লে ডিসেম্বর থেকে আর নতুন কুঁড়ি আসবে না। সেসময় চা গাছের সুগুণবস্থা চলবে। যে কারণে শীতের উৎপাদন বাগানগুলিতে পুরোপুরি বন্ধ রাখাই দস্তুর। এটা চলে টানা দু’ থেকে আড়াই মাস। তার আগে ঘূর্ণিঝড় মত্মার পরোক্ষ প্রভাবে ডায়ার্স এই বৃষ্টি শেষ বাজারে বাগানগুলিকে চাঙ্গা করে দিয়ে গেল।

পৃথক দুর্ঘটনায় জখম পাঁচ

চ্যারাবান্ধা ও পাড়ডুবি, ৩০ অক্টোবর : চ্যারাবান্ধা ধরলা সেতু এলাকায় বৃহস্পতিবার পিকআপ ভান ও টোটোর সংঘর্ষে জখম হন ৪ জন। যাদের মধ্যে রয়েছেন টোটোটোর ও টোটোর তিনজন আরোহী। টোটোটো চ্যারাবান্ধা হক মঞ্জিল থেকে বাজারের দিকে যাচ্ছিল। বাহকের প্রত্যেকে চ্যারাবান্ধা গ্রাম পঞ্চায়েতের খেতাবোচর বাসিন্দা। গুরুতর জখম হন এক বাইক আরোহী। ওই তরুণের নাম নিমাই বর্মন। স্থানীয়রা তাঁকে উদ্ধার করে কোচবিহারের একটি নার্সিংহোমে নিয়ে যান। এখন তিনি আশঙ্কাজনক অবস্থায় সেখানেই চিকিৎসাধীন।

রেললাইনে দেহ, আটকে ট্রেন

ফেশ্যাবাড়ি, ৩০ অক্টোবর : রেললাইনের ওপর মিলল এক অজ্ঞাতপরিচয় শ্রৌতির ক্ষতবিক্ষত দেহ। বৃহস্পতিবার সকালে চাপাগুড়ি রেলস্টেশনের কাছে দেহটি পড়ে থাকতে দেখা যায়। বিষয়টি রেলকর্মীদের নজরে আসে। এই ঘটনার জেরে বাননহাট-শিলিগুড়ি জংশন ডেমু প্যাসেঞ্জার ট্রেন প্রায় দেড় ঘণ্টা চাপাগুড়ি স্টেশনে দাঁড়িয়ে ছিল। এতে ট্রেনের যাত্রীরাও হয়রানির শিকার হন। পরে আরপিএফ ও যোকসাভাঙ্গা থানার পুলিশের যৌথ

উদ্যোগে মৃতদেহ উদ্ধার করা হলে তারপর ট্রেন পরিষেবা স্বাভাবিক হয়। স্থানীয় ও পুলিশ সূত্রে জানা গিয়েছে, এদিন সকালে রেললাইন চেকিং করার সময় বিষয়টি নজরে আসে। মৃতের নাম ও পরিচয় জানা করার জন্য সন্দর্ভদায় বৈঠক করলেন বিভিন্ন নিম্না শেরিং শেরাপা। করে, কোথায়, কীভাবে এসআইআর-এর মজ্ব হবো সে ব্যাপারে বিস্তারিত আলোচনা হয়। বিডিও জানান, এসআইআর নিয়ে সর্বদলীয় বৈঠক করা হল বৃহস্পতিবার।

৪ নভেম্বর থেকে এসআইআর-এর কাজ শুরু হচ্ছে আলিপুরদুয়ার-২ নম্বর রকজুড়ে। নির্বিঘ্নে কাজ শেষ করার জন্য সন্দর্ভদায় বৈঠক করলেন বিভিন্ন নিম্না শেরিং শেরাপা। করে, কোথায়, কীভাবে এসআইআর-এর মজ্ব হবো সে ব্যাপারে বিস্তারিত আলোচনা হয়। বিডিও জানান, এসআইআর নিয়ে সর্বদলীয় বৈঠক করা হল বৃহস্পতিবার।

শিলিগুড়ি, ৩০ অক্টোবর : বিদেশে পাচার হওয়ার আগে বিপুল সোনা বাজেয়াপ্ত করলেন কেন্দ্রীয় রাজস্ব গোয়েন্দা দপ্তরের শিলিগুড়ি শাখার আধিকারিকরা। গোপন সূত্রে খবরের ভিত্তিতে বুধবার রাতে কোচবিহারের শীতলকুচির বাসিন্দা মোজাফফর হুসেনের কাছ থেকে ৬টি সোনার বিস্কুট ও ২টি সোনার টুকরো উদ্ধার করা হয়। সোনা নিয়ে যাওয়ার কোনও নথি না থাকায় অভিযুক্তকে গ্রেপ্তার করা হয়।

রাজস্ব গোয়েন্দা দপ্তরের আধিকারিকদের সূত্রে জানা গিয়েছে, বাজেয়াপ্ত হওয়া সোনার মোট ওজন ৮১২ গ্রাম। যার বাজার মূল্য ৯৬ লক্ষ ২৬ হাজার ২৬০ টাকা। ধৃতকে বৃহস্পতিবার শিলিগুড়ি আদালতে পেশ করা হয়। সোনার মূল্য এক কোটি টাকার কম হওয়ায় আদালতে ধৃতকে শর্তসাপেক্ষে জামিন দেয়। রাজস্ব দপ্তরের আধিকারিকদের অনুমান, ভারত-বাংলাদেশে সীমান্তের দিনহাটা দিয়ে চোরাপথে বিদেশি সোনা নিয়ে এসে তা শিলিগুড়িতে পাচারের ছক কাহা হয়েছিল। রাজস্ব গোয়েন্দা সূত্রে খবর, বুধবার দুপুরে কোচবিহারের সিতাইয়ের সাগরদিঘি সেতু দিয়ে বাইকে করে সোনাগুলি পাচার করার জন্য নিয়ে যাওয়া হচ্ছিল। ওই সোনা সীমান্ত পেরিয়ে দিনহাটার নিয়ে আসা হয়েছে এবং সেগুলি নিয়ে

উদ্ধার-কাহিনী

বাজেয়াপ্ত হওয়া সোনার মোট ওজন ৮১২ গ্রাম

৬টি সোনার বিস্কুট ও ২টি সোনার টুকরো উদ্ধার

বাজার মূল্য ৯৬ লক্ষ ২৬ হাজার ২৬০ টাকা

ধৃত মোজাফফর হুসেনকে বৃহস্পতিবার শিলিগুড়ি আদালতে পেশ করা হয়

সোনার মূল্য এক কোটি টাকার কম হওয়ায় আদালত ধৃতকে শর্তসাপেক্ষে জামিন দেয়

চিকিৎসায় গাফিলতির অভিযোগ

দেওয়ানহাট, ৩০ অক্টোবর : চিকিৎসায় গাফিলতিতে কিশোরীর মৃত্যুর অভিযোগ উঠল দেওয়ানহাট রক প্রাথমিক স্বাস্থ্যকেন্দ্রে। বৃহস্পতিবার সন্ধ্যার ঘটনা। মৃতের নাম অর্চনা বর্মন (১৩)। তার বাড়ি পশ্চিম দেওয়ানহাট এলাকায়। অর্চনার মৃত্যুর পর তার পরিবারের লোকেরা স্বাস্থ্যকেন্দ্র চত্বরে বিক্ষোভ দেখাতে শুরু করেন। দেওয়ানহাট ফাঁড়ির পুলিশ ঘটনাস্থলে এসে পরিস্থিতি সামাল দেয়।

চিকিৎসায় গাফিলতির অভিযোগ প্রসঙ্গে রক স্বাস্থ্য আধিকারিক তথা সেখানকার চিকিৎসক দীপায়ন বসুর বক্তব্য, ‘দায়িত্বপ্রাপ্ত চিকিৎসকের সঙ্গে আমি কথা বলেছি। ওই কিশোরীর শারীরিক অবস্থার উন্নতি হওয়ায় এদিন তাকে ছুটি দেওয়া হয়েছিল। বাড়ি নিয়ে যাওয়ার অনেকক্ষণ পর তার সমস্যা দেখা দেয়। পরবর্তীতে কিশোরীকে স্বাস্থ্যকেন্দ্রে নিয়ে আসা হলে প্রোটোকল মেনেই চিকিৎসা হয়েছে।’

কিশোরীর জেঠু নীরেন বর্মন জানান, জরে আক্রান্ত অর্চনাকে বুধবার সকালে প্রাথমিক স্বাস্থ্যকেন্দ্রে ভর্তি করা হয়েছিল। বৃহস্পতিবার দুপুরের দিকে চিকিৎসকরা ওকে ছুটি দেন। বাড়ি যাওয়ার পর সন্ধ্যায় ফের অসুস্থ হয়ে পড়লে অর্চনাকে দেওয়ানহাট রক প্রাথমিক স্বাস্থ্যকেন্দ্রে নিয়ে আসা হয়। সেখানে তার মৃত্যু হয়। নীরেনের অভিযোগ, ‘অসুস্থ থাকার পরও তাইম্মিকে ছুটি দেওয়া হয়েছিল। চিকিৎসকদের গাফিলতিতে ও মৃত্যু হল।’ যদিও গাফিলতির অভিযোগ অস্বীকার করেছেন রক স্বাস্থ্য আধিকারিক।

মদ সহ গ্রেপ্তার প্রধানের দাদা

দিনহাটা, ৩০ অক্টোবর : দুই কার্টন মদ সহ ধৃত প্রধানের দাদা। বৃহস্পতিবার মাতালহাট এলাকায় আবারি দপ্তর অভিযান চালায়। এদিনের অভিযানে দুই কার্টন মদ সহ এক ব্যক্তিকে গ্রেপ্তার করা হয়। ধৃতের নাম বিষ্ণু রায়। বিষ্ণু সম্পর্কে মাতালহাট গ্রাম পঞ্চায়েতের প্রধান মানবেন্দ্র রায়ের দাদা। এই বিষয়ে পঞ্চায়েত প্রধান কোনও মন্তব্য করতে চাননি। আনন্দিক, এই বিষয়ে জানার জন্য আবারি দপ্তরের আধিকারিকদের ফোন করা হলেও তাদের প্রতিক্রিয়া পাওয়া যায়নি।

মাতালহাট অঞ্চলে বিষ্ণুর বইখাতার দোকান আছে। এই দোকানের আড়ালে বিষ্ণু মদের অবৈধ কারবার চালাতেন বলে স্থানীয়দের অভিযোগ ছিল বলে জানিয়েছে দিনহাটা থানার পুলিশ। অভিযোগের ভিত্তিতে এদিন আবারি দপ্তর অভিযান চালালে দুই কার্টন মদ সহ গ্রাম পঞ্চায়েত প্রধানের দাদা গ্রেপ্তার হন।

বিডিওর বৈঠক

শামুকতলা, ৩০ অক্টোবর : ৪ নভেম্বর থেকে এসআইআর-এর কাজ শুরু হচ্ছে আলিপুরদুয়ার-২ নম্বর রকজুড়ে। নির্বিঘ্নে কাজ শেষ করার জন্য সন্দর্ভদায় বৈঠক করলেন বিভিন্ন নিম্না শেরিং শেরাপা। করে, কোথায়, কীভাবে এসআইআর-এর মজ্ব হবো সে ব্যাপারে বিস্তারিত আলোচনা হয়। বিডিও জানান, এসআইআর নিয়ে সর্বদলীয় বৈঠক করা হল বৃহস্পতিবার।

প্রায় কোটি টাকার সোনা বাজেয়াপ্ত

শিলিগুড়ি, ৩০ অক্টোবর : বিদেশে পাচার হওয়ার আগে বিপুল সোনা বাজেয়াপ্ত করলেন কেন্দ্রীয় রাজস্ব গোয়েন্দা দপ্তরের শিলিগুড়ি শাখার আধিকারিকরা। গোপন সূত্রে খবরের ভিত্তিতে বুধবার রাতে কোচবিহারের শীতলকুচির বাসিন্দা মোজাফফর হুসেনের কাছ থেকে ৬টি সোনার বিস্কুট ও ২টি সোনার টুকরো উদ্ধার করা হয়। সোনা নিয়ে যাওয়ার কোনও নথি না থাকায় অভিযুক্তকে গ্রেপ্তার করা হয়।

উদ্ধার-কাহিনী

বাজেয়াপ্ত হওয়া সোনার মোট ওজন ৮১২ গ্রাম

৬টি সোনার বিস্কুট ও ২টি সোনার টুকরো উদ্ধার

বাজার মূল্য ৯৬ লক্ষ ২৬ হাজার ২৬০ টাকা

ধৃত মোজাফফর হুসেনকে বৃহস্পতিবার শিলিগুড়ি আদালতে পেশ করা হয়

সোনার মূল্য এক কোটি টাকার কম হওয়ায় আদালত ধৃতকে শর্তসাপেক্ষে জামিন দেয়

কিছুটা অংশ শিলিগুড়ির দিকে পাচার করা হচ্ছে সেই খবর গোয়েন্দাদের কাছে আগাম ছিল। সেইমতো বিভিন্ন এলাকায় ফাঁদ পাতেন গোয়েন্দারা। এমন সময় বাইকে করে সোনা নিয়ে যাওয়ার সময় অভিযুক্তকে আটক করেন গোয়েন্দারা।

প্রাথমিক জিজ্ঞাসাবাদের পর অভিযুক্তকে স্পট সমন দিয়ে সন্ধ্যায় শিলিগুড়ির অফিসে নিয়ে আসা হয়। এরপর টানা জিজ্ঞাসাবাদের পাশাপাশি তাঁর পোশাক ও ব্যাগে তল্লাশি চালাতেই ওই সোনার বিস্কুট ও সোনার টুকরো বেরিয়ে আসে। যার সর্মথনে অভিযুক্ত কোনও বৈধ কাগজ

শিলিগুড়ি

দেখাতে পারেননি। এমন পরিস্থিতিতে রাতেই তাকে গ্রেপ্তার করা হয়।

গোয়েন্দাদের ‘আইনজীবী রতন বণিক বলেন, ‘ওই সোনার বিস্কুটগুলির মধ্যে আরব আমিরশাহি ও বিভিন্ন বিদেশি সোনার কোম্পানির নাম উল্লেখ রয়েছে। মোজাফফর সোনার বিস্কুটগুলি কার কাছ থেকে নিয়েছিলেন এবং কার কাছে সেগুলি পৌঁছাতে যাচ্ছিলেন সেই নামগুলি গোয়েন্দাদের জোর জালিয়েছেন। যে আন্তর্জাতিক চোরালানকারীরা চোর মাধ্যমে সোনা পাচার করা হচ্ছিল, তার সন্ধান বিশেষেই যারা এর পেছনে রয়েছে তাদের খোঁজে শুরু হয়েছে।’



হত্যায় ধিক্কার

মধ্যপ্রদেশে কৃষকের ওপর গাড়ি চালিয়ে হত্যার অভিযোগে উঠেছে বিজেপি নেতার বিরুদ্ধে। প্রতিবাদে ধর্মতলায় ধিক্কার সভা করল পশ্চিমবঙ্গ কিষান খেত মজদুর তৃমূল কংগ্রেস।।



ধর্ষণে বহিষ্কার

রামপুরহাট পুরসভার কাউন্সিলার প্রিয়নাথ সাউকে ধর্ষণ, বিয়ের প্রতিশ্রুতি দিয়ে সহবাস সহ একাধিক অভিযোগে বহিষ্কার তৃণমুলের। অভিষেক বন্দ্যোপাধ্যায়ের নির্দেশেই সিদ্ধান্ত।



নাতনি ‘খুন’

আলমারি থেকে দেহ উদ্ধার কাণ্ডে এবার মৃত নাবালিকার ঠাকুমা প্রতিমা সিংহ নিজের ছেলে-বউমার বিরুদ্ধে থানায় অভিযোগ দায়ের করলেন। তাঁর দাবি, নাতনিকে খুন করা হয়েছে।



হেনস্তায় আটক

কলকাতা মেডিকলে মহিলা জুনিয়র চিকিৎসককে হেনস্তার ঘটনায় এক অভিযুক্তকে আটক করল পুলিশ। সেন্ট্রাল অ্যান্ডিনিউয়ের কাছ থেকে তাঁকে আটক করা হয়েছে বলে খবর পুলিশ সূত্রে।



মা গো তুমি জগজ্জননী...

উত্তর কলকাতার এক জগদ্ধাত্রী পূজোমণ্ডপে। ছবি: দেবার্ন চট্টোপাধ্যায়

নিয়োগের পরীক্ষার ফল প্রথম সপ্তাহে

কলকাতা, ৩০ অক্টোবর : নভেম্বরের প্রথম সপ্তাহে একাদশ-দ্বাদশ স্তরের শিক্ষক নিয়োগ পরীক্ষার ফলপ্রকাশ করবে স্কুল সার্ভিস কমিশন। দ্বিতীয় সপ্তাহে প্রকাশিত হবে নবম-দশম স্তরের শিক্ষক নিয়োগ পরীক্ষার ফল। এসএসসি সূত্রে খবর, মাধ্যমিক ও উচ্চমাধ্যমিক উভয় স্তরে ফলপ্রকাশের পর সাক্ষাৎকার প্রক্রিয়া শুরু হবে। বহু পরীক্ষার্থী দুটি স্তরেই পরীক্ষা দিয়েছিলেন। তাই জটিলতা এড়াতে প্রথমে উচ্চমাধ্যমিক স্তরের উত্তীর্ণ পরীক্ষার্থীদের সাক্ষাৎকার নেওয়া হবে। তারপর তাঁদের নিয়োগের তালিকা প্রকাশ করবে কমিশন। একাদশ-দ্বাদশের প্রক্রিয়া মিটলে তারপরই মাধ্যমিক স্তরের নিয়োগ প্রক্রিয়া শুরু করা হবে।

একাদশ-দ্বাদশ

উচ্চমাধ্যমিক স্তরে যারা সুযোগ পাবেন, তারা যাতে মাধ্যমিক স্তরের কাউন্সেলিংয়ে আবেদন না করেন, সেই কথা মাথায় রেখেই এই সিদ্ধান্ত নিয়েছে কমিশন। উচ্চমাধ্যমিক স্তরে ১২ হাজার ৫১৪ ও মাধ্যমিক স্তরে ২৩ হাজার ১১২ জন শিক্ষক নিয়োগ করা হবে। শিক্ষা দপ্তর জানিয়েছে, একাদশ-দ্বাদশ স্তরের ওএমআর শিটের চূড়ান্ত স্ক্যানিং ইতিমধ্যেই শেষ হয়েছে। ইতিমধ্যেই তৈরি হয়ে গিয়েছে চূড়ান্ত উত্তরপত্র। ফলপ্রকাশের আগে তা কমিশনের ওয়েবসাইটে আপলোড করে দেওয়া হবে।

উচ্চমাধ্যমিক স্তরের বেতন কাঠামো নবম-দশমের তুলনায় অনেকটাই বেশি। কেনও পরীক্ষার্থী যদি দুটি স্তরের পরীক্ষাতেই উত্তীর্ণ হন, তাহলে তিনি দুটি স্তরের নিয়োগ প্রক্রিয়াতে অংশগ্রহণ করতে পারবেন না। সেইদিকে কঠোর নজর রাখবে এসএসসি। আগেই যোগা করা হয়েছিল, ৭ নভেম্বরের মধ্যে শিক্ষক নিয়োগের পরীক্ষার ফল প্রকাশ হয়ে যাবে। সেই যোগা মেনেই সমস্ত প্রস্তুতি সেরে ফেলেছে কমিশন। ৩ নভেম্বর থেকে শুরু হয়ে যাবে নতুন নিয়োগের জন্য শিক্ষার্থীদের আবেদন প্রক্রিয়া। সপ্তিম কোর্টের নির্দেশ মেনে স্বচ্ছভাবে নিয়োগের ওপরেই নজর রাখছে কমিশন।

কাজে যোগ অধিকাংশ বিএলও’র শাস্তিতে নরম কমিশন

কলকাতা, ৩০ অক্টোবর : কমিশনের হুমকিতে অধিকাংশ কাজে যোগ দিলেও কিছু বিএলও এখনও তাঁদের সিদ্ধান্তে অনড়। তবে বিএলওদের কাজে ফেরানোর বিষয়টি নিয়ে এখনই শাস্তিমূলক পদক্ষেপের বদলে নরমে-গরমে তা সারতে চাইছে কমিশন। বুধবার ১৪৩ জন বিএলও’কে কার্যত নোটিশ ধরিয়ে বৃহস্পতিবার বেলা ১২টার মধ্যে কাজে ফেরার নির্দেশ দিয়েছিল নিবার্চন কমিশন। বিএলওদের সতর্ক করে কাজে না ফিরলে প্রয়োজনে তাঁদের বিরুদ্ধে শাস্তিমূলক পদক্ষেপ এমনকি সাসপেন্ড করা হতে পারে বলেও জানিয়েছিল কমিশন। জেলায় জেলায় কারা কাজে যোগ দিলেন, আর কারা অনুপস্থিত রইলেন, তার তালিকা বৃহস্পতিবার বিকাল ৫টার মধ্যে জেলা প্রশাসনকে পাঠানোর নির্দেশও দিয়েছিল সিইও-র দপ্তর। সূদের খবর, এদিন সংশ্লিষ্ট জেলা প্রশাসনের কাছ থেকে বিএলওদের উপস্থিতি নিয়ে জানতে চান রাজ্যের সিইও দপ্তরের এক আধিকারিক। সেখানেই জেলা প্রশাসনের তরফে বিএলওদের কাজে যোগ দেওয়া নিয়ে কমিশনকে আশ্বস্ত করা হয়েছে। তবে কোচবিহার, মুর্শিদাবাদ, উত্তর ২৪ পরগনা, কলকাতার মতো কয়েকটি জেলায় কিছু বিএলও এখনও কাজে না ফেরার সিদ্ধান্তে অনড়। এদিন এই প্রসঙ্গে রাজ্যের মুখ্য নিবার্চন আধিকারিক মনোজ আগরওয়াল বলেন, ‘জেলা নিবার্চন আধিকারিকদের স্পষ্ট জানিয়ে দেওয়া হয়েছে, বিএলওদের কাজে ফেরানোর দায়িত্ব জেলা প্রশাসনের। এই বিষয়ে সিইও দপ্তর থেকে

বাম-কংগ্রেসের কাছে ভোট প্রার্থনা শমীকের

কলকাতা, ৩০ অক্টোবর : বিজেপি এসআইআরের নামে এনআরসি করছে, তৃণমুলের এই প্রচারের ধাক্কায় এসআইআর শুরুর আগেই কার্যত চাপে বিজেপি। চাপ এতটাই বিধানসভা ভোটার তালিকা চূড়ান্ত হওয়ার আগেই বাম, অতিবাম ও কংগ্রেসের কাছে ভোট প্রার্থনা করে বসলেন বিজেপির রাজ্য সভাপতি শমীক ভট্টাচার্য। বাম-কংগ্রেস সহ বিরোধীদের কাছে শমীকের আবেদন, বৃকে পাখর রেখে এবারের মতো বাম হাতে বিজেপির জন্য বাটনটা টিপে দিন। তারপর দেখা যাবে। এনআরসি আতঙ্কে মৃতের অভিযোগ তুলে সরব হয়েছে তৃণমূল। তৃণমুলের এই প্রচারের সিন্ডির মেঘ দেখছে বিজেপি। দেশে এই মুহূর্তে কোথাও এনআরসি না থাকলেও স্বেচ্ছ আতঙ্ক তৈরির দন্ডা মুখমন্ত্রী মমতা বন্দ্যোপাধ্যায় থেকে তাঁর দলের নেতারা এই প্রচার করছেন বলে অভিযোগ করছে গেরুয়া শিবির। বিরোধী দলনেতা শুভেন্দু অধিকারী



বলেছেন, ৭ ফেব্রুয়ারি পর্যন্ত গাছ থেকে কেউ পড়ে গিয়ে মারা গেলেও সিএএ, এনআরসি আতঙ্কে মারা গিয়েছে বলে প্রচার করবে তৃণমূল। মুখে যাই বলুক, তৃণমুলের এই প্রচার যে এসআইআর সহ বিধানসভা ভোটে প্রভাব ফেলতে পারে তা উড়িয়ে দিচ্ছে না বিজেপি। আর সেই কারণেই তৃণমুলের এই প্রচারকে অপপ্রচার বলে পালাটা দাবি করার সঙ্গেই বিরোধী বাম-কংগ্রেস এমনকি অতি বামদের কাছে টানতে চাইছে বিজেপি। এদিন রাজ্য সভাপতি শমীক ভট্টাচার্য বলেছেন, ‘একটা রাজ্য প্রায় ধ্বংস হয়ে গিয়েছে। যদি শেষ রক্ষা করতে চান, তাহলে এই নিবার্চনে কিছুদিনের জন্য বৃকে পাখর রেখে বাম হাতে বিজেপির বাটনটা টিপে দিন। বাম-কংগ্রেস, অতি বাম এমনকি মমতা বন্দ্যোপাধ্যায়কে যারা ধাম-রক্ত বাড়িয়ে ক্ষমতা এনেছিলেন, তাঁদের কাছেও বিজেপি এই অনুরোধ করছে।’

সোমবার মন্ত্রীসভার বৈঠক

স্বরূপ বিশ্বাস

কলকাতা, ৩০ অক্টোবর : একটানা ছুটির পর আগামী সোমবার রাজ্য মন্ত্রীসভার বৈঠক ডেকেছেন মুখ্যমন্ত্রী মমতা বন্দ্যোপাধ্যায়। মাঝে হঠাৎ করে উত্তরবঙ্গে নজিরবিহীন প্রাকৃতিক দুর্ঘটনার কারণে মুখ্যমন্ত্রীর দু’দু’বার ছুটে যেতে হয় সেখানে। বিপর্যস্ত জেলাগুলিতে নিজে থেকে দুর্যোগ কবলিত মানুষের ত্রাণ ও পুনর্বাসনের ব্যাপারের সক্রিয় ও সন্দর্ভ পদক্ষেপ করেন তিনি। আর এই ব্যস্ততার জন্য রাজ্য মন্ত্রীসভার বৈঠককেও ডাকা সম্ভব হয়নি। বেশ কয়েকটি দপ্তরের কাজও বকেয়া পড়ে গিয়েছে। নবাবে মুখ্যমন্ত্রীর সচিবালয়ের খবর, এই কারণেই সোমবার সূতীর্থ মন্ত্রীদের নিয়ে মন্ত্রীসভার বৈঠক ডেকেছেন তিনি নবাবে। বুধবার নবাম সূত্রে খবর, সরকারের বিভিন্ন দপ্তরের কাজের পর্যালোচনার পাশাপাশি দু’একটি গুরুত্বপূর্ণ সিদ্ধান্তও নেওয়া হতে পারে মন্ত্রীসভার বৈঠকে।

উদ্বেগে শরণার্থীরা দাবি বিরোধীদের

রিমি শীল

কলকাতা, ৩০ অক্টোবর : এসআইআর যোগাধার পরেই একের পর এক মৃত্যুর ঘটনা ক্রমশ প্রকাশ্যে এসেছে। এই আতঙ্ক ক্রমশ উদ্বেগ তৈরি করছে শরণার্থী হয়ে এদেশে আসা মানুষজনের মধ্যে। এমনটাই মত বাম-কংগ্রেসের। তারা মনে করছে, দীর্ঘদিন আগে বা সাম্প্রতিক সময়ে প্রতিবেশী দেশ থেকে আসা মতুয়া সহ শরণার্থীদের মধ্যে নথিগত নিয়ে ত্রুটি তৈরি হয়েছে। এই পরিস্থিতি তৈরি করেছে বিজেপি। এসআইআরের নেপথ্যে এনআরসি বা সিএএ কার্যকর হলে অনেকেই বেনাগরিক হওয়ার আশঙ্কা করছেন। এই পরিস্থিতিতে আতঙ্ক দূর করতে ইতিমধ্যেই ভিন্ন ভিন্ন পন্থায় কৌশল নিচ্ছে বিরোধীরা।

এসআইআর যোগাধার পরেই সূর চড়িয়েছে রাজ্যের শাসক দল তৃণমূল কংগ্রেস। ভয়া পেয়ে হঠকারী সিদ্ধান্ত না নেওয়ার বাত্ন দিয়েছেন মুখ্যমন্ত্রী মমতা বন্দ্যোপাধ্যায়। একই সূত্রে সিপিএম ও কংগ্রেসের যুক্তি, সাতের দশকে বহু হিন্দু শরণার্থী এই দেশে এসেছেন। অনেকে দীর্ঘদিন ধরে এই রাজ্যে বসবাস করছেন। উদ্ভাস্ত অবস্থায় আসার পর তারা রয়ে গিয়েছেন। বিশেষত কোনও কারণবশত বহু মানুষের কাছে যথাযথ নথিগত নেই। অথচ নাগরিকত্ব আইনের জন্য নথিগতকেই প্রমাণ করে এসে চাল, ডাল, খাবার দিয়ে যায়। কোনওভাবে চলে যায়। বোনকেও স্কুলে ভর্তি করিয়েছে বিক্রম। টাকার অভাবে নেই গৃহশিক্ষক। না, সকাল হলে মায়ের বানানো জলখাবার খেয়ে দিন শুরু হয় না বিক্রমের। পাড়ার মোড়ো কোনও এক গুলির বাতাসে ভেসে বেড়ায় তার সপ্ন। নিজের স্বপ্নের দাম চুকিয়ে সে বাটচিয়ে রাখছে একাধিক স্বপ্ন। বনগাঁ দক্ষিণের বিজেপি বিধায়ক স্বপন মজুমদারকে প্রশ্ন করতে তিনি বললেন, ‘আমার কাছে এখনও এমন কোনও খবর নেই। তবে স্থানীয় প্রশাসনের থেকে খবর নিয়ে নিশ্চয় ব্যবস্থা নেব।’

উদ্বেগে শরণার্থীরা দাবি বিরোধীদের

বলেন, ‘যাঁদের মৃত্যু হয়েছে, তাঁদের প্রতি শ্রদ্ধা জানিয়ে বলি, এসআইআরের সঙ্গে সঙ্গে বিজেপি সিএএ ক্যাম্প করছে। দুটিকে এক জায়গায় মিলিয়ে দেওয়ার চেষ্টা করা হচ্ছে। তাই আতঙ্ক তৈরি হচ্ছে। যারা আতঙ্ক ছড়াচ্ছেন, তারা কি বুঝতে পারছেন আতঙ্কটা আসা মানুষজনের মধ্যে। এমনটাই হিন্দুগণও আতঙ্কে রয়েছেন। দীর্ঘদিন আগে সেই পুরোনো নথিপত্রের খোঁজ তাঁদের কাছে নেই। দীর্ঘদিন ধরে যারা রয়েছেন তাই। এখনকার নাগরিক। কিন্তু তাঁদের কাছে কাগজ নেই। তাই কি তারা বিপদে পড়বেন? আমাদের প্রশ্ন সেটাই।’ সিপিএমের এক রাজ্য কমিটির নেতার কথায়, ‘প্রচুর গরিব মানুষ যারা ওপার বালা থেকে এসেছিলেন কিন্তু কোনও কারণে নথি হারিয়েছেন বা যারা বিশেষ কারণবশত সম্প্রতি এসেছেন তারাও আতঙ্কে রয়েছেন। এর বিরুদ্ধে আমরা ক্যাম্প করছি। বিভিন্ন কর্মসূচি নিচ্ছি।’ সিপিএম নেতা শমীক লাইভির মতে, ‘এর দায় নিতে হবে নিবার্চন কমিশনকে। আমরা বিভিন্ন পন্থাটা, লিফলেট বিলি, পাড়ায় পাড়ায় কর্মসূচির মাধ্যমে আতঙ্ক কাটানোর চেষ্টা করছি।’ প্রদেশ কংগ্রেস সভাপতি হর্ষে নিবার্চন কমিশনের আশঙ্কা তুলে বলেন, ‘আমরা সপ্তিম চলিয়ে চলুক কিন্তু তার মধ্যে নিবার্চন প্রক্রিয়া যাতে না আসে।’ রাজনৈতিক মহলের মতে, উদ্ভাস্ত ভোট নিয়ে চিন্তিত সিপিএম ও বিজেপি। তারই মধ্যে এসআইআর যোগাধার পরে একের পর এক মৃত্যু অনুঘটকের কাজ করেছে। এক সময় সিপিএমের পক্ষে থাকা উদ্ভাস্ত ভোট পরবর্তীতে অধিকাংশ তৃণমুলের বুলিতে গিয়েছে। বিজেপির অন্যতম আদি সংগঠন উদ্ভাস্ত সংগঠন। এই পরিস্থিতিতে আতঙ্কের বাতাসে বিরোধীরা চাইছে এই ভোটের একাংশ কন্সমিট নিয়েছেন তারা। সিপিএমের কেন্দ্রীয় কমিটির সদস্য সৃজন চক্রবর্তী

ছোট কাঁধে গুরুদায়িত্ব বিক্রমের

রিমি শীল

কলকাতা, ৩০ অক্টোবর : ‘ফল নেবে গো ফল...’, হাঁক দিচ্ছে দপ্তর একে কষ্টকর। ফলবোঝাই ভ্যানটি ঠেলে নিয়ে এগোচ্ছে ধুলোমাখা বহর ১২’র দুটো হাত। চোখে, মুখে ক্লান্তির ছাপ। পড়ার ফাঁকে সময় বের করে ফল বিক্রি করে চাঁদপাড়ার বিক্রম সূতার। বাস্তব তাকে এই বিষয়েই শিখিয়েছে সংসারের দায়িত্ব কাঁধে তুলে নিতে। প্রশাসন নানা আশ্বাস দিয়েছিল, কিন্তু বাস্তবায়ন হয়নি। পাঁচ বছরের বোন ও মাকে নিয়ে তার পরিবার। বাবা ছেড়ে গিয়েছে সাত বছর আগে। সেই থেকেই শুরু অসম লড়াই। দায়িত্বভার কাঁধে নিয়ে বিক্রম যেন এখন সংসারের অভিভাবক হয়ে উঠেছে।

বনগাঁর চাঁদপাড়ায় ১২ বছরের বিক্রমের কাছে পরিবারের দায়িত্ব। মা পরিচরিকার কাজ করেন।

মাসে ৫০০০ টাকায় সংসার চলে না। যে বয়সে কাঁধে স্কুলের ব্যাগ, হাতে পেন-পেনসিল থাকার কথা, সেই বয়সে ছোট দুটি হাতে ফলবোঝাই ভ্যান ঠেলে। আগে ট্রেনে হকারি করে সংসার চালাত। বনগাঁ, গৌবরডাঙা বা হাবড়া লোকালিতে কখনও বাড়িতেই মুখরোচক খাবার প্যাকেটে পুরে, কখনও নিত্যপ্রয়োজনীয় মজাদার দ্রব্য নিয়ে হকারি করতে সে। ধার করে বিক্রির জিনিস কিনে তা বেচে আবার ধার মেটাতে হয় তাকে। ‘উত্তরবঙ্গ সংবাদ’কে ছোট বিক্রম বলে, ‘বিডিও অফিস থেকে বলেছিল, আমি ছোট বলে হকারি না করতে। ওরা নাকি মাসে ৫০০০ টাকা করে দিয়ে যাবে। কই দু’মাস তো কেটে গেল, কিছু দেয়নি। কিন্তু আমাদের তো চলতে হবে। তাই এখনও মাকেমধ্যে হকারি চালাচ্ছি।’

সংসারের দায় সামলে কী করে পড়াশোনা চালায় সে? বলল, ‘পড়াশোনা



পড়াশোনা সামলে পথে হকারি।

না করতে হবে? বোন হওয়ার পরই বাবা বাড়ি ছেড়ে চলে গিয়েছেন।

বোনের তখন দু’মাস। ঠাকুমাও বাড়ি থেকে তাড়িয়ে দিল আমাদের। আমরা

দুর্গাপুরের ধর্ষণে ২০ দিনে চার্জশিট

দুর্গাপুর ওকলকাতা, ৩০ অক্টোবর : বৃহস্পতিবার দুর্গাপুরে বেসরকারি মেডিকেল কলেজের দ্বিতীয় বর্ষের চিকিৎসা পড়ুয়ার গণধর্ষণের ঘটনায় ২০ দিনের মধ্যে চার্জশিট দাখল করল পুলিশ। শীঘ্রই এই ঘটনার বিচার প্রক্রিয়া শুরু হবে। সরকারি আইনজীবী বিভাগ চট্টোপাধ্যায় জানান, অভিযুক্তদের বিরুদ্ধে ১৮টি সেকশনে চার্জশিট জমা দেওয়া হয়েছে। নিযাতিভার সহপাঠীর বিরুদ্ধেই শুধুমাত্র ধর্ষণের ধারা উল্লেখ রয়েছে। সহপাঠীই মূল অভিযুক্ত। বাকি ৫ জনের মধ্যে অপু বাড়ির শেখ নাসিরুদ্দিন ও শেখ ফিরদৌসের বিরুদ্ধে গণধর্ষণ, তোলাবাজি, ডাকাতির ধারা দেওয়া হয়েছে। এছাড়া শেখ রিয়াজউদ্দিন ও সাফিক হোসেনের বিরুদ্ধে ডাকাতি ও ছিনতাইয়ের ধারা রয়েছে। তাড়াহুতায়ে তাকে বিচার শুরু ও শেষ করা হয় তা দেখা হচ্ছে।



এসআইআর জুজু

ভোটার তালিকার বিশেষ নিবিড় সংশোধনী (এসআইআর) চালু হওয়ার দিনই তুলকালাম পশ্চিমবঙ্গে। নিজের মৃত্যুর জন্য এনআরসি-কে দায়ী করে উত্তর ২৪ পরগনার পানিহাটির এক শ্রৌচ আত্মঘাতী হয়েছিলেন। পরদিন কোচবিহারের দিনহাটার একজন এসআইআর আতঙ্কে বিষ খেয়ে আত্মহত্যার চেষ্টা করেন বলে নিজেই দাবি করেন। তার পরের দিন আবার বীরভূমের ইলামবাজারে আরও একজন গলায় দড়ি দিয়ে একই কারণে আত্মঘাতী হয়েছেন বলে অভিযোগ।

মাসকয়েক আগে কলকাতার নেতাজিনগরে সিএ ও এনআরসি আতঙ্কে অপর একজন আত্মঘাতী হয়েছিলেন বলে অভিযোগ। বোঝাই যাচ্ছে অভিযোগগুলি যদি সত্যি হয়, তবে তার মানে এসআইআর আতঙ্ক ক্রমশ ডালপালা মেলছে। রাজ্যে বাড়ি বাড়ি গিয়ে এসআইআর শুরু হবে ৪ নভেম্বর। তিন মাসে তিন পর্বে তা শেষ হবে। প্রতিটি জেলায় মহকুমা শাসক ও জেলা শাসকের অফিসে সহায়তাকেন্দ্র খুলছে নিবর্তন কমিশন। অনিচ্ছুক ৬০০ বিএলও কাজে যোগ না দিলে শাস্তি দেওয়া হবে বলেও কমিশন হুমকি দিয়ে রেখেছে। এই কর্মসূচির প্রাক্কালে শাসক ও বিরোধী পক্ষের তজয়ি বাড়ছে রাজনৈতিক উত্তাপ। মুখ্যমন্ত্রী মমতা বন্দ্যোপাধ্যায় এসআইআর নিয়ে তোপ দাগছেন সেই জুন-জুলাই থেকে। বিহারে ভোটার তালিকায় লক্ষ লক্ষ মানুষের নাম বাদ পড়া নিয়ে তুমুল শোরগোল চলছিল তখন।

মুখ্যমন্ত্রী বরাবরই বলে চলেছেন, এরাভো একজন ভোটারের নামও বাদ পড়তে দেবেন না তিনি। একই হুমকি দিয়েছেন দলের সেকেন্ড ইন কমান্ড অভিষেক বন্দ্যোপাধ্যায়। জেলায় জেলায় তৃণমূল নেতাদের আগেই সতর্ক করে দিয়েছে শীর্ষ নেতৃত্ব। ২০০২ সালের ভোটার তালিকা ধরে সব বাড়ি ঘুরে শীর্ষ নেতৃত্বের কাছে রিপোর্ট দিতে বলা হয়েছে তৃণমূল কর্মীদের। বরং এসআইআর নিয়ে রাজ্যের প্রধান বিরোধী দল বিজেপি কিছুটা দিশাহীন। অন্য দুই বিরোধী সিপিএম এবং কংগ্রেস ততটা সক্রিয় নয়।

বিএলএ নিয়োগ নিয়েও তৃণমূল বাদে বাকি দলগুলি পড়ছে মহাসমস্যায়। এসআইআর নিয়ে তৃণমূল আগে থেকেই সিরিয়াস। অভিষেকের সঙ্গে এখন প্রায়শ আলোচনা করছেন দলনেত্রী। জেলায় জেলায় তৃণমূল বিএলএ-দের নির্দেশ দেওয়া হয়েছে, তারা যেন বিএলওদের পিছুবাওয়া করেন। অর্থাৎ বিএলও কোনও বাড়িতে গেলে তৃণমূলের বিএলএ-রা যেন সেখানে হাজির হন এবং নাম বাদ দেওয়া হচ্ছে কি না, সেদিকে কড়া নজর রাখেন।

একদিকে জোড়ায়ুল শিবিরের চরম তৎপরতা, অন্যদিকে পদ্ম শিবিরের দিশাহীনতা স্পষ্ট। এসআইআর নিয়ে বিরোধী দলনৈতা শুভেন্দু অধিকারী রোজই অসুত একবার হংকার ছাড়েন, এরাভো ১ কোটি ৮০ লক্ষ নাম ভোটার তালিকা থেকে বাদ যাবে। তিনি দলের বিএলএ টু-দের নির্দেশ দিয়েছেন, তারা যেন বিএলও-দের ওপর চৌকিদারি করেন। আবার কেন্দ্রীয় শিক্ষা প্রতিমন্ত্রী ও দলের প্রাক্তন রাজ্য সভাপতি সুকান্ত মজুমদার মনে করছেন, বাংলার কোটি নাম বাপ পড়ার বিষয়টি জল্পনামায়া।

বিরোধী দলনৈতা হামেশাই প্রায় ২ কোটি ভোটারের নাম বাদ পড়ার যে হুমকি দিচ্ছেন, সেব্যাপারেও রাজ্য বিজেপির একাংশের তীব্র আপত্তি। নদিয়া সহ কয়েকটি জেলার পুরোনো নেতারা মনে করেন, এতে পদ্ম শিবিরের সঙ্গে লাভ হবে না, উল্টে ক্ষতি হবে। সামনে বিধানসভা নির্বাচন। সারাক্ষণ যদি লক্ষ লক্ষ মানুষের নাম বাদের ভয় দেখানো চলতে থাকে, তাহলে ফায়দা তুলবে তৃণমূলই। মানুষ বিজেপির থেকে মুখ ফিরিয়ে নেবেন।

শুভেন্দু অধিকারীর লাইনকে তাই হটকারী এবং আত্মঘাতী বলে দলের মধ্যে সমালোচনা হচ্ছে। কিন্তু যাকে নিশানা করে তাদের সমালোচনা, তার ক্ষেপই নেই। ২০২১ সালের ভোটে তৎকালীন রাজ্য সভাপতি দিলীপ ঘোষের নেতৃত্বে বিজেপি ৭৭টি আসন জিতেছিল। পদ্ম শিবিরে সেই দিলীপ এখন ব্রাতা। এসআইআর শেষপর্যন্ত বিজেপির বুলিতে কোনও লাভ এনে দেবে কি না, তা অনিশ্চিতই।

অমৃতধারা

দৃঃখ আছে বলিয়াই তুমি দৃঃখজয়ী বীর হইবার সুযোগ পাইতেছ। মৃত্যু আছে বলিয়াই মৃত্যুঞ্জয় মহাশিব হইবার তোমার সার্বকতা। যখন সব হারািবহে, তখনই সব পাইবহে। দেওয়াই পাওয়া, না দিতে পারাই রিক্ততা, শূন্যতা বার্থতা। সুখলাভ যখন তোমার ঈশ্বরের প্রীতি-সম্পাদনের জন্য তখন ইন্ড্রিয়-প্রথম তোমার সহজাত সম্পদ। ঈশ্বরের প্রীতিবশেই জীবনের লক্ষ্য কর। আপন স্বরূপের পানে তাকাইয়া সীমার সহিত অসীমের সখ্যতা অনুধাবন কর। আদির ভিতরে অন্তকে দেখা, চিত্তাঞ্চলের ভিতরে নিতান্তিরকে জানা-ই হাইই যোগ। পরকে আপন বলিয়া জানিবার উপায় নিজেকে ও তাহাকে একই ভগবানের সন্তান বলিয়া মানিয়া লওয়া।

- শ্রীশ্রীস্বরূপানন্দ



আমেরিকায় এসে প্রথম হ্যালোউইন দেখে খুব অবাক হয়েছিলাম। ভূত নিয়ে উৎসব! বাচ্চা ছেলেমেয়েরা ভূত-পেক্ট্রী, দৈত্য-দানো, রাক্ষসের মুখাশ

পরে বাড়ি বাড়ি যায় হাতে কুমড়োর বাস্কেট বুলিয়ে। সব বাড়িও কঙ্কাল, ভয়ংকর সব রক্তমাখা মুখ এসব দিয়ে সাজায়। সঙ্গে হাড়হিম করা নানারকম শব্দ হয়। বাচ্চারা গেলে ওদের বাস্কেটে চকোলেট দেয়।

ভারতে আমাদের ছোটবেলায় এই হ্যালোউইন জন্ম নেয়নি। কিন্তু সংস্কৃতি তো জলের মতো, সব সময়ই এদিক থেকে ওদিকে বয়ে যায়। একটির সঙ্গে অন্যটির অবিরত মিশ্রণ ঘটে। তাই এখন ভারতের নানা শহরেও হ্যালোউইন, ভ্যালেন্টাইন দিবস, মাতৃ দিবস এসব অনেকে পালন করে। আজকাল ইন্টারনেটের জন্য সংস্কৃতি আরও দ্রুত ছড়িয়ে পড়ছে।


আমেরিকায়ও কিন্তু এই হ্যালোউইন নিজস্ব নয়। ১৮০০ সালে আইরিশরা আমেরিকায় প্রথম আসে। সঙ্গে নিয়ে আসে জ্যাক-ও-ল্যান্টার্ন এর এই প্রথা। গোল মোটা কুমড়োকে কেটে ভূত, রাক্ষসের মুখ বানিয়ে তার ভেতরে মোমবাতি রেখে বাড়ির সামনে রেখে দেওয়া। আইরিশরা আবার এই প্রথা নিয়েছিল কল্টিকদের থেকে আর এখন সারা আমেরিকা একে আপন করে নিয়ে স্কুলের শিক্ষার অংশ করে নিয়েছে।

অক্টোবর মাস ক্যালিফোর্নিয়ায় ফসল ওঠার সময়। রোদের মেজাজ অনেক নরম, চারিদিকে গাছের পাতারা রং বদলানোর জন্য তৈরি। আমেরিকার খামারগুলোতে সবুজ পাতার মাঝে রাশি রাশি সোনার তালের মতো কুমড়া উকি দিচ্ছে। সারাদিন মিস্তি রোদ থেকে ক্রোয়েফিলি নিচ্ছে আর সন্ধ্যা হলে সমুদ্রের ভেজা হাওয়ায় শরীর জুড়োচ্ছে। পরিণত কুমড়াগুলোকে কেটে নিয়ে খড়ের গদার ওপর যত্নে সারি সারি সাজিয়ে রাখা –চারপাশ আলো করা সোনার রঙের কুমড়া। অক্টোবরের দ্বিতীয় সপ্তাহ থেকে জ্যাক-ও-ল্যান্টার্ন বানানো শুরু হবে।

সময় হয়ে গিয়েছে, এই কুমড়োরা এখন বসে অপেক্ষা করছে, কখন আসবে তারা। ক্যালিফোর্নিয়ার স্কুলবাসগুলোর রং-ও এই কুমড়াগুলোর মতো হলুদ। একটার পর একটা বাস এসে দাঁড়াবে আর তার থেকে দুদাড় কর নামবে ছোট ছোট ছেলেমেয়ের

দল, ছুটে যাবে কুমড়াগুলোকে সেই জ্যাক-ও-ল্যান্টার্ন বাড়ির দরজায় রাখা হয়। বর্ষা, অফিস, দোকান, স্কুল-কলেজ, পার্ক-সর্বত্র পুরো অক্টোবর মাস হলুদ কুমড়োরা বারান্দায়, সিঁড়িতে, টেবিলে, বাগানে শোভা বাড়ায়। আর চারপাশে গাছের রঙিন পাতা বুরবে। খামারবাড়িতে কিছু পশুপাখিও থাকে। তাদের খেতে দেওয়াটাও দারুণ আনন্দের। এই পুরো ব্যাপারটাই শিক্ষার একটি গুরুত্বপূর্ণ অঙ্গ। ফসলের সঙ্গে, মাটির সঙ্গে যোগাযোগ ছাড়া শিক্ষা সম্পূর্ণ হয় না। আমেরিকার স্কুলে সবচেয়ে প্রিয় ফিল্ড ট্রিপ অক্টোবর মাসের এই কুমড়া খামারে যাওয়া।

খামারজীবির এই কৃষকদের প্রায় সবাই নাম করা কাজে থেকে কৃষিবিজ্ঞান নিয়ে ব্যাচেলর্স অথবা মাস্টার্স করেছেন। কেউ কেউ রিসার্চ করে বেশকিছু গবেষণাপত্রও লিখেছেন। উচ্চশিক্ষিত ও বিন্দুস্ব সব কৃষক। চাষের সবোন্নত প্রযুক্তিতে দক্ষ এইসব কৃষকদের কথা শুনলে ও চেহারা দেখলে মনে হয় যেন কোনও নামী কলেজের



প্রফেসর। এই ছেলেমেয়েরা ছোট ছোট হাতে পামকিনগুলোকে বুক জড়িয়ে ধরে বাড়ি নিয়ে যায়। তারপর বাবা ওটাকে ছুরি দিয়ে কেটে ভেতর মুখ বানায়। ছোট ছেলেমেয়েরা হাত ঢুকিয়ে ভেতর থেকে সব শাঁস, বিচি বের করে মাকে দেয় কুমড়োর পাই বানানোর জন্য।

তারপর বাটির মতো কুমড়োটার ভেতরে একটি জুলন্ত মোমবাতি রেখে সেই জ্যাক-ও-ল্যান্টার্ন বাড়ির দরজায় রাখা হয়। বর্ষা, অফিস, দোকান, স্কুল-কলেজ, পার্ক-সর্বত্র পুরো অক্টোবর মাস হলুদ কুমড়োরা বারান্দায়, সিঁড়িতে, টেবিলে, বাগানে শোভা বাড়ায়। আর চারপাশে গাছের রঙিন পাতা বুরবে। খামারবাড়িতে কিছু পশুপাখিও থাকে। তাদের খেতে দেওয়াটাও দারুণ আনন্দের। এই পুরো ব্যাপারটাই শিক্ষার একটি গুরুত্বপূর্ণ অঙ্গ। ফসলের সঙ্গে, মাটির সঙ্গে যোগাযোগ ছাড়া শিক্ষা সম্পূর্ণ হয় না। আমেরিকার স্কুলে সবচেয়ে প্রিয় ফিল্ড ট্রিপ অক্টোবর মাসের এই কুমড়া খামারে যাওয়া।

খামারজীবির এই কৃষকদের প্রায় সবাই নাম করা কাজে থেকে কৃষিবিজ্ঞান নিয়ে ব্যাচেলর্স অথবা মাস্টার্স করেছেন। কেউ কেউ রিসার্চ করে বেশকিছু গবেষণাপত্রও লিখেছেন। উচ্চশিক্ষিত ও বিন্দুস্ব সব কৃষক। চাষের সবোন্নত প্রযুক্তিতে দক্ষ এইসব কৃষকদের কথা শুনলে ও চেহারা দেখলে মনে হয় যেন কোনও নামী কলেজের

তাদের স্বাগত জানাতেই এই হ্যালোউইন। তাই এই জ্যাক-ও-ল্যান্টার্ন থাকে ৩১ অক্টোবর পর্যন্ত, যে রাতে হ্যালোউইন।

হ্যালোউইনের রাতে দলবেঁধে ছেলেমেয়েরা প্রাস্টিকের কুমড়োর মতো দেখতে বাস্কেট হাতে বুলিয়ে জ্যাক-ও-ল্যান্টার্ন সাজানো বাড়িগুলোতে গিয়ে দরজায় নক করে। আর দরজা খুলে বড়ায় বাস্কেটে লজেন্স, চকোলেট ভরে দেয়। যতক্ষণ না তাদের হাতের বাস্কেট উপচে পড়ে, ওরা বাড়ি বাড়ি ঘুরে বেড়ায়।

আইরিশ উপকথায়, কিস্টে জ্যাক একদিন শয়তানকে তার সঙ্গে পানীয় খাওয়ার জন্য নিমন্ত্রণ করে এবং তাকে বোঝায় যে তুমি নিজেকে পালটে একটি মুদ্রায় পরিণত করো। তাহলে সেটা দিয়ে আমরা পানীয়টি কিনতে পারব। কিন্তু যখনই শয়তান সেটা করল, জ্যাক সেটা খরচ না করে নিজের পকেটে একটি রুপোর ক্রসের সঙ্গে রেখে দিল যাতে শয়তান আর নিজের রূপ ফিরে না পায়। পরে জ্যাক এই শর্তে শয়তানকে মুক্তি দেয় যে এক বছরের মধ্যে জ্যাক যদি মারা যায়, তবে সে জ্যাকের আত্মা নিতে আসবে না।

পরের বছর আবার জ্যাক শয়তানকে একটি গাছে উঠে একটি ফল পেড়ে দিতে বলে, শয়তান সেই গাছে ওঠে জ্যাক গাছের গায়ে ক্রস চিহ্ন একে দেয় যাতে শয়তান আর নামতে না পারে। আবার একই শর্ত করে, এবার ১০ বছরের। এর কিছুদিনের

মধ্যেই জ্যাকের মৃত্যু হয়। ঈশ্বর তাকে স্বর্গে নেন না। বিরক্ত শয়তানও তাকে নরকে না নিয়ে অন্ধকার এক রাতে পাঠিয়ে দেয়, পথ দেখার জন্য। রাত্রে শুধুমাত্র একটি জ্বলন্ত অন্ধার। জ্যাক একটি মূলে কেটে তার মধ্যে সেটি রেখে অন্ধকার রাতে হাতে নিয়ে ঘুরে বেড়াতে থাকে।

সেই থেকে আয়ারল্যান্ড ও স্কটল্যান্ডের মানুষ মূলে কেটে ভয়ংকর সব মুখ বানিয়ে তার মধ্যে মোমবাতি রেখে বাড়ির জানলা, দরজায় রেখে দেয় জ্যাক ও অশুভ আত্মা তাড়ানোর জন্য। এই আইরিশরা আমেরিকায় এসে যখন এই গোলাকার কুমড়া দেখল, সঙ্গে সঙ্গে মূলে ছেড়ে একেই হাতে তুলে নিল আরও ভালো জ্যাক-ও-ল্যান্টার্ন বানানোর জন্য। তারা এর বীজ আয়ারল্যান্ডেও নিয়ে গেল। কিন্তু সেখানকার মাটি ও আবহাওয়ায় এই কুমড়া ফলল না। কলম্বাসও আমেরিকা থেকে এর বীজ নিয়ে গিয়েছিলেন। কিন্তু ইউরোপেও এই কুমড়া হয়নি। ডেড ইন্ডিয়ানরা প্রথম সেন্ট্রাল আমেরিকার দেশগুলো থেকে এর বীজ নিয়ে আসে একটি চারিদিকে নানা রঙের পাতা আর তাদের মাঝে সোনা রঙের অজস্র কুমড়া।

(লেখক শিলিগুড়ির ভূমিকন্যা। এস অ্যাঞ্জেলেসের বাসিন্দা।)

আজ

১৮৭৫

আজকের দিনে জন্মগ্রহণ করেন সদর বঙ্গভাই প্যাটেল।

১৯৮৪

প্রধানমন্ত্রী ইন্দিরা গান্ধি প্রয়াত হন আজকের দিনে।

আলোচিত



অভিষেক বন্দ্যোপাধ্যায় এসআইআর-এর কিছুই জানেন না। তাই উলটো-পাল্টা বকছেন। রাজনীতিতে পড়াশোনা জানা লোক দরকার। উনি কী এসআইআর পড়েছেন? এসআইআর হলে ডায়মন্ড হারবার সহ গোটা রাজ্যে ভুলে ভোটাররা বাদ যাবে। তাই তৃণমূল আতঙ্কে।

- সুকান্ত মজুমদার

ভাইরাল/১



মধ্যপ্রদেশের গোয়ালিয়রে স্কুলে পঠনপাঠন চলাকালীন বিশাল দুই সাপ ঢুক পড়ে। একে অপরকে বিনুনির মতো পেঁচিয়ে মাটি থেকে অনেকটা উঁচুতে দাঁড়িয়ে পড়ে। পড়ুয়াদের মধ্যে আতঙ্ক ছড়ায়। সাপ দুটিকে তাড়িয়ে দেওয়া হয়।

ভাইরাল/২



ডিজিটাল আশীর্বাদ। কেরলে বিয়ের অনুষ্ঠান চলছে। অভিষেকের আত্মা জানাচ্ছেন কনের বাবা। পকেটে সাঁচা কিউআর কোড। অতিথিরা মোবাইল বের করে ওই কোডটি স্ক্যান করে আশীর্বাদের টাকা পাঠাচ্ছেন। সানদে তা গ্রহণ করছেন তিনি।

লিঙ্গভেদে বদলে যায় ‘ধর্ষণ’-এর সংজ্ঞা

আইন সংশোধন করে ‘ধর্ষণ’-এর সংজ্ঞা কিছুটা বদলালেও, পুরুষ বা রূপান্তরকামী ভুক্তভোগী সেভাবে গুরুত্ব পাননি।



কর্তৃক নারীর উপর সংঘটিত অপরাধ হিসেবেই সংজ্ঞায়িত করে। অর্থাৎ বাস্তবতা বলছে, যৌন সহিংসতার শিকার হতে পারেন যে কোনও মানুষ- নারী, পুরুষ কিংবা রূপান্তরকামী (ট্রান্সজেন্ডার)।

২০১৩ সালে আইন সংশোধন করে ‘ধর্ষণ’-এর সংজ্ঞা কিছুটা পরিবর্তিত হলেও, তাতে কিন্তু পুরুষ বা রূপান্তরকামী ভুক্তভোগীকে সেভাবে গুরুত্ব দেওয়া হয়নি। এই লিঙ্গভেদের কারণে, যারা ভুক্তভোগী হচ্ছেন, তাদেরকে আইনিভাবে কীভাবে পর্যালোচনা করা হবে- সেটার কাঠামো অনেকটা অস্পষ্ট। ফলস্বরূপ, বর্তমান পরিবর্তিত আইনেও অনেকটা স্পষ্ট- পুরুষ কেবল অপরাধী হতে পারেন, ভুক্তভোগী নন। ফলে যদি কোনও নারী জোর করে প্রাপ্তবয়স্ক পুরুষকে যৌন সম্পর্কে বাধ্য করেন, সেটি আইনি ভাষায় ‘ধর্ষণ’ নয়, বরং অন্য ধারায় বিচার্য- যার শাস্তি ও সামাজিক প্রতিক্রিয়া লম্বু ও ভিন্ন। আইনের এই একপেশে কাঠামো ন্যায়বিচারের পরিসরকে সীমিত করে দিয়েছে। নারী নিরাপত্তার বিরুদ্ধে কঠোর আইন অবশ্যই প্রয়োজন, কিন্তু তার মানে এই নয় যে, পুরুষ বা অন্তর্লিঙ্গের মানুষ যৌন সহিংসতার শিকার হতে পারেন না। বিভিন্ন সমীক্ষা বলেছে, সহিংসতার পুরুষ জীবনের কোনও

রাহুল দাস



পর্যায়ে জোরপূর্বক যৌন সম্পর্কের শিকার হয়েছেন। তবু এই ঘটনাগুলি কোথাও ‘ধর্ষণ’-এর পরিসরে ধরা পড়ে না। সরকার প্রদত্ত অপরাধ-পরিসংখানে পুরুষ বা রূপান্তরকামী ভুক্তভোগীদের জন্য আলাদা কোনও শ্রেণি নেই। অর্থাৎ যে অপরাধ বিদ্যমান, তার হিসাব নেই। আর হিসাব না থাকলে নীতিনির্ধারণও অসম্পূর্ণ থেকে যায়। সমাজবিজ্ঞানীরা বলেন, সামাজিক কলঙ্কে ভয়েই অধিকাংশ পুরুষ নীরব থাকেন- আর সেই নীরবতা বাড়ায় অপরাধীর শক্তি।

শিশু নিরাপত্তার ক্ষেত্রে, আইন লিঙ্গনিরপেক্ষ (পকসো আইন)। তাহলে প্রশ্ন ওঠে, একজন প্রাপ্তবয়স্কের ক্ষেত্রে একই নীতি প্রযোজ্য হবে না কেন? বয়স বেড়ে গেলে কি মানবাধিকারের পরিধি সংকুচিত হয়? বিচার ব্যবস্থার একাংশ বহুবার এই বৈষম্যের পরিবর্তন

চেয়েছে, কিন্তু সামাজিক ও রাজনৈতিক স্তরে বিষয়টি এখনও ট্যাঁচ। অনেকে আশঙ্কা করেন, আইন লিঙ্গনিরপেক্ষ হলে মিথ্যা অভিযোগ বাড়বে। কিন্তু বর্তমানে আইনে কি সেই আশঙ্কা নেই? অসংখ্য পুরুষ কিন্তু মিথ্যা কেসে ফাঁসছেন। এখন সময় এসেছে আইনকে বাস্তবতার সঙ্গে খাপ খাওয়ানোর। ধর্মের সংজ্ঞা ‘লিঙ্গনিরপেক্ষ’ না হলে বহু ভুক্তভোগী সারাজীবন বিচারবর্জিত থাকবেন। এনসিআরবি-এর রিপোর্টিং পদ্ধতিতে নতুন ক্যাটিগোরি যোগ করতে হবে, পুলিশ ও বিচার ব্যবস্থাকে প্রশিক্ষণ দিতে হবে এবং সাপোর্ট সেন্টার গড়ে তুলতে হবে- যেখানে লজ্জা নয়, নিরাপত্তা হবে মুখ্য।

সমাজে এখনও পুরুষের দর্বলতা মানা হয় না, তাই পুরুষ ভুক্তভোগীর কষ্ট উপহাসের বিষয় হয়ে দাঁড়ায়। এই মানসিকতাকে বদলানোই সবচেয়ে কঠিন কাজ। কিন্তু পরিবর্তন যদি হয়, তবে তা আইন থেকেই শুরু করতে হবে। ধর্ষণ কোনও লিঙ্গের নয়, এটা ক্ষমতার, নিয়ন্ত্রণের, অপমানের অপরাধ। আর সেই অপরাধের মুখ লুকিয়ে রাখা মানে ন্যায়ের দরজা অর্ধেক বন্ধ রাখা। ভারত যদি সত্যিই সমতার কথা বলে, তবে এখনই সময়- ‘ধর্ষণ’ শব্দটার চারপাশ থেকে লিঙ্গের দেওয়াল সরিয়ে দিয়ে তাকে মানবাধিকারের পরিপূর্ণ অর্থে সংজ্ঞায়িত করা।

(লেখক অক্ষরকর্মী। তৃণাবগঞ্জের বাসিন্দা।)

সম্পাদকীয় বিভাগে লেখা পাঠান। ৪০০ শব্দের মধ্যে।
ইউনিকোডে ডক ফাইলে লেখা পাঠান।
মেইল—ubsedit@gmail.com

বিন্দুবিসর্গ




সম্পাদক ও স্বত্বাধিকারী: সব্যাসাচী তালুকদার। স্বত্বাধিকারীর পক্ষে প্রলয়কান্তি চক্রবর্তী কর্তৃক সুহাসচন্দ্র তালুকদার সরণি, সুভাষপল্লি, শিলিগুড়ি-৭৪৪০০১ থেকে প্রকাশিত ও বাড়িডাঙ্গা, জলেশ্বরী-৭৩৫১৩৫ থেকে মুদ্রিত। কলকাতা অফিস: ২৪ হেমন্ত বসু সরণি, কলকাতা-৭০০০০১, মোবাইল: ৯০৭৩২০৪০৪০।

জলপাইগুড়ি অফিস: থানা মোড়-৭৩৫১০১, ফোন: ৯৬৪১২৮৯৬৩৬। কোচবিহার অফিস: সিলতার জুবিলি রোড-৭৩৫১০১, ফোন: ৯৮৮৩৫৫০৮০৫। আলিপুরদুয়ার অফিস: এনবিএসটিসি ডিপোর পাশে, আলিপুরদুয়ার কোর্ট-৭৩৬১২২, ফোন: ৯৮৮৩৫৩৯৮৭৮। মালদা অফিস: বিহানি আবাসন, গ্রাউন্ড ফ্লোর (নেতাজি মোড়ের কাছে), গোলাপতি, বাঁধ রোড, মালদা-৭৩১০০১, ফোন: ৯৮০০৫৮৫৫০১। শিলিগুড়ি ফোন: সম্পাদক ও প্রকাশক: ৯৫৬৪৫৪৬৮৬৮, জেনারেল ম্যানেজার: ২৪৩৫৯০০৮, বিজ্ঞাপন: ২৫২৪৭২২/৯০৬৪৪৯০৯৬, সার্কুলেশন: ৯৭৫৭৮৫৮৭৭, অফিস: ৯৫৬৪৫৪৬৮৬৮, নিউজ: ৭৮৭২৯৩৮৮৮, হোয়াটসঅ্যাপ: ৭৩৫৭৩৬৭৭৭।

Editor & Proprietor: Sabyasachi Talukdar
Uttar Banga Sambad: Published & Printed by Pralay Kanti Chakraborty on behalf of Proprietor from Siliguri, West Bengal, Pin 734001, Printed at Jaleswari, West Bengal, Pin 735135, Regn. No. 35012 and Postal Regn. No. WB/DE/010/2024-26. E-Mail: uttarbanga@hotmail.com, Website: www.uttarbanga.com

নীতীশকে তোপ রাখলের তেলে-জলে মেশে না, কটাক্ষ নমোর

পাটনা, ৩০ অক্টোবর : জমে উঠেছে বিহারের ভোট রাজনীতি। বৃহস্পতিবারও রাজ্যজুড়ে প্রচারে বড় তুলেছেন বিজেপি, জেডিইউ, আরজেডি ও কংগ্রেস নেতারা। এদিন মুজফফরপুর ও ছাপারার ২টি জনসভায় এনডিএ’র জোটের পক্ষে বক্তব্য রাখেন প্রধানমন্ত্রী নরেন্দ্র মোদি। লক্ষ্মী সরাইয়ে সভা করেছেন স্বরাষ্ট্রমন্ত্রী অমিত শা। কংগ্রেস নেতা রাহুল গান্ধি প্রচার করেছেন নালন্দা ও শেখপুরায়। আরজেডি নেতা তেজস্বী যাদব ছিলেন দ্বারভাঙায়। শাসক-বিরোধী দু’তরফই একে অন্যের কড়া সমালোচনা করেছে। রাজনৈতিক আক্রমণ থেকে ব্যক্তিগত কটাক্ষ, বাদ যায়নি কিছুই।



‘আরজেডি ও কংগ্রেসের রাজনীতি চেনা যায় পাঁচটি শব্দে, কাটা, ক্রুরতা, কটুতা, কুশাসন আর দুর্নীতি। যেখানে কাটা থাকে, সেখানে আইন থাকে না।

নরেন্দ্র মোদি

বোঝাতে চেয়েছেন প্রধানমন্ত্রী। মোদি বলেন, ‘আরজেডি ও কংগ্রেসের রাজনীতি চেনা যায় পাঁচটি শব্দে, কাটা (দেশি বন্ধুক), ক্রুরতা, কটুতা, কুশাসন আর দুর্নীতি। যেখানে কাটা থাকে, সেখানে আইন থাকে না।’ তিনি মনে করিয়ে দেন,



আজ ঐক্য দিবস

আহমেদাবাদ, ৩০ অক্টোবর : সদার বন্ধভাই প্যাটেলের ১৫০ তম জন্মবার্ষিকী পালনে দেশজুড়ে নানা কর্মসূচি নিয়েছে কেন্দ্রীয় সরকার। প্যাটেলকে ‘শক্তি, ঐক্য ও অটল দেশপ্রেমের প্রতীক হিসাবে বর্ণনা করে শুক্রবার ঐক্য দিবস উদ্‌যাপিত হবে। মূল অনুষ্ঠানটি গুজরাটের নর্মদা তীরে স্ট্যাটু অফ ইউনিটিতে পালিত হবে। কেন্দ্রের দাবি, প্যাটেলের মতো দৃষ্টিভঙ্গি ও দৃঢ় সঙ্কল্প না থাকলে ভারতের মানচিত্র হয়তো ভিন্ন চেহারা নিত। যে কারণে তাঁর জন্মদিনকে ঐক্য দিবস হিসেবে পালন করা হচ্ছে।

জে-৩৬ নিয়ে উদ্বেগ

বেজিং, ৩০ অক্টোবর : চিন সম্প্রতি তাদের বঠ প্রজন্মের যুদ্ধবিমান ‘জে-৩৬’ বা ‘জ্‌হাই মনস্টার’ প্রকাশ্যে এনে সামরিক বিশ্লে আলোড়ন সৃষ্টি করেছে। প্রতিরক্ষা বিশেষজ্ঞদের মতে, এর অত্যাধুনিক স্টেলথ প্রযুক্তি আমেরিকার এফ-৩৫ যুদ্ধবিমানকেও দশা না হোক, হাফজডন গোল দিতে পারে। ‘টাইলসেস ফ্লাইং উইং’ নকশার এই যুদ্ধবিমানটি রেডার ফাঁকি দিতে বিশেষভাবে সক্ষম। এই নতুন ‘আকাশ দানব’ যুদ্ধবিমানটি চিনের বায়ুসেনার শক্তিকে এক ধাক্কায় অনেক দূর এগিয়ে দিল। অনেকেই প্রশ্ন তুলছেন, তবে কি এফ-৩৫ বিমানের যুগ শেষ।

নারী হেনস্তা

চণ্ডীগড়, ৩০ অক্টোবর : হরিয়ানার মহর্ষি দয়ানন্দ বিশ্ববিদ্যালয়ে শোরগোল পড়ে গিয়েছে। বিশ্ববিদ্যালয়ের পরিষ্কন্নতা বিভাগের মহিলা কর্মীদের অভিযোগ, সম্প্রতি রাজ্যপাল অসীম ঘোষের বিশ্ববিদ্যালয় পরিদর্শনের সময় তিন মহিলাকর্মী ঋতুস্রাবের কারণে ছুটির আবেদন করেছিলেন। ছুটি মঞ্জুর হয়নি। পরিবর্তে সুপারভাইজারা তাদের ঋতুস্রাবের প্রমাণ হিসেবে স্যানিটারি প্যাডের ছবি তুলে পাঠাতে বাধ্য করেন।

তামিলনাড়ু পুলিশকে ডসিয়ার ইডি’র

চেন্নাই, ৩০ অক্টোবর : তামিলনাড়ুতে ‘টাকার বিনিময়ে চাকরি’ কেলেঙ্কারির ঘটনায় এনফোর্সমেন্ট ডিরেক্টরেট (ইডি) রাজ্য পুলিশের কাছে একটি বিশ্লেষণরক ডসিয়ার জমা দিয়েছে। ২৩২ পাতার এই ডসিয়ারে মন্ত্রী কে এন নেহরু, তাঁর ভাই এবং সহযোগীদের বিরুদ্ধে দুর্নীতির অভিযোগ আনা হয়েছে।

ইডি-র দাবি, পুর প্রশাসন ও জল সরবরাহ বিভাগে সহকারী প্রযুক্তিবিদ, জুনিয়ার প্রযুক্তিবিদ এবং পরিদর্শক পদে নিয়োগের জন্য ২৫ লক্ষ থেকে ৩৫ লক্ষ টাকা পর্যন্ত ঘুষ নেওয়া হয়েছে। ডসিয়ারে এই পুরো প্রক্রিয়ার পদ্ধতি (মোডাস অপারেন্ডি) বিশদ ব্যাখ্যা করা হয়েছে। ইডি-র অভিযোগ, মন্ত্রী নেহরু এই সমস্ত কার্যকলাপ সম্পর্কে অবগত ছিলেন। নিয়োগ প্রক্রিয়া প্রভাবিত করতে তাঁর ভাই কে এন মণিভানম, আর রবিন্দ্রনন এবং আরও কয়েকজন ঘনিষ্ঠ সহযোগী জড়িত ছিলেন। ইডি এই কেলেঙ্কারির সঙ্গে জড়িত প্রায় ১৫০ জন প্রার্থীর নিয়োগ প্রক্রিয়া কারচুপির প্রমাণ জমা দিয়েছে।

মন্ত্রী হচ্ছেন আজহার

হায়দরাবাদ, ৩০ অক্টোবর : রাজনীতির কেরিয়ারে নতুন ইনিসেস শুরু করতে চলেছেন মহম্মদ আজহারউদ্দিন। জাতীয় ক্রিকেট দলের প্রাক্তন ক্যাপ্টেন সম্ভ্রত শুক্লাবাই তেলেকদান্নার কনসেপ্ট সরকারের মন্ত্রী হচ্ছেন। সুত্রের খবর, বুধবার আজহারকে রাজ্য মন্ত্রীসভায় শামিল করার বিষয়ে সম্মতি দিয়েছে কংগ্রেস হাইকমান্ড। বৃহস্পতিবার মন্ত্রীসভা সম্প্রসারণের প্রস্তাব রাজ্যপালকে পাঠিয়েছেন মুখ্যমন্ত্রী রেবন্ত রেড্ডি। রাজ্যপালের অনুমতি মেলার পর প্রাক্তন ক্রিকেট তারকার শপথগ্রহণের ব্যবস্থা করা হবে।

কিছুদিনের মধ্যে জুবিলি হিলস বিধানসভা বেঞ্চে উপনির্বাচন। ওই নির্বাচনে আজহার কংগ্রেসের টিকিটে প্রার্থী হবেন বলে জল্পনা চলছে। তার আগে সংখ্যালঘু মুখ আজহারকে মন্ত্রীসভায় নিয়ে আসার সিদ্ধান্ত তাৎপর্যপূর্ণ বলে মনে করা হচ্ছে। গত অগাস্টে তেলেকদান্নার বিধান পরিষদে নির্বাচিত হয়েছিলেন আজহার।

ছক ভোট বানচালের

ঢাকা, ৩০ অক্টোবর : ভারতে থাকা শেখ হাসিনার সাক্ষাৎকার প্রকাশ্যে আসার পরেই নড়েচড়ে বসেছে বাংলাদেশের অন্তর্বর্তী সরকার। বৃহস্পতিবার প্রধান উপদেষ্টা মুহাম্মদ ইউসুফ দাবি করেছেন, বাংলাদেশের আগামী জাতীয় নির্বাচন ভেত্রে দেওয়ার চক্রান্ত করছে বিভিন্ন দেশি-বিদেশি শক্তি। তাঁর কথায়, ‘কোনও ছোট শক্তি নয়, বড় কোনও শক্তি এই বারের নির্বাচন বানচাল করার চেষ্টা করতে পারে। আমরকা আক্রমণ নেমে আসতে পারে। এই নির্বাচন



বেশ কঠিন হতে চলেছে। কিন্তু যতই ঝড়বাপটা আসুক না কেন, আমাদের সেটা পার হতে হবে।’ বুধবার প্রকাশিত সাক্ষাৎকারে ক্ষমতাচ্যুত প্রধানমন্ত্রী শেখ হাসিনা জানিয়েছেন, তাঁর দল আওয়ামী লীগকে নিবাচনে প্রতিদ্বন্দ্বিতা করতে দেওয়া না হলে দলটির লক্ষ লক্ষ কর্মী-সমর্থক ভোট বয়কট করবেন। আওয়ামী লিগের নির্বাচনে যোগ দেওয়া নিয়ে এদিন কোনও মন্তব্য করেননি ইউনুস।

দিল্লি পুলিশের দাবি, ‘অভিযুক্তরা ইচ্ছাকৃতভাবে ডোনাল্ড ট্রাম্পের সরকারের সময় দাঙ্গার পরিকল্পনা করেন, যাতে আন্তর্জাতিক সংবাদমাধ্যমের দৃষ্টি আকর্ষণ করে ভারতের ভারমুক্তি নষ্ট করা যায়। তাম্রুত পাওয়া চাট মেসেজে ইন্টারন্যাশনাল মিডিয়া কভারেজ বাড়ানোর চেষ্টা নিয়ে সরাসরি আলোচনা রয়েছে।’ দিল্লি পুলিশের দাবি, নাগরিকত্ব সংশোধনী আইনকে ‘রাজনৈতিক প্রচারের হাতিয়ার’ হিসেবে ব্যবহার করা হয়েছিল।



বন্ধু কী খবর বল... বৈঠকের আগে ডোনাল্ড ট্রাম্প ও শি জিংপিং। বৃহস্পতিবার দক্ষিণ কোরিয়ার বুসানে।

বিরল খনিজের বিনিময়ে শুষ্ক ছাড়

বুসান, ৩০ অক্টোবর : ২০১৯-এর পর ’২৬। ছয় বছর বাদে ফের শিখর সম্মেলনে মুখোমুখি হলেন ডোনাল্ড ট্রাম্প ও শি জিংপিং। দক্ষিণ কোরিয়ার বুসানে আমেরিকা ও চিনের প্রেসিডেন্টের বৃহস্পতিবারের আলোচনায় বাণিজ্য জট অনেকাংশে কেটেছে বলে দু’তরফেই দাবি করা হয়েছে। আমেরিকায় বিরল খনিজ রপ্তানিতে ছাড়পত্র দিয়েছে চিন। ফেব্রুয়ারি জাতীয় মাদকদ্রব্য নিয়ন্ত্রণে ট্রাম্প সরকারকে সাহায্যের আশ্বাসও দিয়েছে বেজিং। অন্যদিকে চিনা পক্ষও শুষ্কের পরিমাণ ১০ শতাংশ কমিয়েছে আমেরিকা। দ্বিপাক্ষিক বাণিজ্যে ভারসাম্য আনতে নেতৃত্বাধীন মার্কিন প্রতিনিধি দলে ছিলেন ট্রেজারি সচিব স্টেট বেসাট, বিদেশসচিব মার্কি রুবিও, বাণিজ্য সচিব হাওয়ার্ড লুটনিক এবং

শি, ট্রাম্প কেউই। ট্রাম্প বলেন, ‘সব বিষয়ে মতবিনিময় হয়েছে, এটা বলা যাবে না। তবে আমরা অনেক ব্যাপারে একমত হয়েছি।’ আমেরিকা থেকে সয়াবিন আমদানি বাড়ানো নিয়েও চিনের তরফে ইতিবাচক বাতী এসেছে বলে জানিয়েছেন

ট্রাম্প-শি বৈঠক

তিনি। মার্কিন প্রেসিডেন্ট বলেন, ‘চিন আবার আমেরিকার সয়াবিন কিনবে। এটা আমাদের কৃষকের বড় জয়।’ এদিনের বৈঠকে ট্রাম্পের নেতৃত্বাধীন মার্কিন প্রতিনিধি দলে ছিলেন ট্রেজারি সচিব স্টেট বেসাট, বিদেশসচিব মার্কি রুবিও, বাণিজ্য সচিব হাওয়ার্ড লুটনিক এবং

হোয়াইট হাউসের চিফ অফ স্টাফ সুশি উইলসন। শি-র সঙ্গে বৈঠককে সাফল্যের মাপকাঠিতে ১০-এ ১২ দিয়েছেন ট্রাম্প। একইসঙ্গে চিনা পক্ষও শুষ্কের পরিমাণ ৫৭ শতাংশ থেকে কমিয়ে ৪৭ শতাংশ করার কথা জানিয়েছেন তিনি। নেভেম্বরের শুরু থেকে আমেরিকায় চিনা পণ্যের ওপর শুষ্কের পরিমাণ ১০০ শতাংশ করার সিদ্ধান্তও আপাতত স্থগিত থাকবে বলে মার্কিন সরকারি সূত্রে জানানো হয়েছে। যদিও এ ব্যাপারে এদিন আনুষ্ঠানিক ঘোষণা হয়নি। এপ্রিলে চিন সফরে যাওয়ার কথা ট্রাম্পের তারপূর গুয়াশিংটনে আসবেন শি। ওই দুই সফরের আগেই আমেরিকা-চিনের শুষ্কযুদ্ধ ও বাণিজ্যিক টানাগোড়নে থেমে যাবে বলে আশাবাদী ট্রাম্প।

পরমাণু অস্ত্র পরীক্ষার নির্দেশ ট্রাম্পের

ওয়াশিংটন, ৩০ অক্টোবর : দিনকয়েক আগেই রুশ সেনায় যুক্ত হয়েছে পরমাণু যুদ্ধাঙ্কবাহী ক্ষেপণাস্ত্র। এছাড়া পরমাণু শক্তিকালিত টর্পেডো পোসাইডনের পরীক্ষাও সফল হয়েছে বলে দাবি করেছে মস্কো। ইউক্রেন যুদ্ধের মধ্যে ভ্লাদিমির পুতিন বাহিনীর এই শক্তিবৃদ্ধি পশ্চিমী শক্তিশুলির কপালে ভাঁজ ফেলেছে। ভারসাম্য রাখতে এবার মার্কিন যুক্ত দপ্তরকে পরমাণু বোমার পরীক্ষামূলক বিস্ফোরণের নির্দেশ দিলেন প্রেসিডেন্ট ডোনাল্ড ট্রাম্প। একইসঙ্গে পরমাণু যুদ্ধাঙ্কবাহী ক্ষেপণাস্ত্র পরীক্ষার জন্য ছাড়পত্র জারি করেছেন তিনি।

টুথ সোম্যালাে করা পোস্টে মার্কিন প্রেসিডেন্ট লিখেছেন, ‘আমেরিকার কাছে যে কোনও দেশের তুলনায় বেশি পরমাণু অস্ত্র

আছে। রাশিয়া দ্বিতীয় এবং চিন তৃতীয় স্থানে রয়েছে। বিভিন্ন দেশের পরীক্ষামূলক কর্মসূচির কারণে আমি যুক্ত দপ্তরকে পারমাণবিক অস্ত্র পরীক্ষা করার নির্দেশ দিয়েছি। সেই প্রক্রিয়া অবিলম্বে শুরু হবে।’ আত্মপক্ষ সমর্থনে ট্রাম্পের যুক্তি, ‘ভয়ংকর ধ্বংসাত্মক শক্তির কারণে আমি এটি করতে ঘৃণা করতাম, কিন্তু আরও কোনও বিকল্প খুঁজে পেলাম না।’ মার্কিন প্রেসিডেন্টের এভাবে পরমাণু শক্তিপ্রদর্শনের সিদ্ধান্ত তাৎপর্যপূর্ণ বলে মনে করছেন প্রতিরক্ষা বিশেষজ্ঞরা। শুধু রাশিয়া নয়, ট্রাম্পের সিদ্ধান্ত চিনকেও বাতী দিয়েছে। আমেরিকার পরমাণু অস্ত্রপরীক্ষার প্রস্তুতির খবর এমন সময় প্রকাশ্যে এসেছে, যখন দক্ষিণ কোরিয়ায় শি-র সঙ্গে বৈঠক করেছেন ট্রাম্প।

ওয়ার্ক পারমিটে কড়াকড়ি

ওয়াশিংটন, ৩০ অক্টোবর : আমেরিকায় কর্মরত বিদেশিদের সমস্যা আরও বাড়ল। যাদের বড় অংশ তথ্যপ্রযুক্তি ক্ষেত্রে কাজ করা ভারতীয় পেশাদার। বৃহস্পতিবার ইউএস হোমল্যান্ড সিকিউরিটি এক নির্দেশিকায় জানিয়েছে, যেসব বিদেশি কাজের সূত্রে আমেরিকায় রয়েছেন, তাঁদের ওয়ার্ক পারমিট এখন থেকে স্বয়ংক্রিয়ভাবে পুনর্নবীকরণ হবে না। এজন্য তাদের নতুন করে আবেদনপত্র জমা করতে হবে। এই আবেদন সংশ্লিষ্ট বিদেশি কর্মীর বর্তমান ওয়ার্ক পারমিটের মেয়াদ শেষ হওয়ার অন্তত ১৮০ দিন আগে জমা দিতে হবে। এই সময়ের মধ্যে মার্কিন প্রশাসন আবেদনকারীর তথ্য খতিয়ে দেখবে। তাঁর বিরুদ্ধে কোনও অভিযোগ জমা পড়েনি কি না, তাও যাচাই করা হবে। ওয়ার্ক পারমিটের মেয়াদ বাড়ানোর ব্যাপারে সিদ্ধান্ত নেবে হোমল্যান্ড সিকিউরিটি।

সাফাই করতে নেমে মৃত্যু হলে ক্ষতিপূরণ

নয়াদিল্লি, ৩০ অক্টোবর : ম্যানহোলে নেমে সাফাই করতে গিয়ে কোনও কর্মীর মৃত্যু হলে তিন সপ্তাহের মধ্যে তাঁর পরিবারের হাতে ক্ষতিপূরণের টাকা তুলে দিতে হবে। বুধবার সব রাজ্য এবং কেন্দ্রশাসিত অঞ্চলকে এই নির্দেশ দিয়েছে সুপ্রিম কোর্ট। ম্যানহোলে নেমে সাফাই সংক্রান্ত একটি মামলায় বুধবার এই রায় দেয় বিচারপতির অরবিন্দ কুমার এবং বিচারপতি এনবি অঞ্জুরিয়ার ডিভিশন বেঞ্চ।

বর্তমানে শুধুমাত্র বিশেষ পরিস্থিতিতে ম্যানহোলে মানুষ নামিয়ে সাফাই করা যায়। ম্যানহোলে মানুষ নামিয়ে সাফাই করার কাজকে ‘অমানবিক প্রথা’ বলে মনে করে সুপ্রিম কোর্ট। এই প্রথা বন্ধ করতে অতীতে বিভিন্ন পদক্ষেপ করেছে আদালত। ২০২৩ সালের অক্টোবরেও এই সংক্রান্ত একটি নির্দেশ দিয়েছিল সুপ্রিম কোর্ট। পুরোনো নির্দেশে কতটা কার্যকর হয়েছে, তা খতিয়ে দেখার সময়েই বুধবার ক্ষতিপূরণ সংক্রান্ত এই নির্দেশ দেয় শীর্ষ আদালত।

ভর্ৎসনা মাদির উপদেষ্টাকে

নয়াদিল্লি, ৩০ অক্টোবর : বিকশিত ভারত কর্মসূচি রূপায়ণে বাধা নাকি আদালত! প্রধানমন্ত্রী নরেন্দ্র মোদির অর্থনৈতিক উপদেষ্টা পরিষদের সদস্য সঞ্জীব সান্যালের এতেন মন্তব্যের প্রেক্ষিতে তীব্র প্রতিক্রিয়া জানালেন সুপ্রিম কোর্টের প্রাক্তন বিচারপতি অরুণ এস ওকা। তিনি বলেন, ‘প্রত্যেক নাগরিকেরই আদালতের গঠনমূলক সমালোচনা করার অধিকার আছে, তবে প্রমাণ দিতে হবে যে আদালতের আদেশ উন্নয়নকে বাধা দিয়েছে বা সংবিধান লঙ্ঘন করেছে।’

সান্যাল সম্প্রতি দাবি করেন, বিচারব্যবস্থাই ভারতের ‘বিকশিত ভারত’ হওয়ার পথে সবচেয়ে বড় বাধা। ‘ওকার মন্তব্য’, ‘এই শিক্ষিত ব্যক্তি যদি কয়েকটি নির্দিষ্ট আদেশ বা রায়ের উদাহরণ দিতেন, তবে তা গঠনমূলক সমালোচনা হত। সেরকম হলে আমরা স্বাগত জানাতাম বন্ধাকে।’ সুপ্রিম কোর্ট তার অ্যাসোসিয়েশনের সভাপতি বিকাশ সিংও মোদির উপদেষ্টার বক্তব্যকে ‘দায়িত্বজননহীন’ ও ‘অজ্ঞাতপ্রসূত’ বলে মতপ্রকাশ করেন।

উষা খ্রিস্টান!

ওয়াশিংটন, ৩০ অক্টোবর : সত্যি পুণ্যে পাতার পুণ্যে টান পড়েছে কি না জানা যাচ্ছে না। তবে তাঁর ভারতীয় বংশোদ্ভূত স্ত্রী উষা খুব শিগগিরই হিন্দু ধর্ম ছেড়ে খ্রিস্ট ধর্ম গ্রহণ করতে পারবেন বলে জল্পনা-বিতর্ক উসকে দিলেন মার্কিন ভাইস প্রেসিডেন্ট জেডি ভান্স। ইউনিভার্সিটি অফ মিসিসিপিতে একটি অনুষ্ঠানে তিনি বলেন, ‘আমি আন্তরিকভাবে চাই যে উষা খ্রিস্টান হন।’ ভান্স স্বীকার করেন, উষা



হিন্দু পরিবারে বেড়ে উঠলেও কোনওদিনই ‘ধর্মপ্রাণ’ ছিলেন না। উদার ধর্মীয় পরিবেশে বেড়ে ওঠার সুবাদে তিনি বারবার সব ধর্ম সম্পর্কেই প্রাচীণ ছিলেন, এখনও আছেন। মার্কিন ভাইস প্রেসিডেন্টের কথায়, ‘উষার নিজের স্বাধীন ইচ্ছা আছে এবং তিনি ধর্মান্তরিত না হলে কোনও সমস্যা নেই।’ যদিও তাঁরা তাঁদের তিন সন্তানকে খ্রিস্টান ধর্মেই মানুষ করছেন। অন্যদিকে উষার বক্তব্য, ধর্মান্তরিত হওয়ার কোনও ইচ্ছা তাঁর নেই। তাঁদের আত্মবীজ্য পরিবারে সন্তানদের ধর্ম বেছে নেওয়ার স্বাধীনতা দেওয়া হয়েছে। সেই ভাবধারাই বজায় রাখা হবে।

গন্ধ শুল্কে শিল্প অনুভব ডুসেলডর্ফে

ডুসেলডর্ফ, ৩০ অক্টোবর : কমলালেবুর শব্দ নাকি শুনতে পেয়েছিলেন জীবনানন্দ দাশ। সুকুমার রায় শুনিয়েছিলেন এক সীতানাম বন্দ্যোের কথা, যিনি কিনা আবার টকটক গন্ধ পেয়েছিলেন আকাশের গায়ে।

কিন্তু ক’জন সেসব পায়! ক’জন জানে প্রেম কিংবা প্রতিহিংসার গন্ধ কেমন। অথবা কেমন গন্ধ ছড়ায় মধ্যযুগের পারিস, জারের রাজপ্রাসাদ। আমরা না জানলেও জানেন মহৎ কবি, শিল্পীরা। সেই অজানা, অদ্ভুতুড়ে গন্ধরা আর নিছক কবি-কল্পনা হলে থাকল না। এবার তাদের হৃদিস মিলল জার্মানির ডুসেলডর্ফ শহরের এক শিল্প প্রদর্শনীতে। যেখানে শুধু চোখ নয়, শিল্পকে অনুভব করতে হবে নাক দিয়ে।

‘দ্য সিক্রেট পাওয়ার অফ সেন্টস’ শীর্ষক ওই প্রদর্শনীর মোদা বক্তব্য, ‘ং-তুলিতে আঁকা ছবি নয়, গন্ধই শিল্পের আদি ভাষা, ইতিহাসের সাক্ষী, সময়ের অনুভব।’

কুন্সটগ্যালারিস্ট জাদুঘরের ওই প্রদর্শনীতে এক হাজার বছরেরও বেশি সময়ের সাংস্কৃতিক বারো তুলে ধরা হয়েছে ৩৭টি গ্যালারিতে সাজানো ৮১ রকম গন্ধের মাধ্যমে।

দ্য সিক্রেট পাওয়ার অফ সেন্টস



মিউজিয়ামের প্রধান ফেলিক্স ক্র্যামার বলেন, ‘এটা শুধু প্রশংসনীয় নয়, এক পরীক্ষামূলক আমন্ত্রণ—নাকে অনুভব করার ইতিহাস।’ ধর্মীয় নির্দেশন থেকে শুরু করে একশ শতকের আধুনিক শিল্পকলা পর্যন্ত সাক্ষ্যে এই স্বাগতমন্ত্র দর্শকদের নিয়ে যায় যুগ থেকে যুগান্তরে। গন্ধ শুল্কে শুল্কে সময়ের পিছু ধাওয়া করার মতো। এক গ্যালারিতে ছড়িয়ে আছে মিরের গন্ধ, যা খ্রিস্টান, ইহুদি ও ইসলাম ধর্মে পবিত্রতার প্রতীক। অন্য ঘরে রয়েছে গানপাউডরের গৌর, রক্ত আর সালফারের মিশ্র গন্ধ—যুদ্ধের নির্মমতা বোঝাতে।

প্রদর্শনীর কিউরেটর রবার্ট মুলার-গ্রিনাও-য়ের কথায়, ‘বিশি যুদ্ধের বাস্তব গন্ধ একবার পাবেন, তিনি চিরকাল যুগ্ম করবেন যুদ্ধ ও রক্তপাতকে।’ তাঁর আরও বক্তব্য, এটা বিশ্বের প্রথম এমন প্রদর্শনী যেখানে গন্ধকে এই মাপে ও গভীরতায় শিল্পের সঙ্গে মিশিয়ে দেয়া হয়েছে। গন্ধ—যা চোখে দেখা যায় না, কিন্তু মনে আঁচড় কাটে সবচেয়ে গভীরে—সেই আদ্য শক্তিকেই শিল্পের নতুন ভাষায় ধরেছে এই প্রদর্শনী।



অমিতকুমার গোস্বামী
অ্যাসিস্ট্যান্ট কমিশনার অফ
রেভিনিউ অ্যান্ড অ্যাডমিনিস্ট্রেশনাল
ডিস্ট্রিক্ট সাব-রেজিস্ট্রার
ডব্লিউবিএসএস (জিএস-এ)

যদি তোমাদের সিভিল সার্ভিসের প্রস্তুতি ভালোমতো নেওয়া থাকে, তাহলে কিন্তু পশ্চিমবঙ্গ সরকারের আরও একাধিক দপ্তরের পরীক্ষা নিয়ে চিন্তা কমে যায়। সাহায্য মিলতে পারে কেন্দ্রীয় সরকারের কন্সাইন্ড হায়ার সেকেন্ডারি লেভেল ও এমটিএস পরীক্ষায়। কিন্তু এই পদ্ধতি ব্যাংকিং অথবা কন্সাইন্ড গ্র্যাজুয়েট লেভেলের ক্ষেত্রে খাটবে না। পরিশ্রম আর স্বপ্নের প্রতি দায়বদ্ধতাই সাফল্যের মূল চাবিকাঠি। সেজন্য পরিশ্রম করতে হবে নিজেকে। যাত্রাপথে বাধা আসা, অজ্ঞের জন্য সাফল্য হাতছাড়া হওয়া ইত্যাদি ঘটতে পারে, হার মাললে চলবে না।

পরিশেষে এইটুকু বলি, তোমার প্রস্তুতি দাঁড়িয়ে রয়েছে কেবলমাত্র নতুন তথ্য আহরণের ওপর নয়, বরং পুরোনো তথ্যগুলোকে নিয়মিতভাবে যত বেশি রিভিশন করতে পারবে, তত বেশি তোমাদের প্রিপারেশন ভালো হবে। নিয়মিত রিভিশন, অনুশীলন ছাড়া এতগুলো তথ্য একসঙ্গে মনে রেখে পরীক্ষার হলে যাওয়া সম্ভব নয়।

এই প্রস্তুতিকে যদি মাছ ধরার জালের সঙ্গে তুলনা করি, তাহলে তুমি সেই জাল জলে যতদূর ছড়িয়ে দাও না কেন, দিনশেষে জালের নিয়ন্ত্রণ তোমার হাতেই থাকবে। তুমি সময় ও পরিস্থিতি অনুযায়ী জালটিকে ধীরে ধীরে গুটিয়ে আনবে, আবার ছড়াতেও পারবে।

এই পুরো প্রক্রিয়া চলাকালীন মকটেস্ট দিয়ে যাও। তাতে বুঝতে পারবে তুমি ঠিক কোথায় দাঁড়িয়ে আছ এবং কোথায় আরও কতটা উন্নতি দরকার। বেস্ট অফ লাক!!

পরিবেশবিদ্যা

এই পৃথিবী, আমাদের দেশ, বাড়ির আশপাশে যা কিছু সবুজ, যা কিছু প্রাকৃতিক- সবই পরিবেশের অংশ। তাকে রক্ষা করা প্রশাসকদের দায়িত্ব, কর্তব্যও। অতীতে দেশ-বিদেশে বহু সম্মেলন হয়েছে, আইন তৈরি হয়েছে, পরিবেশ রক্ষায় আন্দোলন হয়েছে বিশ্বজুড়ে। এখনও হচ্ছে। সেসব জানতে হবে একজন নিয়োগপ্রার্থীকে।

পরিবেশবিদ্যা ভৌতবিজ্ঞান, অর্থনীতি, মানববিদ্যা এবং সামাজিক বিজ্ঞানের নীতিগুলিকে একত্রিত করে। প্রাকৃতিক, মানবসৃষ্ট পরিবেশ ও তার পারস্পরিক সম্পর্ক নিয়ে আলোচনা করে।

এই সম্পর্কে ওয়াকিবহাল থাকলে একজন অ্যাডমিনিস্ট্রেটর প্রাকৃতিক দুর্যোগ মোকাবিলায় সঠিক পদক্ষেপ করতে পারে। তুমি যোগ্য কি না, সেটাই যাচাই করা হয় পরীক্ষার মাধ্যমে।

Important Topics :
জীববৈচিত্র্য এবং উপকূলীয় নিয়ন্ত্রণ অঞ্চল (Biodiversity and Coastal Regulation Zones), বিশ্ব উষ্ণায়ন (Global Warming), শিল্প ও পরিবেশ দূষণ (Industrial and Environmental Pollution), ওজোন স্তর (Ozone Layer), প্রাকৃতিক দুর্যোগ এবং তাদের প্রশমন (Natural Hazards and Mitigation) ও পরিবেশ দূষণ (ভূমি, জল, বায়ু, শব্দ)।

সাধারণ জ্ঞান

গুরুত্বপূর্ণ তারিখ, বিখ্যাত বই ও তার লেখক, বিখ্যাত সিনেমা এবং তার পরিচালক, বিভিন্ন পুরস্কার (সমস্ত ক্ষেত্রে), আমাদের দেশ তথা রাজ্যের লোকশিল্প, এদের উত্থানের কাহিনী ও সাম্প্রতিক অবস্থা ইত্যাদি বিভিন্ন বিষয়ে পড়তে হবে। বলতে দিবা নেই, এখানে মুখস্থবিদ্যাই বেশি কাজে লাগে।



অঙ্ক ও রিজনিং

সিভিল সার্ভিস পরীক্ষায় অঙ্ক ও রিজনিংয়ের সিলেবাসে মাধ্যমিক স্তরের পাটিগণিত, বীজগণিত, জ্যামিতি, ত্রিকোণমিতি, পরিমিতি-সবকিছুই রয়েছে। যদি সপ্তাহে অন্তত ৪-৫ দিন অঙ্ক প্র্যাকটিস করা যায়, তাহলে পরীক্ষায় ভুল হওয়ার সম্ভাবনা অনেকটা কমে আসে।

এ প্রসঙ্গে একটা কথা বলে রাখি, অঙ্কের জন্য তোমরা একটা ফাইনাল খাতা তৈরি করবে। যেখানে প্রতিটি চ্যাপ্টার থেকে যতরকমের অঙ্ক হওয়া সম্ভব, তাদের একটা করে উদাহরণ দেওয়া থাকবে। যেন রিভিশনের সময় কোনও কারণে আটকে গেলে, খাতাটি দেখে খালিয়ে নেওয়া যায়। রিজনিংয়ের ক্ষেত্রেও একই কথা প্রযোজ্য।

বর্তমান সিলেবাস অনুযায়ী ডব্লিউবিএসএস মেনসে অবজেক্টিভ প্যাটার্নের পেপারে ২০০ নম্বর থাকে। এখানে তুমি যত বেশি নম্বর পাবে, ততটাই তোমার দৌড়ে এগিয়ে থাকার সম্ভাবনা বৃদ্ধি পাবে।

অঙ্ক ও রিজনিংয়ে ভালো ফল করতে চাইলে অনুশীলন বা প্র্যাকটিসই মূল অস্ত্র। সিভিল সার্ভিস, সিজিএল, সিএইচএসএল, এমটিএস, ব্যাংক, ইনসুরেন্স সহ সমস্ত পরীক্ষার বিগত বছরের প্রশ্নপত্র সময় ধরে ধরে প্র্যাকটিস চালিয়ে যেতে হবে।



বাংলা ও ইংরেজি

যেহেতু আমরা পশ্চিমবঙ্গের সিভিল সার্ভিস পরীক্ষা নিয়ে আলোচনা করছি, তাই এখানকার মাতৃভাষার ওপর আমাদের একটি পেপারে উত্তর লিখতে হবে। মিসলেনিয়াস সার্ভিস এবং ক্লার্কশিপ মেনসেও প্রায় তাই। শুধু বাংলা (মাতৃভাষা) নয়, ইংরেজিতেও একই নম্বরের একটি ডেস্ক্রিপটিভ পেপার রয়েছে মেইনস পরীক্ষায়। এই ল্যান্ডমার্ক পেপার দুটোতে ভালো ফল পরীক্ষায় মোট নম্বরে এগিয়ে যেতে তোমাকে সাহায্য করবে।

এর জন্য বিভিন্ন পত্রপত্রিকার সম্পাদকীয় খুঁটিয়ে পড়া, সাম্প্রতিক ইস্যুতে নিজের মতামত তৈরি করা জরুরি। আবারও বলছি, পরীক্ষার প্রস্তুতির স্বার্থে একজন পরীক্ষার্থীর ক্যারেন্ট অ্যাফেয়ার্সের বেস শব্দপোক্ত হতেই হবে। সম্পাদকীয় বা কোনও রিপোর্টিং অঙ্কের মতো পড়লে চলবে না। নিজেকে ভাবতে হবে আদৌ লেখকের সঙ্গে তুমি সহমত হতে পারছ কি না। যদি হও তবে আর কথা নেই, কিন্তু হতে পারে একই বিষয়ে তোমার আলাদা নিরপেক্ষ দৃষ্টিভঙ্গি রয়েছে। সেটা কী এবং কেন, তা স্পষ্ট করে নিজে সেই বিষয়ে আলাদা প্রবন্ধ লেখো। তারপর কোনও অভিজ্ঞকে দেখাও। এভাবেই লেখার হাত তৈরি হয়, আত্মবিশ্বাস বাড়ে।

বিভিন্ন সমস্যা নিয়ে সরকারি বা বেসরকারি কর্তৃপক্ষের কাছে চিঠি লেখা, precis অথবা translation, কথাপোকথন লেখা, প্রবন্ধ লেখা এবং কম্পোজিশন ভালোভাবে প্র্যাকটিস করতে হবে।

আর একটা দিক, ভালো বাংলা ও ইংরেজি লিখতে হলে বাংলা, ইংরেজির সাধারণ ব্যাকরণ এবং ভোকাবুলারী শক্তিশালী হওয়া উচিত। এই দুটি বিষয়েই উন্নতি করতে আমাদের সবচেয়ে বেশি সাহায্য করবে দৈনন্দিন খবরের কাগজ। হাতের কাছে ভালোমানের ডিকশনারি রাখতে পারো। তাছাড়া অবশ্যই বই পড়ার অভ্যাস থাকলে তো সোনার সোহাগ।



বিজ্ঞান ও প্রযুক্তি

সায়েন্স অ্যান্ড টেকনলজি নিয়ে আলোচনার শুরুতেই একটা নিখ নিয়ে কথা বলব। অনেকের মধ্যেই এরকম ধারণা আছে, বিজ্ঞানের ছাত্র হলেই সিভিল সার্ভিস সহ বিভিন্ন নিয়োগ পরীক্ষায় সহজে পাশ করা যায়। আর যে কর্মসূচি বা আর্টসের ছাত্র, তার পক্ষে পাশ করা কঠিন। এই ধারণা ভ্রান্ত। কারণ, পরীক্ষার সিলেবাসে বিজ্ঞানের প্রায় সমান (সিভিল সার্ভিসে বেশি) গুরুত্ব দেওয়া হচ্ছে হিউম্যানিটিসে। দুই, বিজ্ঞান বিভাগের যে অংশ পরীক্ষার সিলেবাসে থাকে, সবটাই কিন্তু মাধ্যমিক স্তরের। অর্থাৎ যতটা বিজ্ঞান প্রয়োজনীয়, সেটা কিন্তু সবাই পড়েই পরীক্ষা দিতে এসেছে। তাই অথবা ভুল পাওয়ার কোনও কারণ নেই যে, বিজ্ঞান বিভাগে যেহেতু আমি পড়াশোনা করিনি বা স্নাতক বা ইঞ্জিনিয়ারিংয়ে ডিগ্রি নেই, তাই আমার পাশ করবার সম্ভাবনা কম। তবে এটাও ঠিক, দুর্বলতা কাটিয়ে উঠতে হবে। বিজ্ঞানে যে যে ক্ষেত্রে সমস্যা রয়েছে, তা চিহ্নিত করে সমাধানের পথ খুঁজতে হবে। অন্য বিষয়ের মতো বিজ্ঞানের বিষয়গুলোর ওপরও তোমাদের সমানভাবে জোর দিতে হবে।

এনসিআইআরটি'র সিলেবাসের মাধ্যমিক পর্যন্ত বিজ্ঞানের সবক'টি বই তোমরা ভালো করে পড়ে নিজদের ফেয়ার খাতা তৈরি করতে পারো। তারপর নিয়মিত সেসব রিভিশন করো। আমাদের দৈনন্দিন জীবনযাপনে বিজ্ঞানের ব্যবহার সম্পর্কে ওয়াকিবহাল থাকতে হবে। বেশিরভাগ সরকারি অফিসেই কম্পিউটারনির্ভর কাজকর্ম হয়। বেশিরভাগ সরকারি প্রকল্পে বিজ্ঞাননির্ভর উন্নয়ন প্রচার এবং প্রসার ঘটানো হয়। বিজ্ঞানের সিলেবাসের মধ্যে ফিজিক্স, কেমিস্ট্রি, বিশেষ করে বায়োলজি এবং আরও গুরুত্বপূর্ণভাবে কম্পিউটার সায়েন্স সম্পর্কে মৌলিক জ্ঞান থাকতেই হবে।

খবরের কাগজ ও ক্যারেন্ট অ্যাফেয়ার্স

তোমাদের মধ্যে অনেকেই দৈনন্দিন খবরের কাগজ পড়ে। আবার অনেকে মাস ফুরোলে কোনও একটি পত্রিকা কিনে ক্যারেন্ট অ্যাফেয়ার্স মুখস্থ করে। যারা রোজ অন্তত দুই থেকে তিনটি খবরের কাগজ (তথ্যনির্ভর ও বিশ্বাসযোগ্য) পড়ছে, তাদের সমস্যা নেই।

কিন্তু যারা পড়ছে না, তাদের জন্য কয়েকটা কথা বলা দরকার। খবরের কাগজ একদিকে যেমন ক্যারেন্ট অ্যাফেয়ার্স বা সাম্প্রতিক ঘটনা সম্পর্কে তথ্য দেয়, অন্যদিকে তোমাদের ভোকাবুলারী শক্তিশালী করে। প্রবন্ধ লেখার জন্য বিভিন্ন বিষয় সম্পর্কে ধারণা তৈরি করে।

এর পাশাপাশি রাজ্য, জাতীয় ও আন্তর্জাতিক স্তরের ঘটনাবলি সম্পর্কে অবহিত করবে। যে কোনও পরীক্ষার পার্সোনালিটি টেস্ট বা ইন্টারভিউয়ের প্রস্তুতির জন্য চারপাশে ঘটে চলা বিষয় সম্পর্কে জানা অত্যন্ত প্রয়োজনীয়।

তাই শুধুমাত্র মাসিক পত্রিকার ওপর নির্ভর না করে নিয়মিত খবরের কাগজ পড়ার অভ্যাস তৈরি করতে হবে।

এবার আসি বেছে পড়ার জায়গায়। খবরের কাগজগুলো কলেবরে অনেকটাই বড় হয়। সব কি পড়া দরকার? না তা নয়। প্রথমেই মনে রাখতে হবে, আমরা যে পরীক্ষার প্রস্তুতি নিচ্ছি, তার জন্য আমাদের অনেক তথ্য দরকার। সুতরাং খবরের কাগজ থেকে এই গুরুত্বপূর্ণ তথ্য আমাদের নিয়মিত খাতায় টুকে রাখতে হবে এবং পর্যায়ক্রমে রিভিশন করতে হবে। যেমন ধরো কেন্দ্র অথবা রাজ্য সরকারের বিভিন্নরকম পদক্ষেপ, ক্ষিঁম, ডেভেলপমেন্ট প্রোজেক্ট, ভারতীয় ব্যাংকিং সিস্টেমে পরিবর্তন অথবা নিয়ম, সূত্রিম কোর্ট তৎসহ সমস্ত হাইকোর্টের গুরুত্বপূর্ণ জাজমেন্ট, খেলা, সিনেমা ইত্যাদি থেকে গুরুত্বপূর্ণ তথ্য এবং খবরের কাগজে নিয়মিত প্রকাশিত প্রবন্ধগুলো তোমাদের পড়তে হবে। তাহলে আমাদের পড়াশোনা শুধুমাত্র পাঠ্যবইয়ের ওপর নির্ভরশীল হয়ে থাকবে না।



পরীক্ষা পদ্ধতিতে বদল জরুরি



শুভম ঘোষ
প্রধান শিক্ষক, ময়নাগুড়ি রোড
হাইস্কুল, জলপাইগুড়ি

উচ্চমাধ্যমিক শিক্ষা সংসদের তরফে ওএমআর শিট ব্যবহারের সিদ্ধান্ত নেওয়া হয়েছে। সংসদের সভাপতি চিত্রঞ্জিব ভট্টাচার্যের দাবি ছিল, 'সময়ের সঙ্গে তাল মেলাতে পাঠ্যক্রম পরিবর্তনের পাশাপাশি পরীক্ষা ব্যবস্থাতেও বদল আনা প্রয়োজন।' তাঁর পরামর্শ, 'স্কুল স্তর থেকেই সর্বভারতীয় স্তরের পরীক্ষা পদ্ধতির সঙ্গে পরিচয় করাতে হবে পড়ায়াদের। তবেই তারা পরবর্তীতে চাকরির পরীক্ষা বা প্রবেশিকার জন্য নিজজন্দের সহজে প্রস্তুত করতে পারবে।'

সভাপতির কথার সূত্র ধরেই শিক্ষামহলের একটা বড় অংশ মধ্যশিক্ষা পর্যদের অধীনস্থ স্কুলগুলোতে পঞ্চম থেকে দশম শ্রেণির জন্য ওএমআর ও সিবিটি পদ্ধতিতে পরীক্ষা চালুর দাবি জানিয়েছে। ওএমআর শিট এক বিশেষ ধরনের উত্তরপত্র। সরকারি চাকরিতে নিয়োগ পরীক্ষা কিংবা সর্বভারতীয় প্রবেশিকার ক্ষেত্রে এই উত্তরপত্র ব্যবহার করা হয়। বর্তমান শিক্ষা ব্যবস্থায় মূল্যায়ন পদ্ধতির পরিবর্তনের প্রয়োজনীয়তাকে অস্বীকার করা যায় না। আগে উত্তরপত্র দীর্ঘসময় ধরে মূল্যায়ন করতে হত, এখন প্রযুক্তির কল্যাণে সেই কাজটি দ্রুত এবং সহজে হচ্ছে।

OMR ও CBT কী?

OMR (Optical Mark Recognition) : এই পদ্ধতিতে পরীক্ষার্থীরা প্রশ্নের সঠিক উত্তর একটি বিশেষ শিটে কালো বা নীল বল পেন/পেন্সিল দিয়ে গোলাকার বৃত্ত পূরণ করে দেন। ওএমআর স্ক্যানার মেশিনের মাধ্যমে উত্তর মূল্যায়ন করা হয় এক্ষেত্রে।

CBT (Computer Based Test) : এখানে প্রশ্নপত্র ও উত্তর দেওয়ার প্রক্রিয়া সম্পূর্ণ ডিজিটাল। কম্পিউটার স্ক্রিনে একটির পর একটি প্রশ্ন আসে এবং মাউস/কি বোর্ড ব্যবহার

করে পরীক্ষার্থীরা উত্তর বেছে নেয়।

অভ্যেস জরুরি কেন?

পড়ুয়ারা স্কুল স্তর থেকেই বিভিন্ন স্কলারশিপের জন্য পরীক্ষার প্রস্তুতি নেয়। যেমন- NMMSE, NTSE, OLYMPIAD, JBNSTS ইত্যাদি। এই সমস্ত ক্ষেত্রে ওএমআরভিত্তিক পরীক্ষা হয়। সিবিএসই ও আইসিএসই বোর্ড নবম, দশম শ্রেণির বেশ কিছু পরীক্ষায় একই পদ্ধতি চালু করেছে। এনটিএ (National Testing Agency) প্রায় সমস্ত পরীক্ষায় সিবিটি বা ওএমআর পদ্ধতি ব্যবহার করছে।

ভবিষ্যতের জন্য

নিট, জেইই, এসএসসি, ইউপিএসসি ও ডব্লিউবিএসএসি ইত্যাদি সংস্থা প্রতিযোগিতামূলক পরীক্ষা ওএমআর বা সিবিটি পদ্ধতিতে নেয়। তাই ছোটবেলা থেকে অভ্যেস তৈরি হলে অজানাকে নিয়ে আশঙ্কা কমবে। বারবার এ ধরনের পরীক্ষায় অংশ নিলে ভয় কেটে গিয়ে আত্মবিশ্বাস বাড়বে।

সময় ব্যবস্থাপনা ও নির্ভুলতা

নির্দিষ্ট সময়ের মধ্যে প্রতিটি প্রশ্ন পড়ে ঠাণ্ডা মাথায় সঠিক উত্তর বেছে নেওয়া, সঠিক পদ্ধতিতে গোলাকার বৃত্ত ভরাট করা বা সঠিক বিকল্প (অপশন) বেছে নেওয়ার অভ্যাস তৈরি হবে।

ডিজিটাল সাক্ষরতা

সিবিটি পদ্ধতিতে পরীক্ষায় অংশ নিলে পড়ুয়ারা প্রযুক্তির সঙ্গে পরিচিত হবে। কম্পিউটার স্ক্রিনে কীভাবে একের পর এক প্রশ্নগুলো আসছে, কীভাবে তার উত্তর দিতে হবে ইত্যাদি সম্পর্কে ধারণা তৈরি হবে। এজন্য সারাবছর স্কুলে অনুশীলন করানো উচিত। এতে কম্পিউটার

ব্যবহারে সড়োগড়ে হওয়ার সুযোগ পাবে ছেলেমেয়েরা।

দ্রুত ফলাফল

OMR ও CBT পদ্ধতিতে পরীক্ষার ফল দ্রুত প্রকাশ করা সম্ভব। এতে শিক্ষার্থীরা তাড়াতাড়ি নিজদের দুর্বলতা শনাক্ত করে তা শুধরে নিতে পারবে।

পক্ষপাতহীন মূল্যায়ন

ম্যানুয়াল (হাতেকলমে) পদ্ধতিতে পরীক্ষাপত্র যাচাইয়ে ভুল হতে পারে। বেশ কিছু ক্ষেত্রে পক্ষপাতের অভিযোগ ওঠে। যন্ত্রভিত্তিক



মূল্যায়নে সেসবের সম্ভাবনা কম।

মুদ্রার উলটোদিক

শিক্ষাবিদদের মতে, ওএমআর বা সিবিটি নির্ভর হতে গিয়ে যেন পড়ুয়াদের ভাবনাশক্তিকে দুর্বল করে দেওয়া না হয়। এই পদ্ধতিতে প্রস্তুতি নেওয়ার সময় পড়ুয়াদের মধ্যে কিছু বদভ্যাস তৈরি হতে পারে, সেদিকে অভিভাবক ও শিক্ষকদের খেয়াল রাখা দরকার।

কী কী বিষয়ে সতর্ক থাকতে হবে? এক, শুধুমাত্র ছোট প্রশ্নের ওপর মনোযোগ দিতে গিয়ে একটি বিষয়ের প্রতিটি অধ্যায়ের ওপর

বৃহত্তর প্রশ্নপটে ধারণা তৈরি হয় না। যতটুকু ধারণা তৈরি হচ্ছে, তা অনেকটা যেন 'ধর তত্তা মার পেরেক' গোছের।

দুই, স্কুল স্তরে অনেকের মধ্যেই একাগ্রতার খামতি থাকে। পড়ুয়ারা কিছুটা অস্থিরমতির হয়। ওএমআর বা সিবিটি পদ্ধতিতে পরীক্ষা দেওয়ার সময় ভুল হওয়ার সম্ভাবনা বেশি থাকে। এখানে খামতি মোটামোড় সুযোগও কম। তুলনামূলকভাবে লিখিত পরীক্ষার প্রস্তুতি কিশোরমনে একাগ্রতা আনতে সাহায্য করে।

তিন, বিচ্ছিন্নের অভাবে অন্ধকারে ঢিল। লিখিত পরীক্ষায় পড়ুয়ারা প্রশ্নের বিকল্প পায় বেশিরভাগ ক্ষেত্রে। একাধিক প্রশ্নের মধ্যে যেটা সম্পর্কে সবচেয়ে ভালো জানা, সেটা লিখতে পারে। ওএমআর বা সিবিটিতে সেই সুযোগ নেই।

চার, এটা সবথেকে গুরুত্বপূর্ণ। নিজের ভাবনাচিন্তা, বাক্যগঠনের ক্ষমতাকে কাজে লাগিয়ে প্রশ্নের (বিশেষ করে বিশ্লেষণাত্মক ও রচনামূলক) উত্তর লেখার অভ্যেস তৈরির সবথেকে বড় সুযোগ পড়ুয়ারা পায় স্কুল স্তরে। লেখালেখিতে হাত পাকানো, মৌলিকত্ব ও সৃজনশীলতা প্রকাশের ক্ষেত্রে ওএমআর, সিবিটি কিন্তু অন্তরায় হয়ে দাঁড়িতে পারে।

পাঁচ, গণিত-বিজ্ঞান বা বিজ্ঞাননির্ভর বিষয়গুলোর ক্ষেত্রে ওএমআর, সিবিটি পদ্ধতিতে পরীক্ষা কখনোই মান যাচাইয়ের মানদণ্ড হতে পারে না বলে বহু শিক্ষকের দাবি।

উপসংহারে বলি, আমাদের মতে ভারসাম্য বজায় রেখে চলাই সেরা পন্থা। মূল্যায়ন পুরোপুরি সিবিটি বা ওএমআর কিংবা লিখিত পদ্ধতিতে হওয়ার চাইতে দুটো মিলিতভাবে করা যেতে পারে। এতে যেমন পঞ্চম শ্রেণি থেকেই পড়ুয়ারা ভবিষ্যতের জন্য তৈরি হবে। তাদের জড়তা কাটবে, প্রযুক্তির সঙ্গে মানিয়ে নিতে পারবে। তেমন ভাবনাশক্তিকে শান দিতে পারবে ওরা।

দেওয়ালের কান থাকুক বা না থাকুক

আমাদের আছে



খবরের ভেতরের খবর

তুলে আনি আমরাই



uttarbangasangbad.com

উত্তরবঙ্গের আবার আত্মীয়

উত্তরবঙ্গ সংবাদ



কোচবিহারের উমেশানন্দ প্রাথমিক বিদ্যালয়ের প্রথম শ্রেণির ছাত্র অভিরূপ দে। আবৃত্তিতে পুরস্কার রয়েছে এই খুঁদের। যোগাসন করতে এবং ছবি আঁকতে সে ভালোবাসে।



উত্তরবঙ্গ সংবাদ
৩১ অক্টোবর ২০২৫



শংসাপত্র পেতে হয়রানি, অবরোধ

প্রসেনজিৎ সাহা

দিনহাটা, ৩০ অক্টোবর : কেউ পড়াশোনা করছেন, কেউ হন্যে হয়ে চাকরির খোঁজ করছেন। শংসাপত্র থাকটা এঁদের অফিসিয়াল কাজে বাধ্যতামূলক। কিন্তু, শংসাপত্র রিভ্যালিডেশনের জন্য এক মাস-দুই মাস থেকে ঘুরেও তাঁরা কাজ করতে পারছেন না। বৃহস্পতিবার শংসাপত্র রিভ্যালিডেশন করতে ফের একই পরিস্থিতিতে পড়ে ফোটে ফেটে পড়েন মহকুমার বিভিন্ন প্রান্তের ছাত্রছাত্রী, চাকরিপ্রার্থীরা। অবিলম্বে পরিষেবার দাবিতে দিনহাটা-কোচবিহার রাজ্য সড়ক অবরোধ করেন তাঁরা। রাস্তাতেই শংসাপত্রের কাগজ নিয়ে বসে পড়েন। রিভ্যালিডেশন করে দ্রুত শংসাপত্র প্রদানের দাবি তোলেন। সেই অবরোধের জেরে দিনহাটা-কোচবিহারে যান চলাচল পুরোপুরি স্তব্ধ হয়ে যায়। ঘটনার খবর পেয়ে পৌঁছায় দিনহাটা থানার পুলিশ। এদিন অবরোধকারী ছাত্রছাত্রী ও চাকরিপ্রার্থীদের আশ্বাস দিলে অবরোধ উঠে যায়। এরপর অবরোধকারীরা গিয়ে দিনহাটা মহকুমা শাসকের প্রশাসনিক ভবনের বাইরে জমায়েত হয়ে বিক্ষোভ দেখাতে শুরু করেন।

যদিও মহকুমা শাসকের করণ সূত্রে খবর, গত কয়েকমাস থেকে দিনহাটায় স্থায়ী মহকুমা শাসক না থাকার পাশাপাশি যে আধিকারিক ওই শংসাপত্রের দায়িত্বে ছিলেন তিনি স্থানান্তরিত হয়েছেন। সেকারণে এই সমস্যা চলছে।

এদিন সীমান্তবর্তী গ্রাম গিতালদহ থেকে এসেছিলেন মুরশিদ আলম। তাঁর কথায়, 'দেড় মাস থেকে ওবিসি শংসাপত্র রিভ্যালিডেশনের জন্য ঘুরছি। কিন্তু, কাগজ নিয়ে তাঁরা জমিয়ে রাখছেন। কাজের কাজ কিছু হচ্ছে না। এর ফলে দিনের পর দিন ঘুরে যেতে বাধ্য হচ্ছি আমরা।



দিনহাটা-কোচবিহার রাজ্য সড়কে অবরোধ তুলতে পুলিশ। বৃহস্পতিবার।

দেড় মাস থেকে ওবিসি শংসাপত্র রিভ্যালিডেশনের জন্য ঘুরছি। কিন্তু, কাগজ নিয়ে তাঁরা জমিয়ে রাখছেন। কাজের কাজ কিছু হচ্ছে না। এর ফলে দিনের পর দিন ঘুরে যেতে বাধ্য হচ্ছি আমরা। অথচ সামনে চাকরির নানা পরীক্ষা, সেখানে শংসাপত্র না দেখালে চাকরি মিলবে না। তাই আজ বাধ্য হয়েছি অবরোধ করতে।

মুরশিদ আলম
গিতালদহের বাসিন্দা

আরটিও দপ্তরের শিবির

কোচবিহার, ৩০ অক্টোবর : টোটে রেজিস্ট্রেশনে গতি আনতে বিশেষ শিবির চালু হল কোচবিহারে। আঞ্চলিক পরিবহণ দপ্তরের উদ্যোগে বৃহস্পতিবার মিনিবাস স্ট্যান্ড এলাকায় শিবির বসে। টোটে ডিলার্স অ্যাসোসিয়েশন ও তৃণমূল শ্রমিক সংগঠনও এই শিবির করতে আঞ্চলিক পরিবহণ দপ্তরকে বিশেষভাবে সহযোগিতা করে। রেজিস্ট্রেশনের জন্য ৬০ জন টোটেচালক বৃহস্পতিবার কাগজপত্র জমা দেন। শুক্রবার পর্যন্ত এই শিবির চলবে।

আঞ্চলিক পরিবহণ দপ্তর সূত্রে খবর, ১৩ অক্টোবর থেকে রেজিস্ট্রেশন পদ্ধতি চালু হয়েছে। কিন্তু দেখা গিয়েছে, প্রায় ১৫ দিন হয়ে গেলেও মাত্র ৪০০ জন এই রেজিস্ট্রেশন করেছেন। এতে জেলা প্রশাসন যে উদ্দেশ্য নিয়ে এই রেজিস্ট্রেশন করতে চাইছিল, তা এগোচ্ছে না। যে কারণে রেজিস্ট্রেশনে গতি আনতে এই শিবির চালু হয়েছে। দপ্তরের আধিকারিক নবীন অধিকারী বলেন, '১৩ তারিখ থেকে রেজিস্ট্রেশন চালু হলেও মাত্র ৪০০ জন এই রেজিস্ট্রেশন করিয়েছেন। কাজে গতি আনতে আমরা এই শিবির চালু করেছি। জেলার বিভিন্ন জায়গায় আমরা এ ধরনের শিবির করব।'

কাউন্সেলিং

কোচবিহার, ৩০ অক্টোবর : মপ আপ কাউন্সেলিংয়ে স্নাতকোত্তরের পড়ুয়াদের ভালো সাড়া মিলল কোচবিহার পঞ্চানন বর্মা বিশ্ববিদ্যালয়ে। ভর্তি প্রক্রিয়া সম্পন্ন হওয়ার পরেও বিশ্ববিদ্যালয়ের বেশ কিছু আসন ফাঁকা থাকায় অ্যাডমিশন কমিটির বৈঠকে মপ আপ কাউন্সেলিংয়ের সিদ্ধান্ত হয়। বৃহস্পতিবার বিশ্ববিদ্যালয়ে হওয়া এই কাউন্সেলিংয়ে দুশোর বেশি পড়ুয়া ভর্তি হয়। বিশ্ববিদ্যালয়ের ভারপ্রাপ্ত রেজিস্ট্রার মাদবচন্দ্র অধিকারী বলেন, 'শুক্রবার বিশ্ববিদ্যালয়ে অ্যাডমিশন কমিটির বৈঠক হবে। কোন বিভাগে নতুন করে কতজন পড়ুয়া ভর্তি হয়েছেন সে বিষয়ে স্পষ্ট ধারণা মিলবে।'



গরম কাপড় কিনতে ভিড় বাজারে। (ডানদিকে) শাল গায়ে দিয়ে পথে মহিলা। বৃহস্পতিবার। ছবি : অপর্ণা গুহ রায়



বৃষ্টিতে শীতের আমেজ

দেবদর্শন চন্দ

কোচবিহার, ৩০ অক্টোবর : সকাল থেকে বিরঝিরে বৃষ্টি। তা থেকে শীত শীত ভাব। মরশুমের প্রথম ঠান্ডার আমেজ কোচবিহার শহরে। সকালের গরম চায়ে চুমুক দিতে হাট-বাজারের লোকানো বাড়ল ভিড়। যাঁরা অফিসের পথে পা বাড়ালেন, গায়ে চাপিয়ে নিলেন গরম জামা। শহরের বিভিন্ন বাজারে গরম কাপড় বিক্রি শুরু হয়ে গেল এদিন থেকেই।

বিশেষজ্ঞদের মতে, বৃষ্টির মধ্য দিয়েই এবার কোচবিহারে প্রবেশ করল শীত। গতবছর খানিকটা দেরিতে প্রবেশ করলেও এবছর স্বাভাবিক সময়ে শীতের প্রবেশ বলে মত আবহবিদদের।

বিষয়টি নিয়ে উত্তরবঙ্গ কৃষি বিশ্ববিদ্যালয়ের গ্রামীণ কৃষি মৌসুম সেবা কেন্দ্রের প্রিন্সিপাল নোভাল অফিসার শুভেন্দু বন্দ্যোপাধ্যায় বলেন, 'শহরে শীত প্রবেশ করেছে। এতদিন শীতের আমেজ সেভাবে না থাকলেও মন্সুর প্রভাবে শীত ভালো অনুভূত হচ্ছিল। তবে মন্সুর প্রভাবে ফসলের ক্ষতি হয়েছে।'

ঘড়িতে তখন সকাল ১০টা পেরিয়েছে। অন্যান্য দিন সকাল সাড়ে নয়টার মধ্যে দোকান খুললেও এদিন বৃষ্টির কারণে দোকান খুলতে বেশ কিছুক্ষণ দেরি হয় গুজবাড়ির কিংস্করঞ্জন রাহার। ওই ব্যবসায়ী বলেন, 'বৃষ্টির মধ্য দিয়েই এবারের শীত পড়ল। তবে সন্ধ্যার পর শীতের পোশাক পরেই রাস্তায় বের হতে হয়েছে। শীতের আমেজ নিয়ে গরম জামা গায়ে চাপিয়ে অফিস যেতে

রাসের আগেই গায়ে গরম জামা

হয়েছে সরকারি কর্মী তন্ময় দত্তকে। তাঁর উপলব্ধি, 'হুটপুজো শেষে হঠাৎ করে আবহাওয়ার এমন পরিবর্তন হবে, ভাবিনি।'

শীতের আমেজ পড়ায় সন্ধ্যায় শহরের রাস্তায় লোকজনের আনাগোনা ছিল হাতেগোনা। অনেককে শীতের পোশাক পরেই এদিন রাস্তায় বের হতে দেখা গিয়েছে। তবে গত কয়েকদিন ধরে কোচবিহারে রাতের দিকে শীত অনুভূত হলেও

বৃহস্পতিবার সকাল থেকেই শহরে ছিল শীতের আমেজ। সন্ধ্যার পর তা বাড়তে থাকল।

প্রবীণ বাসিন্দাদের কথায়, সাধারণত অক্টোবরের শেষ থেকেই শীতের শুরু হয় কোচবিহারে। তবে জাঁকিয়ে শীত পড়তে আরও বেশ কিছুদিন সময় লাগবে। অনেকেই মনে করছেন, নিম্নচাপের ফলে এই সময় শহরে বিক্ষিপ্তভাবে বৃষ্টি হয়েছে। তার ফলেই শীতের আমেজ। বৃষ্টি না হলে শীত পড়তে সময় লাগত আরও কিছুটা দিন। তবে এই মাসের শুরুতেও যেভাবে প্রখর রোদ এবং গরমে নাজেহাল হতে হয়েছে সাধারণ মানুষকে, সেদিক থেকে শীতের সুরুর এই ঠান্ডা আমেজ অনেকের মুখে হাসি ফুটিয়েছে।

কোচবিহারের সাধারণত রাস উৎসবের সময় থেকে ঠান্ডা শুরু হলেও এবার কিছুদিন আগে হল। পথচারী পিনাক সরকারের কথায়, অন্যান্য বছর রাসমেলার সময় শীতের পোশাক বের করতে হয়। তবে এদিনের বৃষ্টির পর থেকে ভালোই শীত অনুভূত হচ্ছে। তাই গাড়ি চালাতে জ্যাকেট পরতে হয়েছে।

কাজ করেও মেলেনি বকেয়া

কোচবিহার, ৩০ অক্টোবর : রাস্তায় মুখমন্টার গাড়ি দাঁড় করিয়ে নিজেরের স্কুলের ছাদ দিয়ে জল পড়ার অসুবিধের কথা জানিয়েছিল জেনকিন্স স্কুলের একদল ছাত্র। তখনই অভিযোগ শুনে দ্রুত সমস্যা মিটিয়ে দেওয়ার কথা বলেছিলেন মুখ্যমন্ত্রী মমতা বন্দ্যোপাধ্যায়। প্রায় যুদ্ধকালীন তৎপরতায় কাজও হয়েছিল। বৃষ্টির মধ্যে কাজ করতে হয়েছিল টিকাদারকে। কিন্তু এখনও সেই কাজের টাকাই পাননি টিকাদার। অভিযোগ, এক বছরের বেশি সময় বকেয়া পড়ে রয়েছে। কাজ শেষের দু'মাস পর ৫০ শতাংশ টাকা পেলেও আর টাকা পাননি টিকাদার। বারবার চিঠি করা সত্ত্বেও সেই টাকা পাওয়ার আশা দেখছি না, মন্তব্য ছোটলাল রজকের। দপ্তরের এগজিকিউটিভ ইঞ্জিনিয়ার থেকে শুরু করে, শিক্ষা দপ্তর এমনকি জেলা শাসকের দপ্তরে যোগাযোগ করেছে সুরাহা হয়নি।

একই পরিস্থিতি আচার্য ব্রজেন্দ্রনাথ শীল মহাবিদ্যালয়ের কাজ যিনি করেছিলেন সেই টিকাদার সঞ্জয় দে-র। তাঁর দাবি, তাঁর পাওনা ২৮ লক্ষ টাকা। কিন্তু বারবার চিঠি করেও কোনও লাভ হয়নি। এক বছরের বেশি সময় পেরিয়ে গেলেও টাকা না পাওয়ায় সমস্যা পড়েছেন। এই বিষয়ে পূর্ত দপ্তর (সেশ্যল)-র এগজিকিউটিভ ইঞ্জিনিয়ার অসীমকৃষ্ণ দাস বলেন, 'ওঁদের বকেয়া পড়ে রয়েছে। এই বিষয়ে চিঠি আমরা পেয়েছি। বকেয়া টাকা পাওয়ার জন্য আমরাও শিক্ষা দপ্তরে চিঠি পাঠিয়েছি। কিন্তু এখনও পর্যন্ত সুদূরত্ব পাইনি।

নতুন এসডিও

মাথাভাঙ্গা, ৩০ অক্টোবর : বৃহস্পতিবার মাথাভাঙ্গার মহকুমা শাসকের দায়িত্বভার নিলেন সুশোভন মণ্ডল। বিদায়ী মহকুমা শাসক নবনীত মিত্রালের জায়গায় তিনি যোগ দিলেন। গত সোমবার নবনীত, ডিএমডিসি অমিত ঘোষকে দায়িত্বভার দেন। বৃহস্পতিবার অমিতের থেকে দায়িত্ব নেন সুশোভন। আগে তিনি আলিপুরদুয়ার জেলার আরটিও পদে ছিলেন।

গুরু কৃপাহি কেবলম

জয় শ্রী রাধানাথ

এখন লক্ষ্মী নারায়ণ বস্ত্রালয় আরও বড়!

সঙ্গে যোগ হচ্ছে রেডিমেন্ট গার্মেন্টস!
সবাইকে জানাই সাদর আমন্ত্রণ...

শুভ সূচনা

শ্রী শ্রী মদনমোহন রাস যাত্রা

৫ নভেম্বর, ২০২৫

লক্ষ্মী নারায়ণ বস্ত্রালয়

BAJRANGALI APARTMENT

সততার সাথে ঐতিহ্যের মেলবন্ধন

লক্ষ্মী নারায়ণ বস্ত্রালয়

কোচবিহার

ওয়েডিং কালেকশন ২০২৫

মূল দোকানের ঠিক উল্টোদিকে

বিশ্ব সিংহ রোড, কোচবিহার

03582 228563

বাগানের থেকে এগিয়ে নামছে ইস্টবেঙ্গল সুপার কাপ সেমিফাইনালের লক্ষ্যে

মারগাঁও, ৩০ অক্টোবর : অ্যাডভান্টেজ ইস্টবেঙ্গল। মোহনবাগান সুপার জায়েন্টের বিপক্ষে দরকার মাত্র একটাই গেম পয়েন্ট। সুপার কাপের কলকাতা ডার্বির চিত্রটা খানিকটা যেন টেনিস ম্যাচের স্কোরের মতো। বহুকাল বাদে পরপর দুই টুর্নামেন্টে মোহনবাগানের থেকে এগিয়ে মাঠে নামছে ইস্টবেঙ্গল। আইএফএ শিল্ডও ম্যাচ শুরুর আগে পর্যন্ত এগিয়েই ছিল অস্কার ব্রজের দল। যদিও পরে টাইব্রেকারে হেরে ট্রফি খোয়াতে হয় সেই মুহূর্তে মানসিকভাবে পিছিয়ে থাকা মোহনবাগানের কাছে। যার জ্বালা এখনও অস্কার ভুলতে পারেননি বলেই মনে হল। নাহলে কোন কোচ বলেন যে, ‘আইএফএ শিল্ড ফাইনালেও আমরা বেশি ভালো খেলেছি। ম্যাচটা নিয়ন্ত্রণ করি ও এখন সবাইকে বোঝাতে পারছি যে এদেশের বড় দলগুলির সঙ্গে আমাদের বিশেষ পার্থক্য নেই।’ খাতায়-কলমে এবারও পিছিয়েই নামছে মোহনবাগান। তাদের জিততেই হবে মানসিক চাপকে সঙ্গী করে। ডেপুটি স্পোর্টস ক্লাব যদি পাঁচ গোলের ব্যবধানে না জিততে পারে তাহলে এই ম্যাচে ইস্টবেঙ্গলের ড্র করলেই চলবে। যদিও সবুজ-মেরুন কোচ হোসে ফ্রান্সিসকো মোলিনা বলেনছেন, ‘দেখুন আজ যদি আমরা ডেপুটির বিপক্ষে জিতে থাকতাম এবং ম্যাচটা আমাদের ড্র করতে হত তাহলেও কিন্তু আমরা জয়ের লক্ষ্যেই নামতাম। কারণ ডার্বি মানেই সমর্থকদের জয়ের আবদার।



ডার্বিতে মোহনবাগান সুপার জায়েন্টকে ভরসা দিতে তৈরি হচ্ছেন জেমি ম্যাকলারেন। বৃহস্পতিবার।

আপনারা জানেন না, শিল্ড ফাইনালে জেতার পর যখন আমি সাংবাদিক সম্মেলন করতে যাছি তখন কয়েকজন সমর্থক আমাকে ঘিরে ধরে বলছেন, কোচ আমাদের কিন্তু সুপার কাপ ডার্বি জিততেই হবে। ভাবুন, ওরা তখন জয়ের আনন্দ ছেড়ে পরের ডার্বি নিয়ে ভাবছে। তাই যুগ যুগ ধরে ডার্বি মানেই অন্য খেলা। সমর্থকদের জয়ের আবদার। এই কারণেই আয়োজকরা এখন ড্রয়ের ন্যূনতম এই দুই দলকে এক গ্রুপে রেখে একটা ম্যাচ খেলিয়ে নেন প্রতিটি টুর্নামেন্টে। নানা কারণে অনেকের অপছন্দের হলেও কলকাতার এই দুই প্রধান আজও ভারতীয় ফুটবলে একমাত্র বিকিযোগ্য পণ্য। কিন্তু

মাঠে নামবে। ক্রজের চেষ্টা করবেন তার প্রথম ট্রফিটা উপহার দিতে। নাহলে এবার তাকে নিয়ে প্রশ্ন উঠবে। একই অবস্থা মেলিনারও। শুষ্কের তারকা নিয়েও এবার গত পাঁচ-ছয় বছরের সেই ঝাঁঝটা কিছুতেই আনতে পারছেন না। ফুটবলাররা যদি ফিট না হন সেই দায় তো তার উপরেও বতায়। ডেপুটি ম্যাচের হতশ্রী পারফরমেন্সের পর বিস্তর চর্চাছেন সুপার জায়েন্টের বড় কতরা। হারলে অস্কার-বিদায় হোক বা নাই হোক, মেলিনা বিদায় হতেই পারে। কারণ আইএসএলের দেরি আছে। নতুন কেউ এলে সময় পাবেন। আগের ম্যাচে একাধিক পরিবর্তন করে

দলকে ডুবিয়েছেন মেলিনা। উলটোদিকে মাত্র গুটিকয়েক পরিবর্তনেই জয় এবং আত্মবিশ্বাস ফিরিয়ে আনেন অস্কার। মোহনবাগান সম্ভবত চেমাইয়ান এফসি ম্যাচের দলই নামাবে। সম্ভবত ইস্টবেঙ্গলও তাই। মাঠ নিয়ে বিস্তর অভিযোগ আছে দুই কোচেরই। অস্কার বলেন, ‘এই মাঠটার অবস্থা ব্যাথোলিমের থেকে খারাপ। তাছাড়া ফতোরদা ছোট এবং বেশ শক্ত।’ বৃষ্টির একটা পূর্বাভাস আছে ডার্বির দিন ম্যাচের সময়েই। সেটা হলে নিশ্চিতভাবেই খেলার মান পড়বে দুই দলেরই। সেক্ষেত্রে মোহনবাগান কিছুটা হয়তো



ডার্বিতে অস্কার ব্রজের তুরপের তাস হয়ে উঠতে পারেন মহম্মদ রশিদ।

এগিয়ে থাকলেও থাকতে পারে। কারণ এরকম পরিস্থিতিতে ইতিমধ্যেই এই মাঠে তাদের খেলার অভিজ্ঞতা হয়ে গেছে। হয়তো এবারের ডার্বিতে এই একটা জায়গাতেই পিছিয়ে ইস্টবেঙ্গল।


১৩ দিনের মধ্যে দ্বিতীয়বার ডার্বিতে মুখোমুখি হচ্ছে মোহনবাগান সুপার জায়েন্ট ও ইস্টবেঙ্গল এফসি। তার আগে গোয়ায় দুই শিবিরে চোখ রাখলেন সুস্মিতা গঙ্গোপাধ্যায়।

বড় ম্যাচ উপভোগ সাউল-শুভাশিসের কাছে

মারগাঁও, ৩০ অক্টোবর : আয়োজকদের ক্রমাগত ডার্বি খেলানোর প্রবণতায় যতই সমর্থকদের আগ্রহ কমতে থাকুক, ফুটবলাররা কিন্তু এই একটা ম্যাচকেই নিজেদের মঞ্চ হিসাবে বেছে নিতে আগ্রহী। এই বিষয়ে মানসিকতার কোনও পার্থক্য নেই। সাউল ক্রেসপো, শুভাশিস বসু। দুই দলের দুই অধিনায়ককেই অবশ্য বেশ হালকা

শুভাশিসের মুখে মুচকি হাসি, ‘সব ফুটবলার চায় প্রচুর সংখ্যায় ডার্বি খেলতে। আমিও শুধু খেলতে নয়, বেশিসংখ্যক ডার্বি জিততে চাই। আর সমর্থকরাও অপেক্ষায় থাকে করে এই ম্যাচটা খেলা হবে আর আমরা জিতব। এরকম একটা উদ্ভেজনাপূর্ণ লড়াই পাওয়া যাচ্ছে। যা খুব দরকার। এখন ইস্টবেঙ্গল খুব ভালো খেলছে। আমরাও নিজেদের

মাঠে নামব। কারণ আমাদের দল দারুণ খেলছে। আমরা নিজেরাই অনুভব করতে পারছি যে আমরা ছন্দে আছি।’ শুভাশিসও বলেন জয়ের কথা। তবে তার বক্তব্য হল, ড্রয়ের জন্য মাঠে নামার থেকে জয়ের লক্ষ্যে নামাটা অনেক বেশি কার্যকরী হতে পারে। তিনি বলেন, ‘দেখুন ড্র করতে মাঠে নামার থেকে জয়ের জন্য নামাটা বেশি ভালো। আমাকে গোল করতেই হবে, এটা মাথায় রাখলে খেলা ভালো হয়। আর আমাদের সমর্থকরাও সেটাই চায়। বলতে পারেন সেমিফাইনালে যাওয়ার জন্য এটা আমাদের কাছে একটা ফাইনাল ম্যাচ। যা আমাদের জিততেই হবে।’ কোচের মতোই সাউলও মনে করেন, ফতোরদার মাঠটা খানিক ছোট। যে মাঠে মোহনবাগান ইতিমধ্যেই খেলে ফেলেছে। কিন্তু এইমুহূর্তে ওসব নিয়ে না ভেবে জয়ই একমাত্র লক্ষ্য তাদের। স্প্যানিশ মিডফোর্ড বক্সার, ‘বুগি হলে মাঠটা আরও খারাপ হবে। কিন্তু আমরা এখন এসব নিয়ে ভাবছি না। বরং জয়ের কথা ভাবাই ভালো।’



সাংবাদিক সম্মেলনে শুভাশিস বসু (উপরে) ও সাউল ক্রেসপো। ছবি : প্রতিবেদক

সুপার কাপে আজ	
ডেপুটি স্পোর্টস ক্লাব বনাম চেমাইয়ান এফসি	মোহনবাগান সুপার জায়েন্ট বনাম ইস্টবেঙ্গল এফসি
সময় : বিকাল ৪.৩০ মিনিট স্থান : ব্যাথোলিম	সময় : সন্ধ্যা ৭.৩০ মিনিট স্থান : ফতোরদা
সম্প্রচার : এআইএফএফ-এর ইউটিউব চ্যানেলে	সম্প্রচার : স্টার স্পোর্টস খেল চ্যানেল ও জিওহটস্টার

মেজাজে পাওয়া গেল এই মেগা ম্যাচের আগে। তাদের কি মনে হয় না, এত ডার্বি খেললে এই ম্যাচের যে উত্তেজনা সেটা ক্রমশ নষ্ট হয়ে যাবে? একমত নন ক্রেসপো, ‘আমার তা মনে হয় না। প্রতিটি ডার্বির আলাদা উত্তেজনা থাকে। আগের ডার্বিটা একেবারেই আলাদা ছিল। এটা আবার অন্যরকম। আর আমরা সম্পূর্ণ তৈরি ম্যাচটা খেলার জন্য। এবং মোহনবাগান সুপার জায়েন্টকে হারানোর চেষ্টা করব।’ প্রশ্ন শুনে

সেরাটা দিচ্ছি। তাই আমরা চাইব যে এরকম প্রতিদ্বন্দ্বিতাপূর্ণ ম্যাচ হতে থাকুক।’ চেমাইয়ান এফসি ও ডেপুটি স্পোর্টস ক্লাব ম্যাচের পরই বদলে গিয়েছে দুই শিবিরের পরিবেশ। যেখানে প্রতিটি মুহূর্ত উপভোগ করছেন লাল-হলুদ ফুটবলাররা সেখানে সবুজ-মেরুন শিবির যে ফুরকুরে ভাঙটা নিয়ে এখানে এসেছিল সেটা উধাও। সাউল বলেই দিলেন, ‘আমরা আত্মবিশ্বাস নিয়েই

দুই স্প্যানিশ কোচের মস্তিষ্ক বড় ফ্যাক্টর



অনুশীলনে নজর রাখছেন অস্কার ব্রজের।

বাড়তি সময় দেবেন না। এবার শুরু থেকেই নড়বড়ে ভাব। দল সেরাটা মাঠে উজাড় করে না দিতে পারলে সবচেয়ে আগে ফসিকাঠে তোলা হয় কোচকেই। আর মেলিনা নিজেই সমালোচকদের সুবিধা করে দিয়েছেন ডুরাদ ডার্বি, আহল এফকে, ডেপুটি স্পোর্টস ক্লাবের মতো ম্যাচগুলি নিজের দোষে হেরে বা ড্র করে। সেই কারণেই সম্ভবত এই ম্যাচে আর বাড়তি পরীক্ষানিরীক্ষার ঝুঁকি তিনি নেবেন না। অনুশীলন দেখে মনে হল, একেবারে পূর্ণ শক্তির দলই নামাতে চলেছেন। শুধু মাঝমাঠ নিয়ে খানিক ঝাঁঝ রেখে দিলেন। জেমি ম্যাকলারেনের পিছনে সাহাল আবদুল সামাদ নাকি জেসন কামিন্স আর বাদিকে লিস্টন কোলোসো না রবসন রোবিনহো, ঝাঁঝটা সেই নিয়েই। আপাতত মেলিনা এবং তার দলের একটাই লক্ষ্য সমর্থকদের খুশি করা। সেটাই বললেন মেলিনা, ‘এই মরশুমটা এখনও সহজ বলা যাবে না। এরকম পরিস্থিতিতে আমরা সমর্থকদের জন্যই লড়ব। এবং চেষ্টা

ইবুস্কিকে বসিয়ে রেখে সম্ভবত বাকি পাঁচ বিদেশি নিয়েই শুরু করবেন। তাঁর দলের খেলা তৈরির মূল কারিগর নাওরেম মহেশ সিং এবং গোলের সামনে মারাত্মক বিপিন সিং। এই দুজনের উপরে অনেক কিছুই নির্ভর করছে। এঁদের কাজে লাগিয়ে অস্কার চাইবেন শুরুতেই প্রতিপক্ষের উপর গোল চাপিয়ে দিতে। কারণ মোহনবাগানে গোল করার লোক অনেক বেশি সেকথা মাথায় রাখছেন বলে নিজেই জানালেন, ‘৮ বা ৮০ মিনিট যখনই গোল পাই না কেন, আমাদের শেষ মিনিট পর্যন্ত সতর্ক থাকতে হবে। কারণ মোহনবাগানে যে কেউ তখন তখন গোল করে দিতে পারে। আমাদের হয়তো ড্র করলেই চলবে কিন্তু আমরা জয়ের কথাটাই মাথায় রাখছি।’

শুধু ফুটবলাররা নয়, এই ম্যাচে চিরকালই কোচদের মস্তিষ্কও ফ্যাক্টর হয়েছে। দুই স্প্যানিশ ট্যাকটician এবার কে কাকে টক্কর দিতে পারেন তার উপরেও নির্ভর করবে ডার্বির ফলাফল।



১৭ বছরেই থেমে গেল বেন অস্টিন।

সময় যাড়ে বলের আঘাত পান বেন। তখন তিনি হেলমেট পরে দুঃজনক স্মৃতি ফিরে এল ক্রিকেট দুনিয়ায়। যাড়ে বলের আঘাত পেয়ে মৃত্যুর কোলে চলে পড়লেন অস্ট্রেলিয়ার ১৭ বছরের ক্রিকেটার বেন অস্টিন। মঙ্গলবার মেলবোর্নের ফ্রন্টি গালি ক্রিকেট ক্লাবে অনুশীলনের



সাংবাদিক সম্মেলনে ফুরকুরে মেজাজে হোসে মেলিনা।

চোট নিয়ে আশ্বস্ত করলেন শ্রেয়সই

সিডনি, ৩০ অক্টোবর : আগের থেকে ভালো আছেন। ক্রমশ সুস্থ হয়ে উঠছেন। ক্রিকেটপ্রেমীদের এই সুখের দিয়েছেন স্বয়ং শ্রেয়স আইয়ার। চোটের পর প্রথমবার প্রতিক্রিয়ায় নিজের চোট নিয়ে আশ্বস্ত করেছেন ভারতীয় ওডিআই দলের সহ অধিনায়ক। পাশাপাশি সামাজিক মাধ্যমে করা পোস্টে কটন সময়ে পাশে থাকার জন্য সবাইকে শুভেচ্ছা জানিয়েছেন। তৃতীয় ওডিআই ম্যাচে ফিল্ডিংয়ের সময় পাঁজরে চোট। আঘাত লাগে ধীরে ধীরে। শরীরের ভিতরে রক্তক্ষরণের ফলে আশঙ্কা তৈরি হয়। ২৪ ঘণ্টা পরীক্ষণে রাখতে আইসিইউতে ভর্তি ছিলেন কয়েকদিন। আপাতত আইসিইউ থেকে জেনারেল বেডে। ভারতীয় ক্রিকেট কন্ট্রোল বোর্ড, চিকিৎসকরাও জানিয়েছেন, শ্রেয়সের শারীরিক অবস্থা স্থিতিশীল। আজ সেই কথাই জানালেন ভারতীয় মিডল অর্ডার ব্যাটার। সামাজিক মাধ্যমে শ্রেয়স লিখেছেন, ‘বর্তমানে আমি চিকিৎসা প্রক্রিয়ার মধ্যে রয়েছি। প্রতিদিনই সুস্থ হয়ে উঠছি। কটন সময়ে প্রচুর শুভেচ্ছা, সমর্থন পেয়েছি। আমার কাছে যার গুরুত্ব অপরিমিত।’

পাশে থাকার জন্য প্রত্যেকের কাছে আমি কৃতজ্ঞ। ধন্যবাদ সবাইকে।’ অপরদিকে, বুধবারই সিডনিতে পৌঁছে গিয়েছে শ্রেয়সের পরিবারও। সিডনিতে পা রেখে সোজা হাসপাতালে। শ্রেয়সের সঙ্গে লম্বা সময় কাটান পরিবারের সদস্যরা। সেই ছবি সোশ্যাল মিডিয়ায় পোস্ট করে শ্রেয়সের সুস্থতার খবর সবার সঙ্গে ভাগ করে নিয়েছেন শ্রেয়সের বোন শ্রেষ্ঠা আইয়ার। তৃতীয় ওডিআই ম্যাচে হার্বিৎ রানার বলে

সিডনি পৌঁছোল পরিবার

অ্যালেক্স ক্যারির ক্যাচ ধরে মাটিতে পড়ার সময় পাঁজরে চোট পান। শরীরের ভিতরে রক্তক্ষরণও হয়। চিকিৎসকদের কথায়, এই ধরনের চোট খুব বিরল। তবে চিন্তার কিছু নেই। সর্বকুমার যাদব জানিয়েছিলেন, টি২০ সিরিজ শেষে শ্রেয়সকে নিয়েই দেশে ফিরতে চান। বোর্ড বা মেডিকেল টিমের তারফে অবশ্য এখনও এই ব্যাপারে কিছু জানানো হয়নি। একইভাবে চোট সারিয়ে কবে শ্রেয়স মাঠে ফিরবেন, তা নিয়েও থাকছে সংশয়।

মেসির বেতন ১৮০ কোটি

ফ্লোরিডা, ৩০ অক্টোবর : ইন্টার মায়ামি র সঙ্গে আরও তিন বছরের জন্য চুক্তিবদ্ধ হয়েছেন লিওনেল মেসি। চুক্তির মেয়াদ বৃদ্ধির পরও মেজর লিগ সকারে সবচেয়ে বেতনভুক ফুটবলার থাকছেন আর্জেন্টাইন মহাতারকা। নতুন চুক্তি অনুযায়ী ইন্টার মায়ামি থেকে বছরে ২০.৪ মিলিয়ন মার্কিন ডলার বেতন পাবেন মেসি। ভারতীয় মুদ্রায় অঙ্কটা প্রায় ১৮০.৫ কোটি টাকা। মেজর লিগ সকারে সর্বাধিক বেতনভুক ফুটবলারদের তালিকায় দ্বিতীয় স্থানে রয়েছেন টট্টেনহাম হটস্পার থেকে লস অ্যাঞ্জেলেস এফসি-তে যোগ দেওয়া দক্ষিণ কোরিয়ার ফুটবলার সন ইয়ং মিন। তার বেতন বার্ষিক ১১.২ মিলিয়ন মার্কিন ডলার। মেসির বার্ষিক বেতন তার প্রায় দ্বিগুণ। এই মুহূর্তে তালিকায় তিন নম্বরে রয়েছেন ক্লাব ফুটবলে মেসির দীর্ঘদিনের সঙ্গী সের্জিও বুস্কেটস। ইন্টার মায়ামি থেকে বছরে ৮.৭ মিলিয়ন মার্কিন ডলার বেতন পান তিনি। অবশ্য এই মরশুম শেষেই পেশাদারি ফুটবল জীবনে ইতি টানছেন সেই বুস্কেটস।

টি২০ ‘বিপ্লবে’ রোহিতকে কৃতিত্ব দ্রাবিড়ের



জল্পনা ছিল, আগামী আইপিএলে রোহিত শর্মা কলকাতা নাইট রাইডের যেতে পারেন। যা উড়িয়ে দিয়ে মুম্বই ইন্ডিয়ানের পোস্ট, সুব আগামীকাল আবার উঠবে। এটা নিশ্চিত। কিন্তু ‘নাইটে...’ শুধু মুশকিলই নয়, অসম্ভব।

নয়াদিল্লি, ৩০ অক্টোবর : আগামী ক্রিকেট। ভয়ভরহীন মেজাজ। অভিযেক শর্মা, তিলক ভার্মা, সূর্যকুমার যাদবদের আক্রমণাত্মক ক্রিকেটের নেপথ্যে নাকি রোহিত শর্মা? অধিনায়কের দায়িত্ব নিয়ে ভারতের টি২০ দলে কার্যত ‘বিপ্লব’ ঘটিয়েছিলেন হিটম্যানই। বদলে দিয়েছিলেন দলের মানসিকতা। বর্তমান দল যা বহন করে চলেছে। এক অনুষ্ঠানে রোহিতকে প্রশংসায় ভরিয়ে দিয়ে এমন দাবি করেছেন রাহুল দ্রাবিড়।

‘দলের ভাবনাকে বদলে দিয়েছিল ও’

রোহিতের সঙ্গে জুটি বেঁধে গত টি২০ বিশ্বকাপ এনে দিয়েছিলেন দেশকে। হেডকোচ হিসেবে সামনে থেকে দেখেছেন অধিনায়ক রোহিতকে। সেই অভিভূত থেকে এদিন ‘ব্রেকফাস্ট উইথ চ্যাম্পিয়ন’ শীর্ষক অনুষ্ঠানে দ্রাবিড় বলেছেন, ‘আমি দায়িত্ব নেওয়ার আগে কী হয়েছে, তা নিয়ে বলতে চাই না। লগাও উচিত নয় বলে মনে করি। তবে ভারতীয় দলের

দায়িত্ব নেওয়ার পর রোহিতের সঙ্গে পরিকল্পনা নিয়ে প্রচুর আলোচনা করছি। বরাবর আগামী ক্রিকেটের কথা বলত। চাইত, দল যেন আরও আক্রমণাত্মক ক্রিকেট খেলে।’ রোহিতের যে ভাবনাকেই আঁকড়ে ধরেছিলেন হেডসার দ্রাবিড়। সুফলও পেয়েছিলেন। বুকে গিয়েছিলেন, টি২০ ক্রিকেটকে বদলে দিতে এটাই সঠিক রাস্তা। যার সুফল সবার সামনে। কৃতিত্বের ভাগ অবশ্য নিহন। নিতে নারাজ ‘মিস্টার ডিপেন্ডেবল’। দ্রাবিড়ের

কথায়, ‘বেশিরভাগ কৃতিত্বটা প্রাপ্য রোহিতের। ও দলকে এই দিশায় চালিত করেছিল। আরও বেশি করে আগ্রাসন এনেছিল খেলার মধ্যে।’ দ্রাবিড়ের দাবি, শুধু ভারত নয়, টি২০ ক্রিকেটের ভাবনাকেই কার্যত বদলে দিয়েছিল টিম রোহিত। তিনি বলেন, ‘বর্তমানে টি২০ ফর্ম্যাটে ভারতীয় ব্যাটিং একবারে অন্য পর্যায়ে উচিত নয় বলে মনে করি। তবে ভারতীয় দলের

চোট সারিয়ে বিরাট জার্সিতে ঋষভ



১৮ নম্বর জার্সি পরে কিপিং করলেন ঋষভ পণ্ড। বৃহস্পতিবার।

রাণের হাতছানি। বিশ্বের বাকি দলগুলিও এখন ভারতের পথে হাটতে চাইছে। আগামী ৩-৪ বছরের মধ্যে সবাই চাইবে এব্যাপারে ভারতের সঙ্গে টক্কর নিতে।’ ভারতের হয়ে টি২০ ফরম্যাট সেভাবে খেলার সুযোগ পাননি দ্রাবিড়। আইপিএলে বেশ কয়েক বছর টুটিয়ে খেললেও অতিবড় ভক্তও তাকে টি২০ স্পেশালিস্ট বলেননি না। যদিও কোচ হিসেবে মানিয়ে নিতে অসুবিধা হয়নি। ভারতীয় কোচের দায়িত্বে ইতিও টেনেছিলেন টি২০ বিশ্বকাপ জিতে। দ্রাবিড় যদিও পুরো কৃতিত্বটা রোহিত এবং দলকে দিচ্ছেন। বরাবর পদারি আড়ালে কাজ করায় বিশ্বাস ‘দ্য ওয়াল’-এর যুক্তি, পরিকল্পনা তৈরি করা, ক্রিকেটারদের দিশা দেখানো কোচের দায়িত্ব। কিন্তু মাঠে নেমে তার সঠিক বাস্তবায়নই আসল। অধিনায়ক, দলের বাকি ক্রিকেটাররাই যা করে থাকেন। দ্রাবিড়ের দায়িত্ব, শুধু ভারত নয়, টি২০ ক্রিকেটের ভাবনাকেই কার্যত বদলে দিয়েছিল টিম রোহিত। তিনি বলেন, ‘বর্তমানে টি২০ ফর্ম্যাটে ভারতীয় ব্যাটিং একবারে অন্য পর্যায়ে উচিত নয় বলে মনে করি। তবে ভারতীয় দলের

বেঙ্গালুরু, ৩০ অক্টোবর : প্রায় তিন মাস পর চোট সারিয়ে ক্রিকেটে ফিরেছেন ঋষভ পণ্ড। মাঠে ফিরেই ফের চর্চার কক্ষে তিনি। বৃহস্পতিবার বেঙ্গালুরুর সেন্টার অফ এক্সপ্লোসে

টসে হেরে প্রথমে ব্যাট করতে নেমে প্রথম দিনের শেষে দক্ষিণ আফ্রিকার স্কোর ২৯৯/৯। ৭১ রান করেন ওপেনার জডেন হারমান। ফিরেছেন ঋষভ পণ্ড। মাঠে ফিরেই ফের চর্চার কক্ষে তিনি। বৃহস্পতিবার বেঙ্গালুরুর সেন্টার অফ এক্সপ্লোসে



শতরানের পথে রিভার্স স্লিকে বাউন্ডারি মারছেন জেমিমা রডরিগেজ। ১৩৪ বলে ১২৭ রান করে অপরাজিত থাকলেন। যার সুবাদে ওডিআইয়ে রানভাড়া রেকর্ড গড়ে ৮ বছর পর মহিলাদের বিশ্বকাপের ফাইনালে উঠল ভারতীয় দল। বৃহস্পতিবার নভি মুম্বইয়ের ডিওয়াই পাতিল স্টেডিয়ামে।

ফাইনালে তুলে কাঁদলেন জেমিমা

নভি মুম্বই, ৩০ অক্টোবর : বিশ্বকাপের শুরুতে পাঁচ নম্বরে ব্যাট করছিলেন জেমিমা রডরিগেজ। পর্যাপ্ত বল খেলার সুযোগ না পাওয়ায় বড় রান আসছিল না তাঁর ব্যাটে। নিউজিল্যান্ডের বিরুদ্ধে ম্যাচে ৩ নম্বরে সুযোগ মিলতেই বিস্ফোরক অর্ধশতরান করে দেন জেমিমা। বৃহস্পতিবার তিন নম্বরে নেমে খেললেন ১৩৪ বলে অপরাজিত ১২৭ রানের ইনিংস। যা ভারতকে ফাইনালের টিকিট এনে দিয়েছে। আর তারপরই ম্যাচের সেরার পুরস্কার নিয়ে তিনি কঁদে ভাসালেন। বললেন, “বিশ্বকে ধন্যবাদ। ধন্যবাদ দিতে চাই আমার মা-বাবা ও কোচকে - যারা আমার ওপর বিশ্বাস রেখেছেন।” এরপরই জেমিমা শুনিয়েছেন, “জানতাম না আজও আমাকে তিন নম্বরে ব্যাটিং করতে হবে। আমি স্নান করছিলাম। ব্যাট করতে নামার ৫ মিনিট আগেই জানতে পারি। তখন থেকেই নিজের জন্য নয়, চেয়েছিলাম দেশের জন্য ম্যাচটা জিততে। কারণ আজ আমার পঞ্চাশ বা শতরান নয়, গুরুত্বপূর্ণ ছিল ভারতের জয়। চেয়েছিলাম, সেই লক্ষ্যে দেশকে পৌঁছে দিতে।”

গুয়াহাটি টেস্টে আগে টি, পরে লাঞ্চ!

গুয়াহাটি, ৩০ অক্টোবর : ১৪৮ বছরের টেস্ট ইতিহাসে প্রথমবার। আগে চা পানের বিরতি। তারপর লাঞ্চ! এমন অবাক কাণ্ড ঘটতে চলেছে ভারত-দক্ষিণ আফ্রিকা সিরিজে গুয়াহাটি টেস্টে (২২-২৬ নভেম্বর)। দেশের পূর্বদিকে অবস্থিত গুয়াহাটিতে আগে সূর্যোদয় হয়। সূর্যাস্তও তাড়াতাড়ি। তাই দিনের আলো ভালোমতো থাকতে থাকতে যত বেশি সম্ভব ওভার করে নিতেই এই অভিনব পদক্ষেপ। সম্মতি জানিয়েছে দক্ষিণ আফ্রিকাও। অধঃস্টা এগিয়ে খেলা শুরু সকাল ৯টায়। ১১.২০ মিনিটে টি ব্রেক। দুপুর ১.২০ থেকে ৪০ মিনিটের লাঞ্চ। পরবর্তী ২ ঘণ্টায় দিনের অন্তিম সেশন।

কণ্টার্জিত জয় কেরালার

মারগাঁও, ৩০ অক্টোবর : জয় দিয়ে সুপার কাপ অভিযান শুরু করল কেরালা রাষ্ট্রাস্ট্র এফসি। দক্ষিণের দলটির বিরুদ্ধে লড়েও ১-০ গোলে হার রাজস্থান ইউনাইটেড এফসি-র। কেরালাকে চাপে ফেলতে না পারলেও তাদের রক্ষণকে কঠিন পরীক্ষার মুখে ফেলল আই লিগের ক্লাব রাজস্থান ইউনাইটেড। প্রথমার্ধে বহু চেষ্টা করেও রাজস্থানের রক্ষণে চির ধরাতে ব্যর্থ অড্রিয়ান লুনা, দানিশ ফারুকরা। দ্বিতীয়ার্ধের শুরুতেই সরাসরি লাল কার্ড দেখে মাঠ ছাড়েন রাজস্থানের গুরসিমরত সিং। অবশেষে ৮৭ মিনিটে দমজনের রাজস্থানের বিরুদ্ধে কেরালার হয়ে জয়সূচক গোলাট করেন কোলডো ওবিয়েতো।

অলিম্পিকে ক্রিকেট আইওসি-র সঙ্গে আলোচনায় শা

নয়াদিল্লি, ৩০ অক্টোবর : আগামী লস অ্যাঞ্জেলেস অলিম্পিকে ক্রিকেটের প্রস্তাবর্তন নিয়ে চলতি সপ্তাহের শুরুতে আইওসি সভাপতি ক্রিস্টিন কভেন্টিস সঙ্গে বৈঠকে বসেছিলেন আইসিসি চেয়ারম্যান জয় শা। দুই পক্ষের মধ্যে বৈঠকের বিষয়বস্তু নিয়ে পরে আইসিসি চেয়ারম্যান জয় সমাজমাধ্যমে লিখেছেন, “অলিম্পিকের প্রসারের ক্রিকেট কতটা গুরুত্বপূর্ণ ভূমিকা নিতে পারে, তা নিয়ে আইওসি সভাপতির সঙ্গে আলোচনা হয়েছে।”

রিঙ্কুদের নতুন কোচ হলেন অভিষেক নায়ার



নিজস্ব প্রতিনিধি, কলকাতা, ৩০ অক্টোবর : জল্পনায় অবসান। কলকাতা নাইট রাইডার্সের নতুন কোচ হলেন অভিষেক নায়ার। দিনকয়েক আগেই অভিষেক রিঙ্কু সিংদের নয়া কোচ হতে পারেন, এমন সজ্ঞাবনার

প্রতিবেদন উত্তরবঙ্গ সংবাদে প্রকাশিত হয়েছিল। আজ কেকেআরের তরফে সেই জল্পনায় সিলমোহর পড়ল। শেষ আইপিএল মরশুমটা একেবারেই ভালো যায়নি নাইটদের। ব্যর্থতার পর দলের কোচ চন্দ্রকান্ত পণ্ডিত ছটাঁই হয়েছিলেন। দলের বোলিং কোচ ভরত অরুণ কেকেআর ছেড়ে লখনউয়ে চলে গিয়েছিলেন। ফলে নাইটদের অন্দরে নতুন কোচের সন্ধান চলছিলই। পণ্ডিতের উত্তরসূরি হিসেবে মাঝের সময়ে ইংল্যান্ডের ইয়োন মরগান, প্রাক্তন ভারত অধিনায়ক রাহুল ড্রাবিড়ের নাম ভেসেছিল। যদিও বাস্তবে কেকেআর টিম ম্যানেজমেন্টের তরফে নতুন কোচ হিসেবে এমন একজনকে বেছে নেওয়া হল, যাকে নাইটদের ঘরের ছেলে বললেও ভুল হবে না। আজ বিকেলের দিকে ২০২৬ সালের আইপিএলের লক্ষ্যে নাইটদের নয়া কোচ হিসেবে অভিষেকের নাম ঘোষণা করে সিইও ভেক্সি মাইসোর বলেছেন, “২০১৮ সাল থেকে অভিষেক কেকেআর পরিবারের গুরুত্বপূর্ণ সদস্য। মাঠের ভিতরে, বাইরে ও আমাদের ক্রিকেটারদের তৈরি হতে সাহায্য করে। দলের সকলের সঙ্গেই অভিষেকের দারুণ সম্পর্ক। ওর মতো একজনকে দলের প্রধান কোচের দায়িত্ব দিতে পেরে আমরা শিহরিত। আশা করব, অভিষেকের কোচিংয়ে কেকেআর আগামী আইপিএলে দারুণ সফল হবে।”

দিনকয়েক আগে সরকারিভাবে অভিষেককে দলের প্রধান কোচ হওয়ার প্রস্তাব দেওয়া হয়েছিল। একটু সময় নিয়ে তিনি রাজি হতেই আজ সরকারি ঘোষণা হয়ে গেল। বিকেলের দিকে উত্তরবঙ্গ সংবাদ-এর তরফে নাইটদের নতুন কোচের সঙ্গে যোগাযোগ করা হলে তিনি বলেছেন, “কেকেআরের সঙ্গে দীর্ঘসময় ধরে রয়েছি। এত বড় দায়িত্ব এই প্রথম। চেষ্টা করব দলকে সাফল্যের পথে নিয়ে যেতে।”

লড়ে হার মহমেডানের

বেঙ্গালুরু এফসি-২
(কেএলভি ও সুপীল-পেনাল্টি)
মহমেডান স্পোর্টিং ক্লাব-০

সুস্থিতা গঙ্গোপাধ্যায়
মারগাঁও, ৩০ অক্টোবর : সম্পূর্ণ ভাঙাচোরা একটা দল নিয়ে বেঙ্গালুরু এফসি-র মতো হয়েওগেটকে ৩৪ মিনিট পর্যাটকে রাখাও কৃতিত্বের। আর সেই কৃতিত্বের ভাগীদার মাঠের এগারোজন। সঙ্গে প্রশংসা করতাই হবে মেহরাজউদ্দিন ওয়াড়ুরও। এই প্রবল দুঃসময়ে পাশে থাকার জন্য। তিনি না থাকলে হয়তো মহমেডান স্পোর্টিং ক্লাবের এই সুপার কাপে খেলাই হত না। এদিন তো রিজার্ভ বেস্টে প্রয়োজনীয় সংখ্যক ফুটবলারও ছিল না। কিন্তু

এই নিয়েই তারকাখচিত বেঙ্গালুরু বিপক্ষে মহমেডানের লড়াই মনে রাখার মতো। ৩৪ মিনিটে বঙ্গের মাথা থেকে নেওয়া শটে ক্লেভিন সিং তাওরেমের গোলাটা অনবদ্য। বিশেষকিছু করার ছিল না ডিফেন্স বা গোলরক্ষকের। বাকি সময় গোলের নীচে তৎপর থাকার চেষ্টা করেছেন শুভজিৎ ভট্টাচার্য। ৫৭ মিনিটে রায়ান উইলিয়ামের একটা ক্রস থেকে সুনীল ছেত্রীর শট সামনে থেকে বাঁচান সাদা-কালো গোলকিপার। যদিও তিনি অফসাইড ছিলেন কিন্তু এই অনামী তরুণের চেষ্টা দেখে স্বয়ং সুনীল ছেত্রীই হাততালি দিয়ে তাকে উৎসাহ দেন। গত বছর আইএসএলয়ে খেলা সাজ্জাদ হোসেন প্যারি প্রকৃত অধিনায়কের মতোই

নেতৃত্ব দিয়েছেন গোটা দলকে। তবে এর বাইরে প্রথমার্ধে খুব বেশি সুযোগও পায়নি বেঙ্গালুরু। তবে ৭৯ মিনিটে রায়ান ম্যাক্কেজের শট পোস্টে লাগে। সুনীল দ্বিতীয়ার্ধে মাঠে নামেন। তাকে বঙ্গের মধ্যে ধাক্কা দেন দাঁতেনা মিটেই। রেফারি অশ্বীন পেনাল্টির নির্দেশ দিলে তা থেকে ৮৬ মিনিটে গোল সুনীলের। এদিন মহমেডান যা খেলেছে তাতে ধ্রুপের বাকি দুই ম্যাচে পোস্টে গেলে অবাক হওয়ার কিছু থাকবে না।

মহমেডান : শুভজিৎ, জোসেফ, দাঁতেনা মিটেই, সাজ্জাদ, জসিম, যশ চিকারো, লালখানিকিমা (ম্যাস্টিগুন), লালনগাইসাকা, ট্যাংভা, বামিয়া, অ্যাডিসন (লালরোহাঙ্গা)।

ভরা গ্যালারির সামনে মেলবোর্ন মহারণ



দ্বিতীয় টি২০-তে পারদ চড়ছে অভিমান জুটি- অভিষেক শর্মা ও শুভমান গিলকে নিয়ে।

মেলবোর্ন, ৩০ অক্টোবর : ক্যানবেরার কাহিনী হতাশার। তুমুল বৃষ্টির। সঙ্গে ম্যাচ ভেঙে যাওয়ারও। সেই হতাশা কাটিয়ে নয়া শুরুর

লক্ষ্যে আজ ক্যানবেরা থেকে মেলবোর্ন পৌঁছে গিয়েছে ভারত ও অস্ট্রেলিয়া, দুই দলই। টানা ম্যাচ ও অস্ট্রেলিয়ার এক শহর থেকে অন্যত্র যাত্রাতের বন্ধির কারণে বৃহস্পতিবার দুই দলেরই অনুশীলন ছিল না। তবে অনুশীলন না থাকলেও মেলবোর্ন বিমানবন্দরে দুই দলকে নিয়েই ছড়োছড়ি নজরে এসেছে। সঙ্গে ছিল টিম ইন্ডিয়ার সদস্যদের একটু ছুঁয়ে দেখার আকৃতি। শুক্রবার মেলবোর্ন ক্রিকেট গ্রাউন্ডে সেই একই ছবি দেখা যাবে। ক্যানবেরার মতো মেলবোর্নেও শুক্রবার বৃষ্টির পূর্বাভাস নেই। ফলে

মনে করা হচ্ছে, পাঁচ ম্যাচের টি২০ সিরিজের প্রথম ম্যাচ ভেঙে গেলেও আগামীকাল দ্বিতীয় ম্যাচে মেলবোর্ন মহারণ জমজমাট হতে চলেছে।

অস্ট্রেলিয়া বনাম ভারত
দ্বিতীয় টি২০
সময় : দুপুর ১.৪৫ মিনিট
স্থান : মেলবোর্ন
সম্প্রচার : স্টার স্পোর্টস
নেটওয়ার্ক ও জিওইন্টার

দুই দলের প্রথম একাদশেই বদলের সজ্ঞাবনা প্রায় নেই। যদি একান্তই কিছু রদবদল হয়, তাহলে খেলা শুরু করে আগের সেটা হতে পারে। শেষ পর্যন্ত দুই দল তাদের প্রথম

একাদশে কোনও পরিবর্তন করবে কিনা, সময় তার জবাব দেবে। তার আগে আগামীকাল সন্ধ্যার এমসিজি-তে একটি আসনও খালি থাকার কথা নয়। স্থানীয় ক্রিকেটমহলের দাবি, ভারত বনাম অস্ট্রেলিয়ার দ্বিতীয় টি২০ ম্যাচকে কেন্দ্র করে গ্যালারিতে অন্তত ৯০ হাজার দর্শক থাকবেন। সেই দর্শকসনের একটা বড় অংশ নিশ্চিতভাবেই সূর্যকুমার যাদবের ভারতের জন্য গলা ফাটাবে।

ক্যানবেরায় খেলা হয়েছিল মাত্র ৯.৪ ওভার। গতরাতেই সেই বৃষ্টিতে ভেঙে যাওয়া সেই ম্যাচে প্রথমে ব্যাটিং করে ৯৭-১ করেছিল টিম ইন্ডিয়া। অভিষেক শর্মা দুদশ শুক্র করেছিলেন। পরে তিন নম্বরে নেমে অধিনায়ক সূর্যকুমার ছন্দে

ফেরার ইঙ্গিতও দিয়েছেন। ২৪ বলে অপরাজিত ৩৯ রানের ইনিংসের মাধ্যমে স্কাই প্রমাণ করেছেন, তিনি ছন্দেই রয়েছেন। সাম্প্রতিক অতীতে তাঁর ব্যাটে রান নেই বলে যে রটনা চলছিল, সেটা সঠিক তথ্য নয়। সূর্যকুমারের ফর্ম যদি ভারতীয় দলের জন্য দারুণ পজিটিভ একটি দিক হয়ে থাকে ক্যানবেরায়। তাহলে অন্য একটি দিকও রয়েছে। স্যার ডন ব্র্যাডম্যানের দেশে টি২০ ক্রিকেটের আসরে গতরাতে তিন স্পিনারে দল নামিয়েছিলেন কোচ গৌতম গম্ভীর। রহস্যজনকভাবে টি২০ ক্রিকেটের এক নম্বর জোরে বোলার অর্শদীপ সিংকে প্রথম একাদশে রাখা হয়নি। ভারতীয় টিম ম্যানেজমেন্টের এমন সিদ্ধান্ত নিয়ে ইতিবাচকই তুমুল সমালোচনা হয়েছে। কাল দল অপরিবর্তিত রাখলে ফের সমালোচনা শুরু হবে নিশ্চিতভাবেই।

তার আগে আজ ক্যানবেরা থেকে মেলবোর্ন পৌঁছানোর পক্ষে টিম ইন্ডিয়ার সদস্যদের দারুণ মেজাজে দেখা গিয়েছে। বিধ্বংসী ওপেনার অভিষেকের সঙ্গে অর্শদীপ ও শুভমান গিলদের খুনশুটির ভিডিও সমাজমাধ্যমে ভাইরাল হয়েছে ইতিমধ্যেই। এমন ফুরফুরে আবহাওয়ার মধ্যে টিম ইন্ডিয়ার সদস্যরা দেখিয়ে দিয়েছেন, তারা ক্যানবেরাকে অতীত করে দিয়ে কাল মেলবোর্নে নয়া শুরু করতে তৈরি।

২০২২ সালে টি২০ বিশ্বকাপের আসরে এমসিজি-র দরবারেই দুদশ কিছ ম্যাচ জয়ের অভিজ্ঞতা রয়েছে টিম ইন্ডিয়ার। তুলনায় অস্ট্রেলিয়া দলে তরুণ ক্রিকেটারে ভর্তি। নাথান এলিস, টিম ডেভিডের আগামীকাল অস্ট্রেলিয়ার জার্সিতে প্রথমবার মেলবোর্নের ভরা গ্যালারির সামনে আন্তর্জাতিক ম্যাচ খেলতে নামছেন। ফলে এলিসের মতো তরুণ ক্রিকেটারদের মনের অন্দরে টেনশনের চোরাগোত্র বইছে।

বিপক্ষ শিরিরের মানসিকতা, টেনশনের আনহের কথা না ভেবে সূর্যকুমারের ভারত আগামীকাল প্রথমে ব্যাটিং করে ৯৭-১ করেছিল টিম ইন্ডিয়া। অভিষেক শর্মা দুদশ শুক্র করেছিলেন। পরে তিন নম্বরে নেমে অধিনায়ক সূর্যকুমার ছন্দে

ত্রিপুরার বিরুদ্ধে বোলিংয়ে অস্ত্র দুই ভাইয়ের জুটি

জোড়া অভিষেকের সম্ভাবনা বাংলার

নিজস্ব প্রতিনিধি, কলকাতা, ৩০ অক্টোবর : পিচে ঘাস রয়েছে। কিন্তু খুবই সামান্য। সারাদিন ধরে আকাশে মেঘের আনাগোনা। মেঘলা আকাশের নীচেই আগরতলার মহাভাঙ্গা বীর ব্রজম কলেজের মাঠে অনুশীলন সারল বাংলা।

আকাশে মেঘ থাকার ফলে দিনের একটা বড় সময় পিচ ঢাকা ছিল বৃহস্পতিবার। ফলে শনিবার আগরতলায় ত্রিপুরার বিরুদ্ধে রনজি টুফির ম্যাচের লক্ষ্যে দলের ক্যাম্পেই এখনও চূড়ান্ত করতে পারেনি বাংলা টিম ম্যানেজমেন্ট। তবে দলের অন্দরের খবর, ত্রিপুরা ম্যাচে বাংলার



দুই ভাই মহম্মদ সামি ও কাইফকে দায়িত্ব বুঝিয়ে দিচ্ছেন শিবশংকর পালা।

প্রথম একাদশের ক্যাম্পেই এখনও চূড়ান্ত করিনি আমরা। বৃষ্টির সম্ভাবনার পাশে একটি শুকনো পিচ ভাবাচ্ছে আমাদের। দেখা যাক কী হয়। শুক্রবার সকালে অনুশীলনের পরই প্রথম একাদশ চূড়ান্ত হবে।

লক্ষ্মীরতন গুরু

জার্সিতে জোড়া অভিষেক হতে চলেছে নিশ্চিতভাবেই। শুক্রবারের বিরুদ্ধে শেষ ম্যাচে চোট পেয়ে তিন সপ্তাহের জন্য ক্রিকেটের বাইরে চলে যাওয়া ওপেনার সূদীপ চট্টোপাধ্যায়ের পরিবর্তে ত্রিপুরা ম্যাচে রনজি অভিষেক হতে চলেছে আদিত্য পুরোহিতের। অন্যদিকে,

তাস হতে চলেছে। বড় অঘটন না হলে শনিবার থেকে শুরু হতে চলা ত্রিপুরার বিরুদ্ধে রনজি ম্যাচে বাংলার বোলিংয়ের মুখ হিসেবে মাঠে নামবেন মহম্মদ সামি ও তাঁর ভাই মহম্মদ কাইফ। আজ সকালের অনুশীলনে সামি বোলিং করবেন। কিন্তু তাঁর ভাই কাইফকে দীর্ঘসময় নেটে বোলিং করতে দেখা গিয়েছে।

বোলিং কোচ শিবশংকর পালাস সঙ্গেও আলাদাভাবে কথা বলেছেন তাঁরা। কোচ লক্ষ্মীরতনের কথায়, “সামি শেষ দুইটি ম্যাচে ৬৮ ওভার বল করেছে। ফলে ওকে ফিট রাখার পাশে ওয়ার্কলোড ম্যানেজমেন্টের বিষয়টাও ভাবতে হবে আমাদের। দেখা যাক কী হয়।”

ডিয়ার সাপ্তাহিক লটারির

১কোটির বিজয়ী হলেন

দক্ষিণ দিনাজপুর-এর এক বাসিন্দা

নম্বরের টিকিট এনে দেয় এক কোটি টাকার প্রথম পুরস্কার। তিনি কলকাতায় অবস্থিত নাগাল্যান্ড রাজ্য লটারির নেডাল অফিসারের কাছে পুরস্কার দাবির ফর্ম সহ তার বিজয়ী টিকিটটি জমা দিয়েছেন। বিজয়ী বললেন “ডিয়ার লটারি থেকে এক কোটি টাকার প্রথম পুরস্কার জয়লাভ করে আমি অত্যন্ত আনন্দিত, এমন কিছু যা আমি কখনও কল্পনাও করিনি। এই ছোট টিকিটটি আমার জীবনে অনেক আনন্দে এবং ইতিবাচক অর্থ এনে দিয়েছে। এই অপ্রত্যাশিত বিজয়ের জন্য আমি ডিয়ার লটারি এবং নাগাল্যান্ড রাজ্য লটারিকে আন্তরিক ধন্যবাদ ও কৃতজ্ঞতা জানাই।” ডিয়ার লটারির প্রতিটি সরাংশই দেখানোয় তাই এর সত্যতা প্রমাণিত।

সাপ্তাহিক লটারির 59A 41462

কোচবিহারের নেতৃত্বে সাব্বির

দিনহাটি, ৩০ অক্টোবর : মুর্শিদাবাদের সাগরদিঘিতে এমএলএ কাপ রাজ্য খো বল শুক্রবার শুরু হবে। যার জন্য কোচবিহার দল বৃহস্পতিবার রওনা হল। দলের নেতৃত্বে রয়েছেন সাব্বির হোসেন। বাকিরা হলেন মতিন সরকার, রৌশন আলম, রহমত আলি, সাদ্দাম হোসেন, আব্দুল রহমান, জয়ন্ত বর্মন, আল আমিন রহমান, তন্ময় বর্মন, মনসুর হাবিবুল্লাহ, রাজু ঘোষ ও মাসুম রাজ।

ক্রিকেট দলবদল

আলিপুরদুয়ার, ৩০ অক্টোবর : জেলা ক্রীড়া সংস্থার প্রথম ও সুপার ডিভিশন ক্রিকেট লিগের জন্য দলবদল শুক্রবার শুরু হবে। চলবে ২ নভেম্বর পর্যন্ত। ৩১ অক্টোবর ও ১ নভেম্বর সংস্থার দপ্তরে এবং ২ নভেম্বর ফলাফল সূচ্যবল্লি ক্লাব ও বীরপাড়া জুবিলি ক্লাবে দলবদল প্রক্রিয়া হবে।



ম্যাচের সেরার ট্রফি নিচ্ছেন সুহানি রায়। -অমিতকুমার রায়

ফাইনালে কাঠামবাড়ি

হলদিবাড়ি, ৩০ অক্টোবর : বঙ্গিগঞ্জ বসরাঙ্গাবালা ডিওয়াইএস ক্লাব ও পাঠাগারের বঙ্গিগঞ্জ মহিলা ফুটবলে ফাইনালে উঠল ভোয়ের আলো কাঠামবাড়ি রিক্রিয়েশন ক্লাব। বৃহস্পতিবার তারা ৩-২ গোলে মাথাভাঙ্গা মহকুমা ক্রীড়া সংস্থাকে হারিয়েছে। ম্যাচের সেরা কাঠামবাড়ির সুহানি রায়। ফাইনালে খেলবে কাঠামবাড়ি ও গ্রিন জলপাইগুড়ি। আয়োজকদের তরফে কল্লল আমিন সরকার জানিয়েছেন, ফাইনালের দিন পরবর্তীতে নিখারিত হবে।

ক্যারাটেতে শ্রীতনা, সৌরভ

কোচবিহার, ৩০ অক্টোবর : ভুবনেশ্বরে ১-২ নভেম্বর ইস্ট ইন্ডিয়া ক্যারাটে প্রতিযোগিতায় নামবে কোচবিহারের শ্রীতনা মুখোপাধ্যায় ও সৌরভ হোসেন। তাঁদের কোচ রাহুল হরিজন জানিয়েছেন, শ্রীতনা মেয়েদের ৩৫ কেজি এবং সৌরভ ছেলেদের ৪৩ কেজি ওজন বিভাগে কাতা ও কুমিতে ক্যাটাগোরিতে অংশ নেবে।



ইস্ট ইন্ডিয়া ক্যারাটেতে নামবে শ্রীতনা মুখোপাধ্যায় ও সৌরভ হোসেন। -জয়দেব দাস

প্রয়াত ক্রীড়া সংগঠক দিলীপ

রায়গঞ্জ, ৩০ অক্টোবর : প্রয়াত হলেন রায়গঞ্জ তথা উত্তর দিনাজপুর জেলার ব্যাডমিন্টন ও ফুটবলের অন্যতম প্রাণপুরুষ দিলীপ বোস। বুধবার রাতে তিনি প্রয়াত হন। মৃত্যুকালে তাঁর বয়স হয়েছিল ৮৪ বছর। তিনি জেলার ক্রীড়াক্ষেত্রে সফল খেলোয়াড় ছিলেন। দীর্ঘদিন দায়িত্ব সামলেছেন দক্ষ ক্রীড়া সংগঠক হিসেবে। রায়গঞ্জ শহরের মিলনপাড়া এলাকার বাসিন্দা ছিলেন তিনি। ১৯৭৮ সালে চালু হওয়া উত্তর দিনাজপুর ব্যাডমিন্টন সংস্থার অন্যতম প্রতিষ্ঠাতা ছিলেন দিলীপ। তার হাত দিয়ে জাতীয় স্তরের অনেক শাটলার তৈরি হয়েছেন।

পাশাপাশি জেলার ফুটবল জগতেও অবাধ বিচরণ ছিল তার। অনেক ফুটবলার তিনি নিজের হাতে তৈরি করেছিলেন। তাঁর প্রাণে শোকের ছায়া জেলার ক্রীড়াঙ্গনে।

উত্তর দিনাজপুর ব্যাডমিন্টন সংস্থার সচিব নির্মল কুমার ঘোষ বলেছেন, “দিলীপ একজন দক্ষ



দিলীপ বোস।

খেলোয়াড় ও কোচ ছিলেন। বিগত দিনে তাঁর হাত ধরে জেলার অনেক সাফল্য এসেছে। তাঁর প্রয়াণে জেলার ক্রীড়াঙ্গণে বিশেষত ব্যাডমিন্টন জগত অভিভাবহকীন হয়ে পড়ল।”